



53874

I

Mag. St. Dr.


P

Kraków

Biblioteka Jagiellońska



stdr0004224



53874

965327

I


fl. 2.

QUÆSTIONES  
ET  
RESPONSA  
ERUDITORUM.  
Pleraque ad Moralem  
**DOCTRINAM**  
&  
INSTITUTIONEM  
pertinentia. —


AUTHORE  
P. JOANNE KRAUS

Societatis JESU.

*Liv. Rheims* *Libr. J. J.*  
*J. J. J.* (O) *J. J.*  
Noviter reimpressa.




BRUNSBURGÆ,  
Typis Collegii Societatis JESU,  
Anno 1720.



REIMPRIMATUR.

THEODORUS EPISCOPUS  
*Varmiensis.*



53829






# JOANNES MILLER

SOCIETATIS JESU,  
Per Provinciam Bohemiæ Præ-  
positus Provincialis.

**C**um Libellum, cui Titulus est:  
Quæstiones & Responsa Sa-  
pientum; à Patre JOANNE  
KRAUS Societatis Sacerdote con-  
scriptum; tres ejusdem Societatis  
Sacerdotes recognoverint, & in lu-  
cem edi posse judicaverint: Pote-  
state à Patre Nostro Michàele An-  
gelo Tamburino Præposito Generali  
ad id mihi data, facultatem con-  
cedo, ut Liber typis mandetur. In  
quorum fidem has literas manu pro-  
pria subscriptas, & sigillo officij mei  
munitas dedi.

PRAGA 10. Julii 1709.

Sa-



**S**apientiam omnium Antiquo-  
rum exquiret Sapiens, & in  
Prophetis vacabit. Narrationem  
virorum nominatorum conser-  
vabit, & in versutias parabola-  
rum simul introibit. Occulta pro-  
verbiorum exquiret, & in abscon-  
ditis parabolarum conversabitur.

*Eccli 39.*

*Qua-*



# QUÆSTIONES ET RESPONSA ERUDITORUM.

## DECAS PRIMA.

**Q**uæst. I. Cujus rei malum est principium? R. Cujus exitus non cogitatur. *Magna pars hominum, inquit Seneca de tranquillitate animi, c. 1. sine proposito vagantur, quærentes negotia: nec qua destinaverant, agunt, sed in qua incurrerunt. Inconsultus illis, vanusq; cursus est, qualis formicis, per arbusa repentibus, que in summum cacumen, deinde in imum inanes aguntur. Hæc ille de cæca gente: de Sapiente autem Sapiens: (Eccl. c. 2.) Sapientis oculi, in capite ejus, ubi chaldaica Paraphrasis: Sapiens contemplatur in principio, quid futurum sit in fine. & Seneca in Regulis de moribus: Nihil tibi*



6 *Quaestiones, & Responsa*  
*subitum sit, sed totum antè conspicias,*  
*Cùm initia inveneris, exitus cogitabis.*

Q. 2. Quæ sunt illa, quæ nemo prudens libenter aggreditur? R. Intimè agere cum Principe: bibere venenum: & arcana credere mulieri. Ex libro Ich-naletæ Indi, qui inscribitur: Specimen Sapientiæ Indorum, ex Dissertat. 1. apud Possinum.

Q. 3. Quid illud, quod vix bene unquam fit? R. Quod primâ vice fit. Ant, Vieira: Fabricando fabri fimus.

Q. 4. Quò nemo prudentum libenter accedit? R. Unde liber regressus non sit. Senec. de tranquill. c. 5. qui & addit: *His admovenda manus est, quorum finem aut facere, aut sperare possis. Relinquenda, quæ latius actu procedunt, nec, ubi proposueris, desinunt.*

Q. 5. Quandonam plùs facit dimidium, quàm totum? R. Plùs facit interdum dimidium, quàm totum: ut virgæ ad solem stantis modica inflexio umbram auget, immodica consumit: Ich-naleta Diff. 1. *Res mira*, inquit Euseb: Nierembergii in dictaminibus Morallibus;



libus; quod in moralibus virtutibus majus est, hoc eas imminuit; excessus transiit in vitium, solaq; mediocritas virtus est.

Q. 6. Quæ domum velocius feruntur, quàm egressa sint? R. Miles defunctus bello; nuncius, qui tristitia significavit; & pleraque pecora post fatigationem.

Q. 7. Quæ non faciliè coepta, non faciliè evertibilia? R. Primum: oppida & urbes. Secundum: literæ, & modus scribendi. Tertium: leges, & statuta Provinciarum. Quartum: Horologia, & divisio temporis. Quintum denique Tonsores. Guevarra in præfat: Horologii principum ex Varrone, & Pœta:  
*Cerevisia Coctor, Tonsor, Pistorq; manebunt,  
Mundo stante, suo semper in Officio.*

Q. 8. Quando negotium habet spem boni eventus? R. Quando plùs virium est in latore, quàm in onere. Aristot: 1. Polit: & Seneca de tranquill. c. 5. Æstimanda sunt, quæ aggredimur, & vires nostræ cum rebus, quas tentaturi sumus, comparandæ, debet enim semper plùs esse virium in latore, quàm in onere.

Q. 9. Quid illud, quod quàmvis bene fiat, malè fit? R. Cùm quod debeat fieri in occulto, fit in publico; unde Pòeta: *Quod bene fit, malè fit, nìmiùm si fiat apertè Occultè dum fit, quod malè fit, bene fit.*

Q. 10. Cujus rei melior est finis, quàm principium? R. Inutilis garrulitatis: de hoc Ecclesiastes c. 7. *Melior est finis orationis, quàm principium.* & Pòeta de garrulo Pòeta:

*Quid nobis placeat recitato in carmine queris:  
Nihil mihi, crede, magis sine placere solet.*

## DECAS II.

Q. 1. Quid est, quod plerique videmus, neque tamen amplectimur? R. Id, quod in agendis meliùs est. *Video meliora, proboq; deteriora sequor,* dicebat illa: & alius: *Nitimur in veritum semper, cupimusq; negata.*

Q. 2. Quæ cæteris sunt meliora? R. Amicus, qui utilia, non blanda suadet; subditus, qui ad veritatem, non ad gratiam servit: negotium, quod felicem exitum habet: laus, quæ à bonis datur;

datur: Princeps præfidentia non turgidus: dives rei suæ non nimis attentus: & sodalis rixam cavens. Ichnaleta differt: 1.

Q. 3. Quomodo se sapiens habet ad suos? R. Genitores habet pro amicis: Fratres pro comitibus itineris: Uxorem pro contubernali: Filios pro tabellariis, memoriam Patris ad posteros perlaturis: Filias, ut adversarias in lite: Cognatos, pro fæneratoribus sua recepturis: ipse verò sibi debet esse solutus affectibus omnibus. Ichnaleta differt: 9.

Q. 4. Quis tenet locum innocentie proximum? R. Cui malè agendi occasio defuerit. Rarus quippe, quem occasio non fecerit furem. *Occasio spelunca est Sathane, & os inferni, & insidie inhabitantis peccati.* Nieremb: in dictaminibus Christianis.

Q. 5. Quid agendum Sapienti in loco, ubi nullus est sapiens? R. Curandum, ut ipse tunc sapiens esse velit, de hoc Rabbi Hillel: nullus nebulo timer peccatum; nec idiota est vir pius; nec

qui erubescit, discit: neque iracundus docet: neque qui crebrius ultro citraque; errat, sapiens fit: & in loco, ubi non sunt viri, da operam, ut virum præstes.

Q. 6. Quæ est homini per totam vitam poenitendi materia? R. Stulta circa vitæ conditionem electio. Daniel Bartoli.

Q. 7. Quod est opus hominis eruditi? R. Adversum neminem queri. *Alios accusare*, inquit Epictetus in Enchiridio, c. 10. *in calamitate sua, est hominis ineruditi: accusare autem se ipsum, ejus, qui erudiri capit: nec se, nec alium; eruditi.*

Q. 8. Cujus Mater non flet? R. Timidi, seu cauti. Ex Æmilio, in vita Thraſibuli. *Beatus homo*, inquit Salomon Prov. 28. *qui semper est pavidus, qui verò mentis est dura, corruet in malum.*

Q. 9. Cui bono est eruditio? R. Nè saltem in theatro saxum supra saxum sedeat. Aristippus apud Lipsium de Amphitheatris, monuerat is nobilem virum, ut filium literis faceret imbui. Cui ille: quam ob utilitatem? respondit autem Aristippus: cum fuerit in theatro, de eo



non poterit dici: lapis super lapidem sedet.

Q. 10. Quid est periculum? R. Malum quod prudens praevidet, timidus fingit, iustus non metuit, honoratus contemnit, fatuus invenit, temerarius quaerit, infelix incurrit, Nieremb: in dictamin: general.

*DECAS III.*

Q. Uaest: 1. Quae res destitutae sunt suis necessariis? R. Fluvius carens aqua: terra non habens Regem: mulier destituta viro: & homo, non discernens bonum à malo. Ichnaleta dissert: 7. Aliter: Consiliarius nullius conferentiae, Philosophus nullius consequentiae, & Theologus nullius conscientiae.

Q. 2. Quae civitas melior ipsa, quam non ipsa? R. In qua boni quidem viri, plus quam sibi competat habere non quaerant; improbi autem, etsi quaerant, habere non possint. Aristoteles 2. Politic. c. 5.

Q. 3. Quando inter litigantes tollitur contentio? R. Quando mensa, seu coena parata est. Rabbi Jose.

Q. 4. Quot aures Judex habet ? R. Imprudens, habet tantum unam, scilicet pro audiendo Accusatore. Judex sapiens habet duas, alteram pro Actore, alteram pro Reo. Interessatus habet tres: duas pro audiendis partibus, tertiam autem ibi, ubi nummus sonat.

Q. 5. Unde orta est lis? R. Ex meo, & tuo, nempe, quod volo, tu vis, sic orta est lis. Unde B. Jacobus in sua Canonica c. 4. *Unde bella, & lites in vobis? nonne hinc, ex concupiscentiis vestris, que militant in membris vestris.*

Q. 6. Quis debitor fortunatus? R.  
Qui nulli quidquam, nisi sibi debet, il-  
li nempe, cui facillimè negare possit,  
cùm volet. Ex Seneca de tranqu. c. 8.

Q 7. Quos homines, vellemus esse  
cecos, & mancos? R. Judices: unde  
Pœta ad Decianum Judicem, de mune-  
rum acceptione suspectum, ait:

Non volō te surdum, non mutum: te volo  
cæcum;

*Non claudam, mecum te Deciane volo.*

Q. 8. Quis dormit apertis oculis? R.  
Imbellis Justitia. Cum enim punire illi

1991

non sit integrum, dissimulare cogitur vitium. De principe dixit Alciatus in Emblematis:

*Est leo, sed custos: oculis quia dormit  
apertis;*

*Templorum idcirco ponitur ante fores:*

Q. 9. Quibus oportet, ut integram confessionem faciamus? R. Tribus: Causidico, Medico, & Theologo, unde Pòeta:  
*Integra Causidico narranda est causa perito,  
Et Medico morbus, crimina Theologo.  
Sæpe loqui nocuit; tamẽ hic tacuisse nocebit:  
Posse tacere ars est; ars quoq; posse loqui.*

Q. 10. Quæ feriæ diutissimè durant in rebus publicis? R. Quæ dicuntur Justitium. Est enim Justitium, in quo non fit Justitia, quæ, cum in mundo rarè admodum administratur, ferè semper est justitium. unde Pòeta:

*Quid rogo, Justitium est? quando, inquis  
Amigdale non sit*

*Justitia: ergo omni tempore Justitiũ est.*

*Non est veritas, non est misericordia,  
non est scientia in terra, inquit Propheta.  
Oseas; maledictum, mendacium, homici-  
dium, furtum, adulterium, inundaverunt.*

Et Pòeta metamorph. 1.

*Victa jacet Pietas, & Virgo cademadentes  
Ultima cælestium, terras Astræa reliquit.*

#### DECAS IV.

**Q**uæst. 1. Quandonam tandem viro etiam forti, desperandum? **R.** Nunquam. *Qui nihil potest sperare, desperet nihil.* De viro forti Horatius: *Sæ fractus illabatur orbis, impavidum ferient ruina.*

**Q.** 2. Quid pejus bello? **R.** Pejor est bello timor ipse belli. Malus quippe rerum interpret metus, & pessimus in dubiis augur timor, cuncta per conspicienda augmenta inspicit.

**Q.** 3. Malum ex dimidio quis superavit? **R.** Qui prævidit; qui non prævidit, ex dimidio superatus est. Daniel Bartoli in Geographia Politico-Morali.

**Q.** 4. Quomodo quis facile invictus esse possit? **R.** Si in nullum descendat certamen, quod vincere ejus arbitrii non est. Epictetus c. 25. *Vis posse quid vis, velle, quod nequis, noli.*

**Q.** 5. Quot unaquæque res anfas habet?



bet? R. Duas, unam tolerabilem, alteram intolerabilem. Si frater injuriam fecerit, non eâ apprehende, quâ facit injuriam; ea enim ejus ansa non est tolerabilis. Sed illinc potiùs: esse fratrem, esse unâ educatum. Sic prehendes eum, quâ est tolerabilis. Epiëtetus c. 65.

Q. 6. Quis non creditur facilè hostem aggressurus? R. Qui non est hoste suo superior. Famian, Strada, de Bello Belgico. *Quis Rex iturus committere bellum, adversùs alium Regem, inquit Christus D. Lucæ 14. non sedens priùs cogitat, si possit cum decem millibus occurrere ei, qui cum viginti millibus venit ad se, alioquin adhuc eo longè agente, legationem mittens, rogat illa, qua pacis sunt.*

Q. 7. Quod magnum hominis malum? R. Non posse ferre malum. Bion. *Ægrè toleras dolorem? igitur velles minorem.* Hoc ipso, quod non velis ferre, magnum facis. Solùm ferendo fit minor: Nieremb: in Stoicis. *Tu nè cede malis, monet Pòëta; sed contrà audentior ito.*

Q. 8. Quem nemo timet? R. Qui omnes timet, Quem verò quisque meri-  
tò

tò timet? *R.* Quem immeritò læsit. At quem sapiens timet? *R.* Unum suprà: alterum infrà est: ibi DEUS, infrà infernus.

Q. 9. Quibus rebus regitur mundus? *R.* Libro; & Gladio: Lege, & Potentiâ: Sapientiâ, & Viribus. Seu regitur duplici Capite, quorum alterum est viva Bibliotheca, alterum viva portat castra. Clementis VIII. Symbolum fuit Pedum, & Gladius, utrumque connectente Lyrâ. Lemma: *Nihil ille reliquit*, scilicet nihil intentatum. Augustissimi Imperatoris Leopoldi I. Tesserâ fuit: *Consilio, & industria.* Josephi I. Regis Roman: *Amore, & timore.*

Q. 10. Qui cum primis timendi? *R.* Timidi. Dolis enim suppleant virium defectum, & quod nequeunt animo, præstant insidiis. Minùs autem habet periculi hostilitas aperta, quàm dolus occultus. Nieremb: in dictam. prudent.

### DECAS V.

Q. Uæst. 1. In qua civitate malè provisum viris? *R.* In qua malè provisum est circa mulieres. Aristot: 2. Politicis

lit: c. 7. unde ait: *Lenitas in mulieres, & ad propositum Reipublica nocet, & ad directionem civitatis: & in quacunque Republica malè provisum est circa mulieres, in ea putandum est medietatem civitatis esse neglectam.*

Q. 2. Quæ sunt, quæ omnes passim vera affirmant, & quibus omnes pænè contra faciunt? R. Ex Lipsio, l. i. Elector: c. 5. *Tam malum est habere numeros, non habere quàm malum est. Tam malum est audere semper, quàm malum est pavere semper. Tam malum est tacere multum, quàm malum est multum loqui. Tam malum est foris amica, quàm malum est uxor domi. Nemo non hac vera dicit: nemo non contra facit.*

Q. 3. Quæ sunt, quæ domo egressa, nunquam ad eandem reverti contingit? R. Fides Principis semel, authoritasque amissa. Aliter Pòeta:

*Tempus, Virginitas, verbum, cum fluminis unda,*

*Hac egressa semel, non nôrunt deinde reverti.*

Q. 4. Quid est in hospitio luxuriosi

18 *Quæstiones, & Responsa*  
riosi turpissimum? R. Hospes. *Nequè*  
*quidquam domi tue turpius est, quàm tu,*  
ait Cicero in Sallustium, & subjungit:  
*Si (Pater tuus) nunquam in vita tua pec-*  
*cavit, tamen majorem injuriam Reipub-*  
*lica facere non potuit, quàm quòd te ta-*  
*lem filium genuit.*

Q. 5. Quis potenti caret adversario?  
A. Uno caret, qui uno oculo, duobus,  
qui utroque oculo orbatus est.

Q. 6. Quæ casta? Quam nemo roga-  
vit. Aliter: quæ de utero translata ad  
tumulum. Inter Fideles tamen nume-  
rantur innumera lilia, inter quæ dile-  
ctus pascitur, hinc illud:

*Iesu Corona Virginū, qui pergit inter lilia,*  
*Septus choreis Virginum, sponsus decorus*  
*gloriā.*

Q. 7. Qui oculi minùs rectè sunt  
spofiti. R. 1. Timentis, cuncta enim  
illi videntur, ut leo in via. 2. Sperantis,  
cuncta enim illi videntur propinqua.  
3. Odientis, cuncta enim illi videntur,  
ut castra. 4. Amantis, cuncta enim illi  
videntur formosa. Unde Pòeta:

*Omnis amor cecog, non est amor arbiter equus*  
*Nam*



*Nam deforme pecus judicat esse decus.*

Q. 8. Quæ rarò tegit faciem? R. Formosa. unde Pòeta in Idam:

*Quid larvâ geris Ida, cupis formosa videri:  
Fallere; nam rarò pulchra tegit faciem.*

Q. 9. Quid formam sequi solet? R. Diversa accidentia; seu munuscula. Sed inter accidentia illud facilè primum, quod est periculum pudicitia, unde Pòeta:

*Lu est cum forma magna pudicitia.  
& Fam: Strada de bello Belg: Propè se  
se consequuntur: proponi formam, & ex-  
poni pudicitiam.*

Q. 10. Quæ sunt dotes mulierum? R. cum Pòeta:

*Mentiri, nere, lacrymari, nil: ta-  
Decipere, veræ sunt dotes in  
Vulpes vult fraudem; lupus agnum,  
mina laudem.*

## DECAS VI.

Q. 1. Quis nunquam solus? R. Amor. Unde Valerii Solonii Imperatoris Tessera fuit: *Magnum satellitiam Amor.* Sed & Terentius in Eunuchō,

cho, ait: *In amore hæc omnia insunt vitia: Injurie, suspiciones, inimitie, inducia, bellum, pax rursum.*

Q. 2. Quis de forma non rectè iudicat? R. Amantes. ita Fabatius, & Plutarchus Platoniceus q. 1. Amantem res amata cæcum facit. *Isti præposterè officia permiscunt*, inquit Seneca l. 1. ep. 3. *qui contra præcepta Theophrasti, cum amaverint, iudicant*, & S. Anselmus Libro, cur DEus homo, c. 1. *Perversus ordo, amare, ut intelligas, rectissimus, intelligere, ut ames.*

Q. 3. Quandonam primum inter amicos divortii periculum? R. Cum suspicio, & phantasia colludere cœperint. Daniel Bartoli.

Q. 4. Quid agit, qui quempiam valde curat? R. Qui curat alium, alium negligit. ita Epictetus: *Non potest fieri* inquit c. 18. *Quin is, alterum qui curat, alterum negligat.*

Q. 5. Quis minùs gaudet, minusque simul dolet? R. Qui nulli familiaris admodum est. unde Tragicus:

*Nulli te facias nimis sodalem;*

Gau-

*Gaudebis minùs, & minùs dolebis.*

Qua de causa Venus, cùm Cupidinem filium suum, jam nimium hilarem, jam nimium moestum experiretur, eidem alas succidisse fertur, ne societates, ex quibus illas vicissitudines domum ferebat, volatu accedere posset.

Q. 6. Quæ sunt amoris divisiones?

R. Amare, à quo non possis amari, erroris est: amare, à quo possis non amari, periculi est, amare, à quo non possis non amari, si ames, securissimæ felicitatis est. Error est in amore temporalium, periculum est in amore hominum: in amore DEI securitas est. Nieremberg: in dictamin: Christianis,

Q. 7. Quænam agunt in distans? R.

Fama, quæ abientes vel commendat, vel vituperat. Pecunia apud alium, elocata, quæ creditorem divexat, & amor absentis, qui distantem cruciat, unde de ultimo Pòeta:

*Uror amore miser: tantoq; potentiùs uror,  
Quanto què me urit, longiùs ignis abest.*

Q. 8. Quæ res, cùm deberet esse vinculum præcipuum amoris, maxima dissensi-

senſionum cauſa eſt? R. Idem velle. Seneca l. 3. de Ira. *Quod vinculum amoris eſſe debebat, ſeditionis, atq; odii cauſa eſt: idem velle.* Cùm Franciſci I. Regis Galliar Legatus à Carolo V. Burgundiam pro ſuo Rege peteret, reſpondit Carolus: *Idem prorsus volo, quod Franciſcus Frater meus.*

Q. 9. Quandonam amicitia etiã inter amiciffimos ſolvitur? R. Cùm eorum alter ad honores evectus fuerit. Honores enim, ut eſt parœmia, mutant mores, ſic & amores. Unde cùm Franciſcus Ximenes Cardinalis eſſet electus in Archi-Epiſcopum Toletanum, idq; amico ſignificãſſet, ille dignitatem gratulatus, ſimul ſe dolere aiebat: quòd optimum amicorum perdidiffet.

Q. 10. Quæ ſunt conſervativa Amicitia: R. Pileus, qui ob honorem deponitur; charta, quæ inſcripta amico mittitur; & vitrum, quod eidem propinatur.

## DECAS VII.

Q. Uæſt. I. Quæ beneficia malefacti ſpeciem habent? R. Malè locata, juxta illud Ennii: *Benefacta, malè locata.*



sa, malè facta arbitror. Quare Cicero 2. Offic: Melius apud bonos, quàm apud fortunatos beneficium collocari puto.

Q. 2. Quamdiu beneficia grata? R. Dum exsolvi posse videntur, ita Tacitus 1. 4. Annal: Beneficia eò usq; leta sunt, dum videntur exsolvi posse: ubi multùm antevenière, pro gratia odium redditur. Et verissimè quidem, quid enim illud hominis, quod beneficiis mañtari velit.

Q. 3. Quis est habitus beneficiorum? R. Posse benefacere, est virtutis, & muneris Regii, velle benefacere, est dotis Divinæ. Ex adverso posse malè agere, imbecillitatis est humanæ: actu malè agere, summi est periculi: velle malè agere, animi vilis, & abjecti: velle aliis malè, dæmoniaci.

Q. 4. Qui sunt beneficiis suis plerumque ingrati? R. Dominorum famuli. Contingit enim, ut dum dona ad alios deferunt, partem, vel totum surripiant, neque tamen ulli pro hoc grates pendant. Cùm Petrus de Campo, Episcopus Uticensis, cuidam Religioso misisset sex Capones, famulus unum eorum retinuit,

tinuit, quod advertens Religiosus, significavit Episcopo, gratias se habere pro quinque caponibus; pro sexto famulo incumbere gratias agere, ut qui unum retinisset.

*Q. 5. Quid malè negaveris alteri?*

*R.* Quod ipse aliquando petiturus es. Sicut neque bene expetieris, quod es negaturus. Nieremb: in dictamin: prudent.

*Q. 6. Quomodo quis gratis, gratus esse possit?* *R.* Si, quæ accepit, liberè enuntiet accepta esse; tunc enim nihil præter verba expendet, & tamen gratus habetur.

*Q. 7. Quid cum sole plerumque occumbit?* *R.* Memoria acceptorum beneficiorum, quare etiam dicitur, quod gratitudo rarè consenescat; quippe quæ ultra diem vix vivat. Ex adverso memoria acceptarum injuriarum, cursum Saturni habet, qui lentissimus, & feralis simul est.

*Q. 8. Quæ res secretum poscit, ut felicem eventum habeat?* *R.* Donum, quod pauperi datur, unde Prov. 21. Munus absconditum extingvit iras, & donum

In sinum, indignationem maximam, Neque ullus furum fortunatior est, quàm is, qui occulto dono pauperis cor & affectum sibi vendicat. Agesilaus Rex Apelli donum, cum ægotantem invisisset, sub cervicem inscio subtruserat. Deprehendit aurum puer, qui lectum parabat, Heroque insinuavit: tum Apelles silentium imperans, sine inquit, hoc Regis furtum est, & miranti; hoc enim dono, ait: Rex cor meum furatus est.

Q. 9. Quod donum, ut ut magnum, vile tamen? R. Quod multis; vel communitati toti confertur. Quare Aristoteles l. 4. Ethic: monuit, præmia sine discrimine danda non esse, Et Strada de bello Belg: *Facilius beneficio capiuntur singuli, quàm multitudo.*

Q. 10. Quid deterius, quàm æqua petenti non dare? R. Yardè negare. Unde Vieira: durum est, *Non;* sed multò duriora sunt verba bona, quæ illud *Non* tegunt, & in longum trahunt, de hoc ad Phœbum, Martialis;

*Mutua te centum sestertia Phæbe rogavi;  
Cunctaris, dubitas: jam rogo, Phæbe nega.*

*Sex sestertia si statim dedisses,  
 Deberem tibi pro ducentis  
 At nunc cum dederis diu moratus,  
 Sex sestertia Pæte perdidisti,*

### DECAS VIII.

Uæst. I. Quæ res peior sub cinere,  
 quàm extra? R. Odium. *Meliora  
 sunt, inquit Salomon Prov: 27. vulnera  
 diligentis, quàm fraudulenta oscula odien-  
 tis.* P. Licinii Valeriani Imperat. tessera  
 fuit: *Amicum, inimicum fugito.* Item:  
*Non acerba, sed blanda verba timenda.*

Q. 2. Quorum hominum major nu-  
 merus? R. Antipodarum; plerique a-  
 gendo, & sentiendo aliis obnitimur.

Q. 3. Quibus rarò, vel nunquam  
 convenit? R. (corvus,

*Nunquam conveniunt, vel rarò: noctua,  
 Nec corrivales, nec super osse canes.*

Q. 4. A quibus cavendum viris Prin-  
 cipibus? R. A saccharata lingua, & à pi-  
 perato corde. Bogislaus VIII. Pome-  
 ranix Dux.

Q. 5. Quid habent pessimi opti-  
 mum?

mum? *R.* Quòd se mutuò per arma plectant: hoc pessimum, quòd sinè scelerè non plectant.

*Q. 6.* Quis maximus hominum error circa bellum? *R.* Eorum, qui bellum arbitrantur esse adjectivum. Bellum, inquit Nierembergii in dictaminibus Regiis, alitur cadibus hominum, substantià Regnorum, exactio- nibus, & tributis populi; sistit com- mercia; militem in licentiam accendit: flammis, & vastationibus replet univer- sa. dic tu esse bellum.

*Q. 7.* Cujus cadaveris bonus est odor? *R.* Occisi hostis. Aulus Vitelli- us Imperator, cùm locum pugnae, in quo Otto profligatus fuerat, amissis su- orum quadraginta millibus, lustrasset, experireturq; cadavera putrescentia fæ- dum olere, ridendo dixisse fertur: *Bonus odor hostis; melior occisi civis.*

*Q. 8.* Cui nemo facilè invidet se- pulchrum? *R.* Hosti suo. Henricus IV. Imperator, cùm Merseburgum venis- set, ubi adversarius illius Rudolphus Sveciæ Dux splendido in monumento



sepultus quiescebat, audivissetque svadentes, ut adversarium suum exhumari faceret, respondit: *Sinite illum, utinam omnes hostes mei tam splendide quiescerent.*

Q. 9. Quis dierum longissimus? R. Dies Martis. Dies Solis longior solito fuit sub Josve: dies Lunæ, cum Alcumena Herculem dicitur concepisse: at nos jam multos annos diem Martis habemus.

Q. 10. Cui raro credendum? R. Timori, & dolori raro, amor, & iræ nunquam. Franciscus II. Valesius in Symbolo habuit aureum nummum, qui ad lapidem Lydium explorabatur, cum lemmate: *Sic spectanda fides.*

## DECAS IX.

Quæst. 1. Quæ non sunt nostri arbitrii? R. Ea, quæ ipsi non agimus. unde Epictet. in Ench. *Nostri arbitrii non sunt: corpus, pecunia, gloria, imperia; ad summam, ea, quæ ipsi non agimus, omnia.* Et Satyrîcus: *Et genus, & proavos, & quæ non fecimus ipsi, vix ea nostra puto.*

Q. 2.

Q. 2. Quis infortunatus? R. quem appetitio frustratur. Epict: c. 6. Porro frustrari necesse erit, si ea, quæ nostræ arbitrii non sunt, desiderâris.

Q. 3. De quibus non multum sperat Prætor? R.

*Inconstans animus; oculus vagus; instabilis pes:*

*Hæc tria sunt hominis, de quo nunquam bona spes est.*

*Aliter: Fœmina dum plorat, dum rusticus ebrius orat,*

*Lusor dum jurat, nulla hic devotio durat.*

Q. 4. Quid illud, quod sagittariis aberrandi causâ non ponitur? R. Meta. Epictetus c. 34.

Q. 5. Cujus rei nullus est terminus? R. Quæ semel modum transierit. Epictetus c. 51. & Prov; 18. dicitur. *Impius, cum in profundum peccatorum venerit, contemnit.*

Q. 6. Quæ virtus, omnibus cæteris diffugientibus, homini solet esse residua? R. Poenitentia; seu Metanea, quàm Veteres sceleratissimo cuique committere dabant.

Q. 7. Qui non facile perveniunt ad  
 scientiam? R. Qui se putant perve-  
 nisse. *Puto*, inquit Seneca, de tranquill.  
 c. 2. *multos potuisse ad sapientiam perve-  
 nire, nisi putassent se pervenisse.*

Q. 8. Qui Artistæ vitandi? R.

*Unum Grammaticum, Logicum, & Rhe-  
 tora vita:*

*Hos modò vitaris; cætera tuta tibi.*

*Quis Rhetor? Mundus. Fallax Logicus?  
 Cacodæmon.*

*Semper declinans est Caro Grammaticus.*

Q. 9. Quæ res nomina mutârunt?  
 R. Garrulitas olim, nunc affabilitas  
 dicitur: dissolutio, alacritas: avaritia,  
 providentia: curiositas, circumspectio:  
 obstinatio, constantia: vana gloria, ge-  
 nerositas: præsumptio, spes: amor car-  
 nalis, charitas. Albertus M. in Para-  
 diso animæ, in prologo. Et juxta Sene-  
 cam in Hercule furente: *Prosperum, &  
 felix scelus, virtus vocatur.*

Q. 10. Quæ sunt vestigia, ex qui-  
 bus proficiens deprehendi possit? R.  
 Neminem reprehendere: neminem lau-  
 dare: neminem culpare: neminem ac-  
 cusa-

cusare: nihil de seipso prædicare; quasi aliquis sit, aut aliquid sciat. Cum in aliqua re impeditus fuerit, aut prohibitus, seipsum accusat. Si ab aliquo laudatur, secum ipse deridet laudatorem. Si reprehenditur, non defendit se; sed ritu infirmorum circuit, metuens, nè statum illum convellat, priusquam is confirmetur. Omne desiderium à se dependens habet: averfationem ad ea sola, quæ naturæ eorum repugnant: animum verò ad ea, quæ nobis parent, transfudit: appetitione ad omnia, remissâ utitur: sive stolidus, sive indoctus habeatur, non curat. Denique ut inimicum, & insidiatorem, seipsum observat. Epictet: c. 72.

*DECAS X.*

**Q**uæst. 1. Quæ tutius considerantur in abstracto, quàm in concreto?

**R.** Vitia: in concreto autem virtutes. Si enim vitium consideremus in concreto, incipiemus homines odisse: si virtutem, homines propter virtutem amabimus.

Q. 2. Quid deterius, quàm esse mortuum? R. Vivere mortuum, scilicet, nihil agendo. Unde Curius Dentatus, ut habet Seneca de tranquillit. c. 7. dicere auditus: *Malle se esse, quàm vivere mortuum.*

Q. 3. Quò inter homines nihil turpius? R. Grandi sene, qui nullum aliud habet argumentum, quo se probet diu vixisse, præter ætatem. Idem Ibid.

Q. 4. Quis communis tranquillitatis inimicus? R. Comes perturbatus, & omnia gemens. Idem c. 7. Cæterùm quæ domum turbant, sunt: campana quæ intermissione sonans, canis ad omnia latrans, & mulier, cui cum viro malè convenit.

Q. 5. Quis idem optimus, simul & pessimus? R. Optimus malorum. Talis enim, qui inter malos primatum tenet, cæteros omnes malitiâ superet, necesse est. Optimus autem malorum; in sensu Martialis, ejusmodi dicitur, qui ad Attalum hæc scribit:

*Miles es, & malus es, bonus es tamen Attale miles;*

*Mi-*



*Miles enim ut canis est, qui malus, ille bonus.*

In quem sensum etiam idem scripsit ad Labullum, l. 12. ep. 30.

*Non es crede mihi bonus: quid ergo;*

*Ut verum loquar: Optimus malorum.*

Q. 6. In quo sapiens, & insipiens differunt? R. Sapientes sunt similes floribus, qui pulchrius se vestiunt parte, qua cælo propinquiore sunt: insipientes pro rapis habent, quæ se totas terræ immergunt.

Q. 7. Quomodo se habet animus bonus in re mala? R. Ut dimidium mali. *Perdit dimidium, qui malè cæpit opus.*

Q. 8. Quandonam sapiunt homines? R. Plerumque serò. *Serò Phryges sapiunt*, inquit ille. Alius autem: *Piscator iustus sapit.*

Q. 9. Quandonam vulnus vulnere curandum? R. Cum alioqui immedicabile est. Ita Flavius Valerius Constantinus Imperator in sua tessera: *Immedicabile vulnus ense recidendum est, nè pars sincera irabatur.* Ejusdem effatum fuit: *Imperatorem nemini, nè suis quidem membris parcere debere.*

Q. 10. Qui mali Curatores? R. Olitor, qui radicitus olus evellit; Pastor, qui oves deglubit, non tondet; & Chirurgus, qui nimis emungit; ejusmodi enim pro pure elicit sanguinem. Alexander Mæcedo, cum quidam svaderet, civitates subjectas majora tributa pendere posse, sapienter respondisse fertur: *Odi Olitorum, qui radicitus olera vellit. Amo emunctorium, quod ardenti facule sordem aufert, lucem non adimit.*

## DECAS XI.

Quæst. 1. Quid Mundus? R. Ex Gualtero Pauli:

*Ubi plura sunt timenda, quò major est securitas:*

*Ubi plura sunt videnda, quò major est obscuritas.*

*Ubi deficit facultas, ubi nocet innocentia:*

*Ubi separat simultras, ubi decet indecentia.*

*Ubi pudor est pudori, ubi licet licentia:*

*Ubi stupor est stupori, ubi solita insolentia.*

*Ubi statur arroganter, statûs ubi mysterio:*

*Res seriæ oscitantur, nugæ geruntur seriò.*

Q. 2. Quod maximum ex punctis?  
R. Mun-

R. Mundus! O quàm ridiculi sunt mortalium termini! inquit Seneca l. i. questionum Natural: *Punctum sanè est illud, in quo navigamus, in quò bellamus, in quo regna disponimus.*

Q. 3. Quæ figura mundi? R. Præteriens. Globum terraqueum Anaximander dixit esse instar columnæ: Plato, viginti angulorum: Anaximenes: instar mensæ: Leucippus, instar tympani: Democritus, instar orbis mensalis: Aristoteles, rotundum: sed optimè Apostolus: *præterit, inquit, figura hujus mundi.*

Q. 4. Quod illud, quod sapientibus semper minùs, atq; minus apparuit? R. Terra! Terræ ambitum Aristoteles posuit quinquaginta millium milliarium Italicorum. Centum annis pòst, Hipparchus dixit esse 34600. milliarium. Post hunc Dionysiodorus statuit esse 33000. milliarium. Ptolomæus 500. annis post Aristotelem, censuit esse 22500. milliarium. Alfranus mille trecentis annis post Aristotelem, dixit esse 20040 milliarium. Sunt hodie, qui minorem faciunt; adeò semper mundus decrevisse visus!

Rectè igitur cum Bòetio l. i. de Consol. dicimus: *Rara si constat sua forma mundo, si tantas variat vices; crede fortunæ hominum caducis, bonis crede fugacibus.*

Q. 5. Qua ratione mundus potissimum decipit? R. Repræsentando præsens, ut semper futurum. *Hinc morimur ut mortales,* inquit Seneca: *vivimus ut immortales.*

Q. 6. Quis in hoc mundo servus servorum? R. Qui omnibus placere voluerit, mancipium autem, qui passionibus suis obtemperat.

Q. 7. Quod mobile, maximè immobile, & quod immobile, maximè mobile? R. Cælum maximè est mobile, & tamen extra suum locum non exit. Terra verò in æternum stat, ut dicunt Scripturæ, & tamen illâ nihil mobilius, inconstantiusq;, unde Pòeta:  
*Uisq; licèt cælum moveatur, constat: at Orbis  
Sit licèt immotus, errat in orbe tamen.*

Q. 8. Sinè quâ re difficulter respiratur in hoc mundo? R. Sinè aura favoris. Hæc autem aura non faciliùs attrahitur, quàm ab auro, qui ejus magnus est.

Q. 9.

Q. 9. Quando multi Principum liberantur à Tyrannidis suspicione? R. Cùm agunt animam. Flavii Domitiani Imperatoris tessera fuit: Paucis notum est, quàm misera sit Principum conditio; qui à tyrannidis suspicione tum demum liberantur, cùm agunt animam.

Q. 10. Quæ moneta potissimum in usu, in hoc mundo? R. Adulatio, nunquam illa, nisi apud sapientes, devaluationem timet.

### DECAS XII.

Q. 1. Quot sunt, qui non dormiunt? R. Octo. Dives, non habens fidelem servum. Homo, alteri necem machinans. Amator, deperiens mulierem. Consciens, se falsum crimen imposuisse illi, qui ulcisci potest. Pauper, à quo exigitur, quod non habet. Æger, destitutus medico. Maritus adulteræ. Divesq; timens inopiam. Ichneuleta differt: 7.

Q. 2. Quæ est plerisque tam felicitatis, quàm infelicitatis Mater? R. Phantasia. *Homines*, inquit Epictetus in En-



chiridio c. 10. *perturbantur non rebus, sed iis, quas de rebus habent, opinionibus*  
 Et Nierembergius in Stoicis: *Usitatissimum est, nos apparentiis falli.* Horatius quoq; de arte: *Decipimur specie.* Et Virgilius in Æneide: *Possunt, quia posse videntur.*

Q. 3. Quis habet assiduum bellum?

R. Qui non est nummatus, cum multiplici enim miseria continuò ei luctandum. Imò & nummatus, nam Ecclesi: *5. dicitur: Saturitas divitis, non finit eum dormire.* Et Fam: Strada in bello Belg: *Pecunia sive desit, sive suppetat, seditiosa res est.*

Q. 4. Cui domi suæ nihil obsignatum? R. Qui, quos fideles arbitratur, furaces servos habet.

Q. 5. Quid molestius, quàm peculium non habere? R. Perdere; tolerabilius enim, atque facilius est, aut non habuisse, aut non acquirere, quàm habita amittere. *Idcoq; inquit Seneca de tranquillitate, c. 8. latiores videbis, quos nunquam fortuna respexit, quàm quos deseruit.*

Q. 6.

Q. 6. Quid illud, quod omnes præ-  
tendentes in hoc mundo sibi auferri vel-  
lent? R. Spes. collatione nimirum bene-  
ficii, quod prætendunt. unde Pòeta:  
*Spes me te spectat fortunatissime Princeps;  
Tu mihi spem misero tolle, beatus ero.*

Q. 7. Quandonam volucris ne-  
cesse decurtari alas? R. Dum in iisdem  
nimium excrescit, & producit cauda,  
dicebat Italus de eo, qui copiosam alebat  
familiam, unde ad inopiam redigeba-  
tur. Julii Constantis Imperatoris tessera  
fuit: *Crescente superbiâ decrescit for-  
tuna.*

Q. 8. Quandonam divitum multi-  
plicantur opes? R. Cum absumuntur.  
Dum enim intra cistas hærent, unius  
sunt, & dominii, & hospitii; at dum  
consumuntur, plurium fiunt, unde Pòeta:  
*Nunquã deficiunt Charites; cum dantur,  
habentur,*

*Cumq; absumuntur, multiplicantur opes.*

Q. 9. Quis est cursus mundi? R. Si-  
cut heri, & nudiustertius. quare Pòeta:  
*Sicut it, ire sinas, nam sicut it, ivit, &  
ibit.* Aliter: mundi cursus est cancri-  
nus,

nus, quare ille apud Philippum Picinelli cancro adscriptit: *Orbis iter.*

Q. 10. Quot modis pereunt Provinciæ & regna? R. Quatuor: Ambitione Gubernantium, avaritiâ Ministrorum, neglectu Divinorum, & statûs Ecclesiastici contemptu, Nieremberg: in dictamin: Regiis. Aliter Pœta:

*Alta cadunt: Inflata crepant: Tumescentia premuntur.*

### DECAS XIII.

Quæst. 1. Quis timendus divitibus? R. Ille, qui paupertatem timet. Egestas quippe Magistra fraudum est, & quod deest virium, supplere solet nequitiâ, eò atrocior, quò infirmior.

Q. 2. Quod idem solatium miseris, ac tormentum felicissimis? R. Incremento locum non esse. *Quidquid enim ad summum pervenit, incremento non relinquit locum,* ait Seneca svasoriâ 1. inde torquetur felix, & respirat miser.

Q. 3. Quid facit multiplicans servos? R. Multiplicat rapinas. De hoc Rabbi Hillel, qui multiplicat carnes, qui mul-

multiplicat vermes: qui multiplicat divitias, multiplicat curas: qui multiplicat uxores, multiplicat veneficas: qui multiplicat ancillas, multiplicat scelus: qui multiplicat servos, multiplicat rapinas.

Q. 4. Quid homini nunquam occurrit solum? R. Calamitas. Ajunt vulgò, inquit Ichneuleta differt: 2. catenâ connexas quadam per orbem commutare calamitates, nec unquam uni singulares occurrere. Et Strada: *Solitaria non incedunt infortunia.*

Q. 5. Quis semper vel fuit, vel voluit esse miser? R.

*Regum sollicita, quicundq; senescit in aula,  
Aut fuit; aut semper postulat, esse miser.*

Q. 6. Quis semper pauper? R. Qui semel pauper.

*Semper eris pauper, si pauper es, Emiliane;  
Dantur opes nullis, nunc, nisi divitibus.  
Martialis.*

Q. 7. Quis non sat firmus stetit? R. Qui cecidit Boetius de Consol:

*Quid me felicem toties jactâstis amici?  
Qui cecidit, stabili non erat ille gradu.*

Q. 8. Quæ felix oblivio? R. Rerum,  
quæ

quæ perditæ, ampliùs recipi non possunt. Friderici III. Imperatoris, hæc fuit Tessera: *Rerum irrecuperabilium, felix oblitio.*

Q. 9. Cui semper malè? R. Semper malè ominanti, meris enim in timoribus, ejusmodi homo vivit. Justinii II. Imperatoris Tessera fuit: *Malè ominanti semper malè est.* Multa, quæ non sunt, inquit: Nierembergii, à metu esse incipiunt. Timens bis patitur mala, dum sunt, & dum formidantur. Malum absque remedio, timere omnia, sinè discrimine. Qui ad omnem motum pavescit, ante necessitatem angitur; & ultra necessitatem affligitur.

Q. 10. Quid illud, quod etiam ii habent, qui aliud nihil habent? R. Spes. Miles Alexandri, omni possessione in patria relictâ, roganti, quid sibi reservâset, respondit: Spem acquirendorum. Nota est Pandoræ pixis, ex qua dum universa evasissent, solam spem, Dea retinuit. de illa Pòëta lib. 1. de Ponto Eleg. 7.

*Hæc dea, cùm fugerent sceleratas Numina terras,*

*In*



*In diis invisa sola remansit humo.*

*Hæc facit, ut videat, cùm terras undiq;  
nullas*

*Naufragy in mediis brachia jactet aquis.*  
Et alius: *Spes alit agricolas, spes sulcis  
semina credit,*

*Spes etiam durâ solatur compede vinctû.*  
*Nemo pauperior, inquit Nieremb: in di-*  
*ctamin: moralibus, quàm qui spem non*  
*habet: ubi omnia nos delevinqunt, sola*  
*illa perstat fides Achates.*

#### DECAS XIV.

**Q**uæst: 1. Quomodo vivitur in hoc mundo? *R.* Spirando, respirando, aspirando, exspirando. Potissimum autem ad altiora semper, atque altiora aspirando.

**Q.** 2. Quid illud, quod crescit eundo, decrescit quiescendo? *R.* Fama, Virg: 4. *Æneidos.*

*Fama malum quo non aliud velocig ullum;*  
*Mobilitate viget, viresq; acquirit eundo:*  
*Parva metu primo, mox sese attollit in auras*  
*Ingrediturq; solô, & caput inter nubila*  
*condit.*

**Q.** 3.

Q. 3. Quibus rebus plerumque àër plenus est? R. Icaris. Respice aulas Principum! ô quanti tolluntur in altum, ut lapsu graviore ruant.

Q. 4. Quid illud, quod neque quæritur, neque possidetur, neque dicitur, neque cogitatur sinè aspiratione? R. Honor. *Donec eram sosses*, inquit Pœta: *tituli tangebar amore, quærendiq; mihi nominis ardor erat: & de cupiditate honoris, dixit Maro: Stimulos sub pectore versans.*

Q. 5. Quibus gradibus ascenditur ad honores? R. Argenteis, aureisque. Non sic olim: Romæ nulli integrum erat ad Ædem Honoris penetrare, nisi per Virtutis Sacrum. Sed quæres; quibus gradibus ab honore descendatur? R. Sæpe uno tantum, & jam in nullo gradu eris! quippe & hic facilis descensus! Seneca de Benef. *Non his gradibus, quibus ad summa perventum est, retro itur: sæpe inter fortunam maximam, & ultimam nihil interest.*

Q. 6. Quid cuivis accidere potest? R. Quod cuicquam potest. De Carolo V. ferunt

runt Historici, quòd cùm Franciscum I. Galliae Regem captivum haberet, illeq; Cæsari monitorium parieti carbone inscripsisset: *Hodie mihi, cras tibi.* Carolus arrepto eodem carbone, dicto subscripserit: *Homo sum; nihil humani alienum à me puto.* Id, quod voluit Publius Pòeta, cùm dixit:

*Cuius potest accidere, quod cuiquã potest.*

Q. 7. Quæ prima apud omnes nationes, & lingvas persona? R. Ego. Seu quisq; sibi est primus: de hoc Pòeta:

*Tu persona secunda: ille ultima: Prima*

*Ego: Nostrum,*

*Nemo tamen sibi, non esse videtur Ego.*

Q. 8. Quid interest inter solium, & aliena genua? R. Sæpe tantum horæ momentum. Seneca de tranquillit: de Fortunæ Ludo Bòetius l. de Consol. Philosophiæ:

*Hac cùm superbâ verterit vices dextrâ*

*Et astuantis more fertur Euripi*

*Dudum tremendos sæva proterit Reges,*

*Humilemq; victi sublevat fallax vultum;*

*Magnumq; suis monstrat ostentum, si quis*

*Visatur unâ stratus, ac felix horâ*

Flavii

Flavii Arcadii Imperatoris Tessera fuit:  
*Maxima paulatim ex minimis: minima  
 subito ex maximis.*

Q. 9. Quandonam vilissimo cuique  
 crescit audacia, & præsumptio? R. Cum  
 se timeri sentit. Strada in bello Belg:

Q. 10. Quis Icaro infelicior? R. Qui  
 ex vero, & sine fabula ex alto cecidit.  
 Nam illud, quod Horatius de Icaro di-  
 xit: *Ceratis ope Dædalea nititur pennis,  
 vitreo daturus nomina ponto*, Pòeseos ar-  
 tificium est: quod singulis propè diebus  
 vel videmus, vel audimus, veritas.

#### DECAS XV.

Q. 1. Quæst: I. Quid vellet habere avarus?  
 R. Omnia, præter honestum ani-  
 mum. Dictum est Taciti 13. Annalium  
 de Poppæa Neronis meretricula. *Poppæa*  
*inquit, cuncta fuere, præter honestum a-*  
*nimum.*

Q. 2. Quod plerumque moritur, abs-  
 que integra confessione? R. Aurum.  
*Argentum, & aurum os habent, & non*  
*loquentur.* Psalm: 113.

Q. 3. Quod genus hominum raræ pie-  
 tatis,

tatis, & tamen frequentis pietatis occasio? R. Eorum, qui castra sequuntur. Illis enim advenientibus, rusticus orat: persistentibus, ferias celebrat: recedentibus, quia nihil residuum fecere, jejuna.

Q. 4. Cui brevi incumbet sua diven-  
dere? R. Qui cuncta emit. Unde Mar-  
tialis: *Omnia Castor emis, sic fiet, ut omnia  
 vendas: quia scilicet solvendo non eris.*

Q. 5. Quem ante coenam oportet la-  
vare manus? R. Qui eas furtis infecit.  
Quare Sextius ad Appium furacem ho-  
minem aliquando dixit: *Manus lava, &  
 coenabis mecum.*

Q. 6. Qui fures minus studiosè a-  
gunt? R. Qui illic noctu aliquid suble-  
gere volunt, ubi etiam de die nihil est  
reperire. Unde Joannes Lotichius Poëta  
in Poematis:

*Cum sua decoctor subeuntè limina furem  
Quarere sporatas nocte videret opes:  
Noctis quid in nostris circumspicis adibus?  
 inquit:*

*Hic ego nil media cernere luce queo.*

Q. 7. Quod genus scalarum optimum?  
R. Quod ex grallis pauperum, per elee-  
mosy-

mosynas constructum, ad cælum ducit.

Q. 8. Quid materiæ primæ perquam simile? R. Avarus. Quare Pòeta in Aulum Avarum lusit:

*Materiæ fertur res esse simillima primæ:*

*Hæc formas omnes appetit: Aulus opes.*

Et Claudianus:

*Non Tarteſſiacis illū ſatiaret arenis (tis*

*Tempeſtas pretioſa Tagi, non ſtagna ruben-*

*Aurea Pæctoli; totumq; exhauſerit Hermū*

*Ardebit majore ſiti: nempe*

*Creſcit Amor nummi, quantum ipſa pec-*  
*cunia creſcit.*

Ovidius: *Sic, quibus intumuit ſuffuſa ven-*  
*ter ab unda;*

*Quò plùs ſunt potæ, plùs ſtiuntur aque*

Avaris enim nihil ſatis eſt, ut eorum cupiditatem, jam non famem, non ſitim, ſed tartaream ingluviem rectè vocârît Comicus.

Q. 9. Quæ Aularum ſpongiæ? R. Præfecti, & quæſtores; hi namque quas opes à ſubditis attraxerunt, volentibus Principibus reddere coguntur. Trajanus Imperator ſuos Præfectos, qui malè rem adminiſtrâſſent, allocutus fertur:

Quid



Quid habes? unde habes? redde, quod habes. de hoc Alciatus:

*Exprimit humentes, quas jam madefecerat ante*

*Spongiolas cupidi (iusti) Principis arctæ manus!*

Q. 10. Quid felicem posset facere Avaram? R. Si Arithmeticæ speciē, quam divisionem vocant, perdiscere posset.

*Nil numerare juvat; nil, addere semper acervo:*

*Multiplicare nihil: divide; tutus eris.*

## DECAS XVI.

Q. 1. Quid boni habet non invitatus ad convivium? R. Non laudavit, quem fortè noluit. Epictet: c. 32. Lactucas non habes; nummum habes, quò emere poteras, si voluisses.

Q. 2. Quid sæpè redit de sepulchro, & quidem portâ, quâ intravit? R. Cibus, vel potus ultra modum ingestus. *Placet cibus*, inquit Seneca de tranquillit. c. 1, *quem nec parent familiæ, nec spectent: non ante multos paratus dies, nec multorum manibus ministratus; sed parabilis*

50 *Quæstiones, & Responsa*  
*rabilis, facilisq̃, nihil habent accersiti,*  
*pretio, sive ubilibet non defuturus, nec pa-*  
*trimonio gravis, nec corpori, nec reditu-*  
*rus, quâ intraverat.*

Q. 3. Quibus mortalibus curta ad-  
modum memoria est? R. Magnis po-  
tatoribus: vix dum enim calicem ab o-  
re removerunt, & bibisse obliti, ite-  
rum bibunt. De his dixeris: *Longa obli-*  
*via potant.*

Q. 4. Quæ sanitas plerumque mor-  
bis obnoxia? R. Bibita. Hinc Pòeta:  
*Heu miser ebibitâ toties Regumq̃ Ducumq̃,*  
*Post sanitatem, sanitatem perdidit.*  
Et alius: *Una salus sanis, nullam potare*  
*salutem:*

*Non est in pota, vera, salute, salus.*

Q. 5. Ad cujus cœnam non facilè  
accedit sapiens? R. Ad ejus, qui nihil  
illi, pro hoc debere volet. *Arbenodorus*  
*ait, inquit Seneca de tranquillit. c. 6.*  
*nè ad cœnam quidem se iturum, qui sibi*  
*nil pro hoc debiturus sit.*

Q. 6. Quis totum annum in vultu cir-  
cumfert? R. Ebrietati deditus. Ità de  
Appio Pòeta;

*In*

*In niveis Appi jam regnat bruma capillus,  
Inq; oculis semper vinò flammantibus aestas.  
Bacifer Autumnus pingit nasumq; genasq;  
Cumq; bibit, florum dulce illi ad tempora  
per est:*

*Sic potans totum in vultu gerit Appius annū*

Q. 7 Quid dicit invitans ad convivium? R. Hodie mihi, cras tibi. Non vult te gratias agere, sed referre. *Et ibant filii ejus, (Job.) & faciebant convivium per domos; unusquisq; in die suo.* Job 1. non frustra in conviviis adhibetur multitudo orbium; ejusmodi enim opera volunt ire in orbem, & circulum! hodie apud Sempronium, cras apud Capronymum, & sic deinceps!

Q. 8. Quæ rarò decorè res suas finiunt?

R. *Sol manè letus prodiens,  
Mulier latinè garriens,  
Vinoq; passus pusio,  
Res finiunt dispendio.*

Q. 9. Quâ horâ diei comedendum?

R. Cum Diogene: diviti, quâ horâ volet, pauperi, quâ poterit. *Nolle edere, cū habeat, est desperatorum: non posse, egrotorum: non edere, egenorum.* Nieremberg:

Q. 10. Quis sapidissimus haustus? R. Qui à sitiente bibitur. Unde Cicero, de nescio quo Duce, qui sitim sedaturus ex obvia lacuna aquam hauriens, cùm dixisset: sibi ejusmodi sapidum potum totâ vitâ non obtigisse, subjunxit: *Nunquam sitiens biberat.*

DECAS XVII.

Quæst. 1. Quæ res cautè tractanda? R. Familiaritas. Familiaritatum quasdam, inquit Ichnaleta dissertatione 3. novi vasorum fictorum similes, quæ cùm citò franguntur, reparari opè ac morâ nequeunt ullâ; alias amicitias aureis poculis comparo, quæ tardè mota, diutissimè durant.

Q. 2. Quod est ægrorum quasi quarto modo proprium? R. Nihil diu pati. Seneca de tranquill. c. 2. qui & subdit: *Fastidio illis esse cæpit vita, & ipse mundus, & subit illud rabidarum deliciarum: quousq; eadem?*

Q. 3. Ex quibus intelligitur infirmi status? R. Ex insomniis; ex meridianis

dianis turbationibus; ex inconstanti arteria; & ex eo, quod lingua loquitur. Lingva enim dentis malè habentis loquitur cruciatum.

Q. 4. Quæ, cùm simillima sint, pessimè conveniunt? R. Conjunx uterque malus. Unde Martialis l. 8. ep. 35.

*Cùm sitis similes, paresq; vita;  
Uxor pessima, pessimus maritus,  
Miror non benè convenire vobis.*

Et Pòeta recentior de duobus ebriosis Conjugibus: *Quam benè conveniunt,  
tam malè conveniunt.*

Q. 5. Quis ancillarum est quotidianus cibus? R. Vapulare. Ita Plautus in Mercurio: *Nihil opus nobis ancillâ, nisi  
quæ texat, quæ molat, lignum cadat, pensum faciat, ades verras, vapulet: quæq;  
habeat quotidianum familia cœctum cibum.* id est, verbera.

Q. 6. Quis plerumq; recipit plûs, quàm dederit? R. Qui primus alium verberat. Ita enim comparati naturâ sumus, ut adversûs aggressorem pleriq; feramur.

Q. 7. Cujus illa vox: Infernus domus

mea est? *R.* Viri habentis uxorem litigiosam. *Commorari leoni & draconi*, inquit Ecclesiasticus c. 25. *placebit, quàm habitare cum muliere nequam.*

Q. 8. Quid periculosum injuriam passo? *R.* Petenti differre veniam, magis periculosum negare: maximè periculosum, velle ulisci. Desperatio enim audaciam gignit; & qui in modico offendit, quasi semper hostis futurus, colligit iram, seq; roberat complicibus in ictum graviolem. Nieremb: in distaminibus Prudentiæ.

Q. 9. Etiamne pro Tyrannis, & eorum vita orandum? *R.* Etiam, nè scilicet iis extinctis, ut plerumque fit, deteriores succedant. Sic Anus longos precabatur Dionysio annos, & causam rogata, respondit: timendi enim sunt successores nequiores. Expertæ sunt id ipsum ranæ, quæ truncum, Regem suum perosæ, ut est in fabula, Ciconiam, in malum suum, pro Principe accepere.

Q. 10. In quos minùs consultum Satyras scribere? *R.* In eos, qui proscribere



bere scribentem possunt. Scripserat Satyram in Pollionem Augustus Cæsar: negavit se responsurum Pollio: non enim expedit, (inquit) in eum scribere, qui potest proscribere.

DECAS XVIII.

Q. Uæst. 1. Quid est proximum casui?  
R. Homo oblitus fragilitatis suæ.  
*Ingenium Imperiorum, inquit Romanus Sapiens Svaloria 2. magna fastigia obli-  
pione fragilitatis humana collapsa sunt,*  
Deinde ædificium, suâ basi productius:  
Unde Prov: 17. dicitur: *Qui altam facie  
domum suam, querit ruinam.* Tertium  
est Virgo, ludens cum Adolescentulo.

Q. 2. Quæ facilè recidunt in natu-  
ram suam? R. Arcus sibi relictus: lu-  
pa cicurata, cùm ad suos redierit: &  
mulier humilis, cùm dominatum acce-  
perit. *Naturam furcæ expellat; tamen  
usq; redibit.*

Q. 3. In quo non licet bis peccare?  
R. In bello, & virginitate. *Nulla re-  
parabis arte, lesa pudicitia est. Deperit  
illa semel.*

Q. 4. Quæ pessima in unaquaque domo? R. Cum Poëta:

*Sunt tria damna domûs: imber, mala  
fœmina, fumus: Quartum est,  
cûm manè proles surgunt sinè pane.*

Q. 5. Quid amor? R. Libertas incarcerata: pax permitta bellis: voluptas dolenda: spes metu plena; mel felle permistum; serietas ludicra. De his Poëta:

*Libertas, carcer: pax, pugna: dolenda  
voluptas,*

*Spei, metus est, fel, mel, seria, ludus, Amor.*  
Theophrastus autem interrogatus, quid esset Amor? respondit: esse effectum animæ otiosa. Apud Philippum Picinelli quidam Salamandræ adscripsit: *Hôc torquor, quod huic deest.*

Q. 6. Quæ meritò privantur honore? R. Cum Poëta:

*Clericus ad bellum pronus, lasciva puella,  
Martius in flore, meritò privantur honore.*

Q. 7. A quibus meritò quisque liberari exoptat? R. A pretioso cibo, ( id est à medicina ) A forti haustu, ( id est à submersione ) A mala societate, ( id est à carnifice ) Florentini verò

rò in Ecclesia S. Liberatæ, dum Litaniz majores canuntur, dicuntur adjungere:  
A mala muliere, libera nos Domine.

Q. 8. Lis, rixa, contentio, æmulatio, maledictio, ira, fraus, luxuria, impudicitia, cujus generis? R. Fœminini. Tibullus lib. 3. *Crudele genus, nec fidum fœmina nomen.* Et Emmanuel Alvarus: *Laus, fraus muliebria sunt.*

Q. 9. Quæ sunt egestatis causæ propinquiore? R. Alea, vina, Venus. De hoc Pœta:

*Dives eram dudû, fecerunt me tria nudû;  
Alea, vina, Venus, tribus his sum fact' gegeng*

Q. 10. Quæ homini plurimùm negotii facessere idonea? R. Navis, & Mulier. Plautus in Pænulo: *Negotii sibi, qui volet vim parare, Navem & Mulierem, hæc duo sibi comparato. Nam nulla res magis duæ plûs negotii habent, si fortè occaperis exornare, neq; unquam satis hæc due res ornantur; neq; ulla eis, ornandi sarietas est.*

### DECAS XIX.

Quæst. 1. Quid illud, sinè quo nemo magnus? R. Invidia. Unde Sene-

ca in Hercule: *O Fortuna, viris invida fortibus.* Et Bidermannus in Bellisario habet, ſtatim, ut hic Dux in hoſtem proceſſit, illi ſe comitem junxiſſe invidiam, Quid ſi & odium? nam, ut Seneca in Thebaide: *Simul iſta mundi Conditor poſuit DEus, Odium, atq; Regnum.*

Q. 2. Quis miſer dupliciter? R. Cui nunquam benè, niſi aliis malè ſit. Tales ſunt: invidus, veſpillo, & Medicus. de Medico Pòeta:

*Res miſera Medicus eſt, cui nunquã bene eſt,  
Niſi malè ſit quàm plurimis.*

Q. 3. Quid videntibus eſt facilè, aut difficile? R. Ipſum videre eſt facilè: prævidere difficile; providere difficiliùs, invidere frequentiffimum.

Q. 4. Quid boni cæcus habet? R. Quòd hoſtium ſuorum fortunam cernere non poſſit. Cùm Julianus Imperator Mari Epifcopo Chalcedonenſi cæco dixiſſet: Nunquid non Galilæus tuus, quem colis, viſum tibi reſtituere poſteſt? Reſpondit Epifcopus: ideò vel maximè gratias DEo meo habeo, quòd cæcus te crudeliſſimum Apoſtatam cernere

nere nequeam. Eidem impio Juliano, Christianum quendam interroganti, ac dicenti: quid facit faber, JESUS à Nazareth? respondit interrogatus: impio Juliano sarcophagum fabricat.

Q. 5. Quando fictus amicus te ad cœnam invitabit? R. Cùm te aliò invitatum intellexerit,

Q. 6. Quarum rerum facilis est sati-  
etietas? R. Piscium, & Hospitis.

*Post tres sœpe dies, vilescit piscis, & hospes,  
Ni sale conditus, sit vel specialis amicus.*

Sapientis monitum est: *Subtrabe pedem  
à domo proximi tui, nè quando satiatu-  
s oderit te.* Prov: 25.

Q. 7. Quæ porta apud Magnates  
plerumque aperta, quæ clausa? R. A-  
perta, quâ intrant munera, & obse-  
quia: clausa, quâ deberent exire gratiæ  
& beneficia. Ità Mimus Anglus, vi-  
dens in Regio palatio unam portam ve-  
ram, & aliam fictam, ac pictam; in-  
tento in veram digito dixit: per hanc  
munera intrant: in fictam autem: per  
hanc beneficia exeunt.

Q. 8. Quì facile contristari possit

Avarus, aut Invidus? *R.* Si quid ab eo petatur. Lyfimachus aliquando ficto scorpione terruit Bythum familiarem suum: cui Bythus: vis ut ego quoq; te terream? volo, inquit, Lyfimachus. Tum Bythus: da mihi talentum.

*Q. 9.* Quid illud, quod difficulter domi retinueris? *R.* Id, quod multis, amicis, aut inimicis arridet.

*Q. 10.* Quibus minimè invidendum? *R.* Altiore se petentibus: utpote quibus casus in propinquo est. unde ille:

*Stet, quicunq; volet*

*Aula culmine lubrico:*

*Ale dulcis saturet quies.*

*Non invidemus aliis stantibus. Quæ excelsa videntur, prærupta sunt.* Seneca de tranquill. c. 10 Neq; hærentes in fastigio possunt, nisi cadendo, descendere.

*DECAS XX.*

*Q. 1.* Quæ res nunquam otiosa? *R.* Juxta Senecam Svasoria s. Magna Imperia. juxta alios: Inquies in horologio Avari: Lingva mulieris stulta; & conscientia ejus, qui in Principem crimen admisit.



Q. 2. Quid faciunt hominum otiosorum dies? R. Inter memoriam præteritorum, & desideria futurorum ut avis, cujus nullum vestigium, transeunt.

*Lux abit, umbra fugit, volat irrevocabilis hora;*

*Transit præcipiti sic tua vita pede.*

Q. 3. Quid agat à publicis officiis remotus? R. Agat bonum contubernalem, amicum fidelem, & temperantem convivam: dumq; amisit officia Civis, exerceat officia Hominis. Sen: de tranquill: c. 3. an parùm utile putas exemplum bene quiescentis?

Q. 4. Quid optaret piger? R. Ut otari, & dormire esset idem, quod laborare. Sic M. Lepidus, cæteris laborantibus, in herba procumbens dixit: vellem, hoc esset laborare.

Q. 5. Quid frequentissimè cernitur à tergo? R. Occasio. In continua enim fuga est. Unde Valerius Maximus scripsit: inæstimabile esse momentum occasionis; atque ideo cum primis observandum. Et Horatius: *Rapiamus amici occasionem: de die: dumq; virent genua;*

*& decet: obducta solvatur fronte senectus.*

Catonis verò verſus ſunt:

*Rem tibi, quam nôris aptâ dimittere noli,  
Fronte capillata eſt, poſt hæc occasio calva.*

Q. 6. Quæ non admodum grata ſuis  
Heris? R.

*Stans Mola, ſurda Nola, ſterilis Vola, ſtans  
Schola ſola,*

*Quatuor hæc dominis non placuere ſuis.*

Q. 7. Quamdiu dormiendum? R.  
cum Pòeta:

*Quinque horu noctu ſatis eſt dormiſſe ſtu-  
denti:*

*Sex mercatori: ſeptem de ſtemmate nato.  
Oſto pigris demus: nequam, omnes dormi-  
at horas.*

De Rege verò Homerus:

*Non decet integram noctem dormire Re-  
gentem*

*Imperiò populos, & agentem pectore curas.*

Q. 8. Quis malus Paterfamilias? R.  
Qui interdium facit, quod noctu facere  
poſſet: pejor, qui proteſtis facit, quod te-  
riatis deberet: peſſimus, qui ſerenò cælò  
facit ſub tecto, quod poſſet operari in  
agro ſub dio, Plin: l. 18. c. 6.

Q. 9.

Q. 9. Quæ mora secura, & laudabilis? R. Quæ in eo, quod convenit deliberando, insumitur. Adolphus Imperator Delphino anchoram implexit piscis illius agilitatem, moderantem? cum Lemmate: *festina lentè*. Swantibertus verò III. Dux Pomeraniæ Tesseram habuit:

*Wuff Rath weil / zur That eyl.*

Q. 10. Quid otium? R. Parenthesis vitæ. Nihil enim agere, est idem, ac non vivere. Neque enim vivere, ac diurnare ejusdem rationis sunt; neque omnis, qui diu fuit, diu vixit. Unde cuidam septuagenario, qui potissimam vitam otiosus, ingloriusq; transegit, Pœta Epitaphium posuit: Hic jacet septuagenarius, qui septem annos vixit.

### DECAS XXI.

Quæst. 1. Super quibus mundus consistit? R. Super tribus: Super lege; super cultu DEI, & super beneficiorum retributione. Rabbi Simeon Justus.

Q. 2. Quid illud, quod Agricola quotidie, Rex admodum rarò, DEUS nunquam videt? R. Sibi parem. Quis DEUS præter Dominum? aut *quis Deus præter*

Q. 3. Quid labore, formâ, omniq; hominum industriâ solidius? R. Divina providentia, De hoc Ichnaleta dissertat: 12. Quatuor ibant, inquit, peregrini sinè omni nummo. Primo die Rusticus ligna secans, vendidit, atque suos socios aluit, moxq; portæ inscripsit: unius hominis labor quatuor egentes pavit. Secundo die Nobilis ob formam, à Nobili, ad prandium, cum sociis invitatus, portæ inscripsit: unius Juvenis forma, quatuor peregrinos annonâ instruxit. Tertio die Mercator, cum navis cum mercimoniis appulisset, quanti universa constarent? respondit venditor: decem millibus. Tunc Mercator Civem accessit, & conductas merces undecim millibus proposuit; sic ille emit; sic alter solutus est, atq; ita portæ inscripsit: unius Mercatoris industriâ mille nummos, unâ die sibi, & sodalibus ex nihilo, confecit. Die quarto, cum novus Rex eligeretur, magnæque essent factiones, Peregrinus quartus, Regis, sed exul filius in regnum assumptus est; qui proinde triumphali suo curru interibi fecit.

fecit: certior, solidiorq; basis fiducia humanæ, quàm labor, Forma, Industriaque, est divina Providentia,

Q. 4. Quas Claves unus habet DEUS? R. Clavim partuum, & vitæ: Clavim cæli, & pluvix: Clavim annonæ, & fertilitatis: & Clavim sepulchrorum, nè quis absque ejus nutu indè redire possit.

Q. 5. Quid est DEUS? R. Quod, quò diutiùs cogitaveris, minùs intelliges. Dictum est Solonis, qui à Sicilia Rege Hierone rogatus, quid DEus esset? primum unum, tum duos, tum tres ad considerandum poposcit dies; ac demum respondit: quò magis Deum cogito, minùs intelligo. Augustinus l. 2. de ord. ait: *Deum meliùs sciri nesciendo.*

Q. 6. Quid faciebat DEus, antequam crearet mundum? R. Apud Augustinum l. 11. Conf. c. 12. respondit quidam: *Alta scrutantibus gehennas parabat.* Sed Augustinus subdit: *Hæc non respondeo: libentiùs enim responderim: nescio, quod nescio, quàm illud, unde irridetur, qui alta interrogavit; & laudatur, qui falsa respondit.*

Q. 7.

Q. 7. Quis non impunè ponit in cælum os suum? R. Qui divinam præsumit carpere providentiam. Rusticus sub pyro recubans, cælum arguebat, quòd pyra non ut pepones magna effici voluisset. Cùm ecce ruit ab arbore pyrorum aliquod, nasumq; viri concussit, tum ille: O sapienter DEUS! si enim hoc pyrum peponis fuisset magnitudine, hodie nasum perdidissem.

Q. 8. Cui profit non meminisse DEI? R. Pejerare solito.

*Namini immemorem te dicunt vivere:  
lingua*

*Rariùs optarem Nomen inesse tua.*

Q. 9. Quid est amare DEUM? R. Amare, quia creavit nos, observantia filialis est: quia redemit nos, obligatio servilis est: amare, quia cælò donabit, lucrum gloriosum est: amare, quia amat nos, gratitudo necessaria est: amare, quia bonus est, benevolentia iusta est. Amare, quia est, qui est, subtilitas Amoris est, Nieremberg. in dictamin. Christianis.

Q. 10. Ubi DEUS? R. Intrà te, nisi nequam sis: A peccatoribus enim ille lon-



gè est. Quanquam & in peccatoribus est, per vindictam, qui in justis est per gratiam.

*DECAS XXII.*

**Q**uæst: 1. Quæ inter Regem, atque Tyrannum differentia? *R.* Rex timet, nè suis mala eveniant: Tyrannus, nè sibi. Ille amatur magis, iste metuitur magis. Cùm ille jubet, rogat; iste cùm rogat, jubet.

**Q.** 2. Quid bonus Princeps? *R.* Cùm Plutarcho: Est viva DEI imago, id est, imago Optimi, Potentissimi, Sapientissimi. Bonitas efficit, ut nulli non proficit: sapientia, nè deviet: potentia, ut exequatur. Ex adverso Principis mali prototypon dæmon est; in id unum laborans, ut noceat omnibus. Ejus potentia, si virtus absit, prornit in omne malum; si bonitas desit, in tyrannidem; si prudentia, in ruinam, & interitum. Nieremberg: in dictamin: Regiis.

**Q.** 3 Quid Gubernatores provinciarum? *R.* Ambiguum DEI instrumentum, tam aptum ad infligendas poenas, quàm cumulandas gratias. Sunt velut hydro-

hydrophylacia, ex quibus in subjectos derivantur aut praemia, aut supplicia.

Q. 4. Cui Regno Væ? R. Væ tibi terra, cujus Rex puer est; & cujus Principes manè comedunt. Eccl: 10. Ex ad-  
verso: Beata terra, cujus Rex Nobilis est,  
& cujus Principes vescuntur in tempore suo ad reficiendum, & non ad luxuriam. *Ibidem.*

Q. 5. Quot rimis arcana Principum consilia emanare possunt? R. Sex. Enuntiatione ejus, qui sententiam rogavit; Confessione eorum, qui responderunt: Executorum loquacitate; Sagacium hominum conjecturis; Legatorum incuriâ, & temerariis judiciis hominum otiosorum. Ichnaleta dissert. 4.

Q. 6. Quæ Regem faciunt subditis augustum, & formidandum exteris? R. Impenetrabilis arcanorum fides, multa cum sapientibus colloquia; egreriorum ministrorum delectus, & postnavatam operam, liberalis remuneratio. *Ibidem.*

Q. 7. Quæ non verentur Regem? R. Gallus Gallinaceus, jacens in sterquil-

quillinio, & pedibus occurrens cælo, nè ruat. Grus uni pedi insistens, nè si alterum terræ infigat, mundum loco excutiat. Vermis pulverem parcè edens, nè illum cibus deficiat. Vespertilio, noctu solummodo circumvolitans, nè si id die faciat, quisquam in illum inamoretur. Idem dissert: 7.

Q. 8. Quibus rebus Reges, ut ut potentes, destituti sunt? R. Labore, quo utiliter occuparentur: legibus, quibus eorum appetitus refrænatur: Amicis, qui vera doceant. Ex Socrate. Quantum ad primum, contrarium sensit Philippus II. Rex Hispaniarum, qui munus regium idem esse dixit, ac opus textoris; hic sedet quidem, sed toto laborans corpore, ore, manibus, & pedibus. Euseb: Hieremb. in Politicis.

Q. 9. Quibus abundant Reges? R. Qui de divitiis eorum comedunt, Ita Eccles. 5. dicitur: *Ubi multe sunt opes, multi & qui comedunt eas.* Abundant præterea Reges corvis, animalibus nempe rapacibus, & voracibus.

Q. 10. Quid pulcherrimum in Principi-

cipibus? *R.* Si nihil in iis sit, quod eis condonari debeat. Livius Drusus Romanus, cum domum haberet ob fenestrarum multitudinem, cunctis patentem, Fabro promittenti, se quinque talentorum mercede, huic incommodo occursurum, respondit: decem dabo, si effeceris, ut, quæ ago, cunctis pateant. Vellejus Paterculus lib. ultim. Histor. Romanæ.

*DECAS XXIII.*

**Q**uæst 1. Quæ pessima in hoc mundo? *R.* Pecunia, quæ non erogatur: Uxor, cui vir suus exosus est: Filius, parentibus contumax: Rex, qui simulat innocentiam: Amicus perfidiam meditans; & Civitas, quæ seditionem parat. Ichnaleta dissert: 9.

**Q.** 2. Quid sæpe intrà eundem diem, nunc multum, nunc parum, valet? *R.* Verbum ab adulatore prolatum: pecunia, ut vocant devalvata; & Aulicus apud Principem gratosus.

**Q.** 3. Quis timendus Principibus viris? *R.* Historici calamus, non minus, quam deformibus vetulis, pictoris penicillus.

**Q.** 4.

Q. 4. Quid rarum in aulis Regum?  
R. Veritas. Unde Ludovicus XI. Galliarum Rex quandoque dicere auditus: omnia esse in sua Aula; veritatem autem nuper. Illam vixisse sub suo parente in palatio, sed mortuā esse sine confessione.

Q. 5. Unde difficilis in cælum prospectus? R. Ex aulis. Annæus Seneca rogatus, cur Aulam deseruisset? non possum, inquit, ex Palatii tot fenestris libere in cælum prospicere.

Q. 6. Quot sunt, in quibus persistit Salus Reipublicæ? R. Tria. Bona lex, bonus Rex, bonus grex. Aliter: Justa lex, Sapiens Rex, Obediens grex.

Q. 7. Qui Principes populis suspecti?  
R. Ad quos libelli Supplicum accedunt cum tremore: Supplices recedunt cum pallore. Octavius Augustus, cum meticulosus quidam, libellum tremulā manu porrigeret, dixisse fertur: non oportet Principi tradere libellos, quemadmodum elephantibus, & leonibus, pabulum. Et Titus Vespasianus: non oportet quenquam, à Principis conspectu tristem discedere.

Q. 8.

Q. 8. Quos satellites plerumque habent Reges, & Principes? R. Hinc suspiria Aulicorum, promoveri expetentium; inde lachrymas subditorum relevare volentium. Octavius Augustus quadam vice medius inter Horatium, ac Virgiliū confidens, cū Horatius utpote ingenii melancholici sæpius suspiraret, Virgilius verò affectis oculis, identidem lachrymas extergeret, dixisse fertur: *Hic lacrymas inter sedet, & suspiria Cæsar!*

Q. 9. Quis feliciter, ac justè regnâsse existimandus? R. Qui si hodie sceptrum ponat, tutus viveret. De Nerva Coccejo Imperatore fertur, auditum esse dicentem: Nihil me fecisse scio, quominus possim depositò imperiò privatus vivere tutò. Aliter: Ille justè regnâsse videri potest, ex cujus domo, si omnibus rebus daretur facultas redeundi ad propriarium, nihil omninò avolaret.

Q. 10. Fiscus cui conferri possit? R. Est lien, quo crescente reliqui artus omnes tabescunt. Dictum est Ulpii Trajani Principis ob æquitatem laudatissimi. De hoc Alciatus in Emblem.



*Splene aucto, reliqui tabescunt corporis artus;*

*Fisco aucto, arguitur civica pauperies.*

Idem Trajanus cuidam suorum præfectorum conferens, & enssem præbens dixisse fertur: Tibi istum, ad munimentum mei committo, si rectè agam: sin aliter, in me magis, quòd moderatorem omnium vel errare minùs fas sit.

# DECAS XXIV.

**Q**uæst. 1. Qui sunt præstantissimi Consiliarii? *R.* Mortui, id est, libri. Hi enim absque respectu verum dicunt. Sententia fuit Regis Alphonsi.

**Q** 2. Quid Consiliarios facit? *R.* Timor. quid bonos Consiliarios facit? *R.* Timor. quid malos? *R.* Timor. Aristoteles.

**Q** 3. Quæ consilia plerumque feliciter progrediuntur? *R.* Quæ alatae testudini insident. Festina lentè, Octavii Augusti tessera fuit, quam Reusnerus ita versu expressit:

*Nec nil, nec nimium, mediũ tenuère beati:  
Festina lentè: sat citò, si bene sat.*

**Q** 4. Qui Consiliarii suspecti? *R.*

**D**

Qui

Qui semper eadem, quæ Princeps, volunt. Echoni similes, prolatas voces repetenti. Nam, inquit Martianus, si Principes aliquid asserunt, annuunt & ipsi: si negant: negant & ipsi. Ajunt; ajo: negant; nego. Umbræ, quæ quiescente Domino, quiescant; consurgente ac progrediente moventur, & procedunt. Unde Isocrates Regem suum monebat, ut eos vitaret, quî, quæcunque fecisset, laudare præsumeret.

Q. 5. Qui Consiliarii nihil moderabile suadent? R. Nox, Amor, & Vinum. Ita Ovidius:

*Nox & Amor, Vinumq; nihil modcrabile  
suadent:*

*Illæ pudore caret, Liber, Amorq; metu.*

Q. 6. Quod Consilium trutinæ committendum? R. Quod voto tuo arriserit: quod mulier dederit: quod hirundines ( animæ garrulæ ) suggererint. Consilium illud prudentius, quod seculum: opportunum, quod expeditius: quod facile, acceptabilius: omnibus præstat, quod hæc omnia includit. Nierembergius.

Q. 7.

Q. 7. Quæ conspicienda sunt potissimum in usu? R. Apud Germanos, quæ representant præteritum; hæc enim gens plurimum antiquis consuetudinibus tribuit. Apud Gallos, quæ monstrant præsens: celeriter enim judicant, & celeriter aggrediuntur, quod faciendum statuere. Apud Hispanos, quæ in futurum prospiciunt; multa enim consilia agunt de eventibus, qui ex rebus nasci solent, aut possunt. Isocrates omnibus utendum svasit; salutarem enim doctrinam quampiam exposcenti; *Recordare, inquit, præteriti, age præsens, & cave futurum.*

Q. 8. Quis Consiliariorum optimus? R. Cum Biante: Tempus. Philippus tamen secundus Hispaniarum Rex dicebat; se duobus Consiliariis admodum felicibus uti: Nocte scilicet, & pulvillo. Solebat enim de nocte, pulvillo incumbens consilia sua excoquere.

Q. 9. Quæ à Consiliariis in Curiam procedentibus domi relinquenda? R. Cum Imperatore Friderico II. Simulationem, & dissimulationem. Illa enim

fingit, quæ vera non sunt: ista, quæ vera sunt, obtegit.

Q. 10. Quæ requisita ad Consilium?

R. Ad dandum, opus est animositate: ad recipiendum, patientiâ: ad petendum, candore: quòd si passio subintraverit, cuncta pessum eant, necesse est. Porro illis svadere arduum, quibus sensus proprius pro oculo est. Nieremberg: in dictamin. general.

## DECAS XXV.

Quæst. I. Quæ res nulli mortalium, omnino concedenda? R. Quam omnino tacitam voles. *Plerosq; contigit in perplexas incidisse questiones, quòd imprudenter, quibus non oportuit, secreta crediderint. Sive uni, sive pluribus dixeris, idem est. Facile sermo ab uno ad alterum effluit; ab hoc ad omnes: ita fit, ut cum omnes palam ignorent, clam omnes sciant.* Card: Bona in manu ductione. *Secretum est clavis cordis, frustra quereris pervenisse ad omnes, quod non poteris uni subicere. Quod volueris plures ignorare, illud dixeris omnino nulli.* Nieremberg: in dictam. prud.

Q. 2.

Q. 2. Quid illud, in quo promittendo liberales sunt singuli; duri universi? R. Beneficium, quod à communitate petitur. Strada de Bello Belg: *Obsequentes singuli, contumaces universi.*

Q. 3. Quid, quod apud fœminas præcurrit, apud viros sequitur? R. Anser, seu garrulitas. Refert Daniel Meusnerus in Emblemat: Münchsbergensis Civitatis symbolum esse fœminam, quam præcurrit Anser, vicum verò Anser subsequitur. *Lingva præcurrit mentem.*

Q. 4. De quibus Concionatorem non oportet loqui? R. Quorum ipse observantiam nullam habet. Optimus ille Prædicator, qui verba facit, de quo Pòeta: *Ad populum qui verba facit, laudem inde meretur;*

*Si verè liceat dicere; verba facit.*

Q. 5. Quis Pythagorà taciturnior habitus fuit? R. Ejus statua: ille enim quandoque, hæc nunquam locuta fuit.

Q. 6. Quid non cadit sub nostrum arbitrium? R. Quid quisque loquatur. Unde neque curandum, quis hominum

de nobis sermo sit. Ego, dicebat Titus Vespasianus, quoniam nihil facio contumeliâ dignum, mendacia nihil curo. Et Seneca ad Gallionem de Remediis fortuitorum: *quibusdam canibus sic innatum est, ut non pro veritate, sed pro consuetudine latent. Fama nostræ*, inquit S. Franciscus Salesius in Philothea p. 3. c. 7. *nos oportet esse Zilatores, non Idolatras.* Et S. Xaverius l. 1. ep 5. *Parùm refert ab hominibus judicari, præsertim ab iis, qui priùs judicant, quàm intelligant.*

Q. 6. Quid faciendum silentium suum pertasio? R. Proferendum aliquid, quod silentio meliùs sit. Aut file, dicebat Pythagoras, aut adfer silentio meliora.

Q. 8. Quis sapius audit, quod non vult? R. Cum Pòeta:

*O: qui non claudit, quod non vult sepiã audit  
Non domus est pacis, ubi regnat lingua  
loquacis.*

Q. 9. Quid illud, quod non promittit is, qui sapit? R. Quod statim dare potest.



*Bis non spondebis, quod mox prestare valebis  
Qui citò dat, bis dat, qui tardat munera,  
nil dat.*

Q. 10. Quid illud, quod non facile  
confitendum alteri? R. Quod nondum  
est certum tibi.

### DECAS XXVI.

Q. Uæst. 1. Quorum cogitationes di-  
vulgant aves cæli? R. Eorum, qui  
detrahunt Principi. *In cogitatione tua,*  
inquit Ecclesiastes c. 10. *Reginè detrahas,*  
*Et in secreto cubilis tui nè maledixeris di-*  
*viti: quia Et aves celi portabunt vocem*  
*tuam, Et qui habet pennas, annuntiabit*  
*sententiam.* Si res potentem tangat, aut  
divitem, quod in aurem murmuraveris,  
credito divulgandum per orbem. Nie-  
rembr: in dictam. prudent.

Q. 2. Quis proficue errat? R. Qui  
bene loquitur de omnibus? Lingva bo-  
na hoc fanore gaudet, ut de ipsa lo-  
quantur bene omnes. *Idem ibid.*

Q. 3. Quis consuevit non vera loqui?  
R. Qui non curat vera audire. Talia  
enim vehit rivus, qualia fons suggerit.

Q. 4. Quid vox populi? R. Si passio deest, vox DEi est. Si passio adsit, vox diaboli est. Cæterum vulgus plerumque instabile, pronum in affectus, iudicii expers; invidum, suspiciosum, credulum, comprimi nescium, turbidum, ac quodlibet nimium augens. Favet fervidis, negligit publicum, verbis ferox, metu aut spe semper nimium. Ex Cicerone & Tacito.

Q. 5. In quo mulieres præ viris abundant? R. Sensibus, nam præter visum, auditum, odoratum, gustum, & tactum, pertinaciam, & garrulitatem pro sensu habent.

Q. 6. Quænam ex arboribus sapientiæ laudem obtinet? R. Corylus, quæ ad ventorum furias flectit sese, atque ita incolumis persistit, cum interea flecti nescia sæpius ventis agitetur ingens pinus, & radicitus evelli soleat. Quare, cum subinde mulier, acceptis à Marito verberibus, flens sub Corylo consedisset, quæsit Corylus causam gemitus; & intellecto, quod erat, fertur dixisse. Si scires flecti, & tacere, stante

stante tuo domestico Æolo, ut ego quidem facio, nec mala verba, nec verbera ferres.

Q. 7. Quæ sunt loquelæ accidentia? R. Loqui malè, infirmitatis est: loqui vera, ingenuitatis: loqui opportunè, prudentiæ: loqui importunè, stultitiæ: non loqui, ubi loquendum est; pusillanimitatis. Nierembergii.

Q. 8. Quæ sunt vestigia, ex quibus fatuus deprehendi possit? R. Cum Aristotele. Facilè ac perperam judicare: præproperè mentem edicere: nolle uti præsentibus: & de rebus honestis, ac bonis malè opinari.

Q. 9. Qui se habebit bene congressus, vel convivium? R. Cum Matthæo Tympio: si in eo reperiatur totum Alphabetum. Sunt autem in Alphabeto literæ aliæ mutæ, aliæ vocales, aliæ semivocales. In Convivio, ut rectum sit, oportet Virgines tacere, & esse mutas: Juvenes, semivocales, qui non nisi interrogati, loquantur. At Viros rerum peritos, Vocales! *Loquere major natu.* Eccl. 32.

Q. 10. Quis lingvâ malè utitur?  
 R. Stultus loquendo: & sapiens tacendo: Videturque tam sapiens peccare, si, ubi loquendum est, fileat, quàm si stultus, cui omnino silendum est, loquatur.  
 S. Bernardus ad Religiosam volentem tantùm latere: *Si de fatuis Virginibus es, congregatio tibi necessaria est: si de prudentibus, tu congregationi.* nempe, ut alias instruas.

## DECAS XXVII.

Q. 1. Quid est proprium Interesse? R. Proprium interesse, est à DEO abesse: diabolo verò adesse: nemini prodesse: plurimis obesse: officio suo deesse: subditis malè præesse: & legibus nolle subesse.

Q. 2. Quid est maximè inter homines arbitrarium? R. Ex Dictaminibus Generalibus P. Nicrembergii decade 4. n. 38. Honor. ibi enim solet investigari, ubi & infamia occurrit. Ut eum prætendas, opus est prudentiâ: ut consequaris, felicitate: ut conserves, patientiâ: ut ambias, dolô, & astutiâ.

Q. 3.

Q. 3. Quis pontium in mundo maximus? R. Ex Navigerio. Tria esse in Hispania mirabilia! Urbem cinctam ignibus: & est Madritum, quod muros ex silicibus habet. Aquam supra pontem, decurrentem; & est Aquæ ductus Segoviæ, qui ex una pontis parte, ad alteram arcuatim per pontem fertur. Tertium, est Fluvius Gvadiana, qui sub terram descendens, post emensum decem leucarum iter erumpit, atque ita terra imminens pontem quendam constituit, in quo decem millia pecorum pascere solent.

Q. 4. Quis cum bonus sit, malus est? R. Qui suâ causâ bonus est. Publii Annii Taciti Imperatoris Tessera fuit: *Malus qui suâ causâ bonus.*

Q. 5. Quis arrogans, cum regnare coeperit? R. Is, qui cum subesset, nimium dejectus fuit. *Nequit alios gubernare, qui non novit alios sufferre. Neque unquam bene præst, qui suspicionibus subest.* Nieremberg: in Dictamin: Regiis. Aliter Claudianus l. i. de Eutropio: *Asperio nobilest humili, cum surgit in altum,*

*Cuncta ferit: dum cuncta timet, deservit in omnes.*

*Ille se posse putent, nec belluâ terrior ullâ,  
Quàm servi rabies, in libera colla furentis.*

Q. 6. Quis docet facere malè? R. Princeps, qui desinit facere bene. Nie-remb: in dictam: Regiis. *Rex velit honesta, nemo non eadem velit.* Seneca, & Pœta recentior: *Rex vitando vetat: & faciendo docet.* Claudianus verò: *Componitur Orbis Regis ad exemplum, nec sic inflectere sensus humanos edicta valent, quàm vita Regentis.*

Q. 7. Qui sani ægrotant? R. Illi, qui aliena negotia curant. *Sua*, inquit in ep. Seneca, *satiùs est mala, quàm aliena tractare.* & alibi: *Ego ubicunq; sum, meus sum; rebus non me trado, sed commodo; nec confector temporis perdendi causas; & quocunq; constitutus loco, ibi cogitationes meas tracto, & aliquid in mente salutare verso.*

Q. 8. Quis ingratus Conviva? R. Erinaceus, qui cùm satis de cibo abligurivit, quantum potest, aculeis configit, & lectum domum defert. Talis olim Cæcilia-



cilianus, qui cum furta de cæna auferre vellet; à Martiale audiit: *Non te Ceciliane cras vocavi*: id est, non te invitavi ad coenam, hodie ut tantum furareris, quantum tibi pro crastina coena sufficeret.

Q. 9. Cui prodest magis lavare in litore, quàm in maris profundo? R. Prædestinationem suam cogitanti. Sufficit mihi, dicebat B. Ægidius, de prædestinatione quædam subtiliora interrogatus, sufficit, inquit, littus maris ad lavandum pedes, ac totum corpus, magisq; hoc volo, quàm abyssum illam intrare, in qua facile mergi possim.

Q. 10. Quod genus hominum tibi dicet verum? R.

*Si secretarum seriem vis noscere rerum;  
Ebrius, insipiens, pueri dicent tibi verum.*

### DECAS XXVIII.

Quæst. 1. Quid illud, quod quisque facile credit? R. Quod factum valde voluit. *Quod nimis miseri volunt, hoc facile credunt.* ait Seneca in Hercule.

Q. 2. Cujus querelas ridere solemus? R. Nucis Arboris, quæ in publico sita,

apud Ovidium lamentatur *le nunc saxis, nunc fustibus impeti, fructuq; spoliari.* Cur enim in publico potius, quàm in concluso horto sedem delegit? Ita sanè frustra queruntur, qui sese passim publicis turbis miscent, atque inde multa mala ab obvio quoque referunt. *Circumcidenda est cursitatio,* monet Seneca de tranquillit. c. 12. *qualis est magnæ parti hominum, domos, & theatra, & fora pererrantium.* Si videlicet neminem in te impingere velis.

Q. 3. Quod mare cæteris magis imperferutabile? R. Mare pacificum. Seu Homo, qui omnes affectus sedatos habet.

Q. 4. Quandonam facilè decrescunt, quæ etiam videntur maxima? R. Si cum majoribus in comparisonem venerint. *Miseria,* inquit Nieremberg: *quam in altero majorem vides, infortunii nomen amisit. Elephas utcunq; magnus, comparatus ad Caucasum exiguus; granum tritici utcunq; parvum comparatione ad atomum facta, n. agnum est.*

Q. 5. Quem citò poenitere solet? R. Qui citò judicaverit: qui deserta via publica,

blica, ignotum iter ingressus est; qui imperito medico utitur, & qui dum potuit, occasione uti noluit. Hinc illud Hannibalis: *Cum potui, nolui, cum volui non potui.*

Q. 6. Quid pejus, quam culpam admittere? R. Culpæ favere; admittere enim est fragilitatis; favere, malitiæ. Nie-remberg.

Q. 7. Quæ habitatio cæteris melior? R. Quæ bonum vicinum habet. Quare Themistocles domum venditurus, per præconem populum admonuit, eam habere bonum vicinum, ideoque majori pretio exponi. Cæterum bene habitant Europæi versi ad Aquilonem; Libyci ad Austrum: Asiatici ad Subsolanum: Itali ad Zephyrum. Porro Civitas laudanda, quæ ad solem, & ventos bene versa, bonis aquis, & commoditate commerciorum utitur. Qualem Strabo l. 17. scribit esse Alexandriam, à Macedonibus extractam.

Q. 8. Quis nusquam habitat? R. qui habitat ubique, Ità Martialis ad Maximum:

*Esqui-*

*Esquis domus est, domus est tibi colle Dianæ:  
Quisquis ubiq; habitat, Maxime, nusquam  
habitat.*

Q. 9. Quomodo quis facillè dives fieri possit? R. Si cupiditates, & plura volendi desideria tollat. Epicurus: *Huc cogitationes tuæ tendant*, inquit Seneca: *hoc cura, hoc opta, ut contentus sis temetipso, & ex te nascentibus bonis*. Quid porrò inde? omnib; ditissimis ditior eris.

Q. 10. Quis, licet nihil admodum habeat de peculio, inter divites censendus? R. Qui nihil cuiquam debet. Nieremb: *Aliter Seneca l. de 4. Virtutib. Qui sibi ipsi satis est, cum divitiis natus est*. Et Valerius Max: l. 4. c. 4. *Omnia habet, qui nihil concupiscit*.

## DECAS XXIX.

Quæst. 1. Cui obveniunt proniùs mundi honores, & officia? R. Solventi. Ajunt nostri sæculi Principes in solario depingi fecisse diversa officiorum insignia, Desuper à dextris efformatus erat sol; à sinistris, venti; subscriptio: *Dabitur*. Quæstione inter Procere motâ, quid

eâ re portenderetur? alius, inquit, hæc dignitatum officia, insigniaq; illi obventura existimem, cui Rex, ut sol benignè affulserit; alius verò illi fortunam ejusmodi obventuram auguror, inquit, cui Venti, & Favonii Regii suas gratias afflaverint. At tertius; Ægyptiaca hæc scribendi ratio est, inquit, & in hunc modum legenda: *Sol-Venti dabitur!*

Q. 2. Quandonam Cocus artem, & operam perdidit? R. Cùm Dominus nec fame laborans, nec comedendi appetitu instructus mensæ accubuit.

Q. 3. Quæ matres optimæ, quamvis pessimas genuere filias? R. 1. Veritas, nam odium parit: 2. Familiaritas, contemptum enim parit: 3. Prosperitas, quippe superbiam parit: 4. Securitas, nam pessimorum periculorum Mater est.

Q. 4. Avari, quandonam cœnant? R. Cùm Hospites discesserint.

Q. 5. Quid in mundo non facilè atteritur, neque destruitur? R. Veritas, & sinceritas, nam neque in usu sunt, neque facilè convenibiles.

Q. 6. In quo plurimi consentiunt, idemq;

idemq; sapiunt? *R.* In emendo, & vendendo. Videntes enim omnes cogitant sua carò distrahere, ementes levi comparare. Unde apud Augustinum, Histrionum die nundinarum proclamavit, edicturum sese, quid quisq; mente voveret: concurrente autem populo; dixit: aut ut carò vendatis, aut ut levi ematis.

*Q. 7.* Unde felicitas? *R.* Alia nasci solet; alia seminari, alia fieri. Nascitur, quæ sponte occurrit: seminatur, quæ resultat ex meritis: fit, quam prætenso extorquet. Hæc postrema, duplici formâ exprimitur: dolo, & industriâ. In prima, forma formatur ex luto; in altera funditur ex ære, atq; hinc magis diuturna est. Euseb. Nieremb.

*Q. 8.* Quæ sunt qualitates hominis? *R.* A virtute redditur bonus: ab operibus redditur magnus, & ab occasione redditur celebris. *Idem.*

*Q. 9.* Quæ sunt sufferentiæ proprietates? *R.* Sufferre hominem, mansuetudo est: sufferre fortunam, fortitudo: ferre dolorem, tolerantia: ferre se ipsum, aliqua virtus: ferre calumniam,  
vir-



virtus plurima; sufferre omnia, ad omnia ingens remedium. *Idem.*

Q. 10. Quæ, quibus sunt proficua?  
*R.* Generosos juvat prudentia: audaces, fortuna; arrogantes, patientia aliena: humiles, patientia propria: superbos, vilitas sua. *Idem.* Minerva subinde ad rivum confidens, tibiāq; inflans, cum buccas admodum ineptè tumentes conspexisset, non modò fistulam abjecit, sed & humilior evasit, quæ alioquin de sua forma præsumperat.

### DECAS XXX.

Quæst. 1. Quæ non debent oculi?  
*R.* Benevolentia Principis, erga subditum: agri morbus, erga Medicum: & pauperis inopia, habentis divitem amicum. *Ichnaleta dissert. 1.*

Q. 2. Quorum venire, & quorum redire timendum? *R.* Ab Herodis venire, & à Turcarum redire, libera nos Domine. Alluditur primò ad dictum Herodis Matth: 2. Reges ad Orientis prolatum: *Ite, & interrogate diligenter de puero; & cum inveneritis, renuntiāte mihi, ut & ego*

*ego veniens, adorem eum.* Secundò alluditur ad Selimi Turcarum Imperatoris Symbolum: qui lunæ in quadratura secunda positæ adscripsit: *Redibo plenior.* Significans, se hostes suos, potentiori, ac antè, manu aggressurum.

Q. 3. Qui sunt, quibus placet, quod dereliquerunt? R. Dux prælio victus, qui dolet, non coluisse pacem: Maritus ductâ nequam uxore, quem poenitet deseruisse cælibatum. Aulicus Principis gratiâ excussus, cui demum placet privata vita: & iter faciens mari, quod terrâ fieri poterat.

Q. 4. Quid meritò apud Physiognomos mirabile habetur? R. Cum Martiale:

*Crine ruber, niger ore, brevî pede, lumine luscus,*

*Rem magnam præstas Zoilus, si bonus es.*

Q. 5. Cui non tutò credimus? R. Illi, qui nimis multis credit. Unde Pòeta:  
*Qui cuivis quidvis credit, malè creditur illi:  
Quò mihi credis plùs, hoc tibi credo minùs.*

Q. 6. Quæ mala bona sunt; & quæ, cùm bona sunt, mala sunt? R. Somnia.

Si

Si enim malum somnio, bonum est, rem se ita non habere: si verò somnio bona, malum est, rem ita non esse.

Q. 7. Penes quas animantes est gubernatio mundi? R. Esse penes Ovem, Anserem, atq; Apiculam. Nam ex Ove habemus membranam, ex Ansere pen-  
nas, & calamos; ex Apicula ceram. His autem tribus constant decreta Principum, quibus regitur Mundus.

Q. 8. Qui primi fuerunt in Orbe Can-  
tores? R. Aviculæ! hæ enim antè homi-  
nem productæ. Unde ille dicebat: Primæ  
nos Musicam docuere aves, œconomi-  
am formicæ, politicam apes.

Q. 9. In quibus negotiis semper in-  
veniuntur magnæ difficultates? R. Ubi  
in operantibus nimia debilitas est.

Q. 10. Unde dolor? R. Vel quia ha-  
bemus, quod nolumus, vel quia, quod  
volumus, non habemus. Deest, quod cu-  
pimus; abundat, quod odimus. Aliter:  
dolemus, vel quia erramus amando, vel  
quia fallimur cognoscendo. *Cum ejulan-  
tem quempiam videris in luctu, inquit  
Epictetus in Enchir: c. 22. sive peregre  
pro-*

94 *Quæstiones, & Responsa*  
*profecto filio, sive rebus amissis; cave nè te*  
*visum illud moveat, ut existimes versari*  
*eum in malis ob externa; sed statim ipse*  
*tecum distinguito, sitq; in promptu, ut di-*  
*cas: istum affligit non casus ille ( alium*  
*enim non affligit ) sed concepta de eo*  
*opinio.*

*DECAS XXXI.*

**Q**uæst. I. Quæ fugienda Sapienti? *R.*  
*Cum Seneca l. de moribus: Fugi-*  
*enda sunt omnibus modis, & abscinden-*  
*da igni, ac ferro, totoq; artificio sepa-*  
*randa: langvor à corpore, imperitia ab*  
*animo, luxuria à mente, à civitate se-*  
*ditio, à domo discordia, à cunctis rebus*  
*intemperantia.*

*Q. 2. Quid oportet cavere navigatu-*  
*rum? R. Nè velit leges præscribere ven-*  
*tis, aut mari. Si ventus vela committeres,*  
*non quò voluntas peteret; sed quò flatus*  
*impelleret, promovereris; ait Boetius l. 2.*  
*de Consol: prosâ primâ.*

*Q. 3. Quid multis pro Angelo Custo-*  
*de est? R. Calamitas. ita Æneas Gazæ-*  
*us. Et Plinius Junior l. 5. ep. 26. Nuper*  
*me cujusdam amici langvor admonuit,*

*opti-*

optimos esse nos, dum infirmi sumus. Quem enim infirmum aut avaritia, aut libido sollicitat? non amoribus servit, non appetit honores, opes negligit & quantulumcunq; ut relicturus, satis habet. Tunc Deos, tunc hominem esse se meminit. Invidet nemini, neminem miratur, neminem despicit: at nè sermonibus quidem malignis, aut attendit, aut alitur.

Q. 4. Quid illud, sinè quo ægrè subsisteret mundus? R. Paupertas. Si paupertatem abstuleris, inquit Divus Chrysostomus super orationem Annæ, omnem vitæ conservationem sustuleris, vitamq; nostram corruperis. Nec nauta, nec gubernator, nec agricola, nec ædificator, nec textor, nec calceamentorum sutor, aut faber, nec ærarius, nec coriarius, pistorvè, nec alius quis horum erit artificum.

Q. 5. Quis rem, sibi necessariam petit à se auferri? R. Infirmus. Unde in vitis Patrum legitur, quòd Sanctus quidam liberationem à morbo poscenti dixerit: rem tibi necessariam cupis auferri; si enim aurum es, probaris; si ferrum,  
à ru-

Q. 6. Quid est, quod timendum habent Majores? R. Illud, quod ab illis timent minores. Unde Seneca Magnates alloquitur:

*Omne sub regno graviore regnum est.*

*Quidquid à vobis minor extimescit,*

*Major hoc vobis Dominus minatur.*

Et Eccles. c. 5. *Excelsus excelsior est alius,*  
*& super hos quoq; eminentiores sunt alii,*  
*& insuper universæ terræ Rex imperat*  
*servienti.*

Q. 7. Quis sæpe dolet, sæpe suspirat?

R. Is quem mundus beatum existimat. *Iste,* inquit Seneca ad Gallionem, *quem beatum credis, sæpe dolet, sæpe suspirat.* Multi illum comitantur: mel muscæ sequuntur: cadavera lupi, frumenta formicæ. *predam sequitur ista turba non hominem.*

Q. 8. Quibus infernus plenus est?

R. Qui poenitere voluerunt, sed voluerunt tantum. Quis verò implet cælum? R. Cum Sfortia Paliavicino de arte perfectionis l. 1. c. 7. Infernus, scilicet perpensus, & ritè consideratus.



Q. 9. Quod malum in moribus argumentum? R. Semper sic actum esse, *Argumentum pessimi turba est*, inquit Seneca, de Vita beata, c. 10. Quæramus, quid optimè factum sit, non quid usitatissimum. *Quàm malum argumentū: semper sic actum est.* Oliva tom. 3. Conc. 18.

Q. 10. Cur apud Veteres scribebatur Cajus per signum C. Caja per signum J. ? R. Quia fœminæ omnia invertere solent. Balthasar Bonifacius l. 14. c. 1.

### DECAS XXXII.

Q. 1. Cui pœna statuenda? R. Cui quater venia data est, Scilicet ait Aurelius Imperator se anno ætatis suæ trigesimo septimo reperisse in Cyprio, Regis cujusdam epitaphium ejusmodi: Hæc mihi gubernandi ratio: quod obtinere potui virtute, non quæsi vi habere fraude: quod pace, hoc nequaquam bello: quod prece, id nequaquam minis: quod corrigere in privato, nequaquam correxī in publico: quod admonitionibus, hoc nequaquam pœnis. Consolatus sum amicos, vitavi inimicos, non profusus in dan-

do, non avarus in accipiendo. Nemini poenam statui, cui priùs quater non ignovissem.

Q. 2. Quis hostis timendus? R. Is, quem cunctantem videris. Annibalis dictum fuit: *Plus metuo Fabium cunctantem quàm Marcellum praliantem* Plutarchus in Apophthegmatis.

Q. 3. Quis vultus virorum Principum? R. Qualis ridentis cæli. *Decet supremas excellentias, ut serene sint, & serenò animò.* Cyrillus Alexandrinus Apologiâ ad Theodosium Imperatorē. Ex adverso de facie hominum dici potest illud Senecianum: *Inferiora sunt, quæ fulminant.*

Q. 4. Cui domestica intuta? R. Qui nimius est ad aliena. Augustus Imperator moriens reliquit quatuor libros: in primo signavit mandata de suo funere: in secundo, gesta sua: in tertio, summam militum, reddituum, impendiorum, & pecuniæ: in quarto, præcepta Tiberio data, inter quæ: nè multos manu mitteret: nè urbem varia plebe repleret: nè multos civitate dimitteret: nè uni gubernationem com-  
mit-

mitteret: & ut esset contentus fortunâ suâ, nè dum plura appetit, quæ conservari non possunt, perdat & propria. Dio: l. 56. Alexander apud Senecam Suaſoria 1. Orbem, quem non novi quæro; quem vici, relinquo, non quærimus Orbem, sed amittimus.

Q. 5. Quid oporteat facere scripturum? R. illud, quod Aristoteles, fecisse legitur apud Cassiodorum l. de Dialectica; hic enim librum Perihermeneias confecturus calamum dicitur intinxisse in mente.

Q. 6. Quid est, quod diligimus, & odit nos; odimus, & diligit nos? R. In vita B. Macarii legitur, puerum quendam, cum Macarius cum Soclo iter facit, occurrisset, ad Matrem suam dicentem: O Mater, est quem amo, & odit me. Est, quem odi, & diligit me. Dicebat autem Beatus: prior, Mundus, alter, DEUS est.

Q. 7. Quæ sunt, quæ rectè aspiciuntur, cum abeunt, non sic cum veniunt? R. Cum Aristotele: Voluptates. Rectè Poëta: *Lata venire Venus, tristis abire so-*

*let. Multi in fine sunt decepti, qui primò bono spiritu videbantur inducti. Thomas Kemp: l. 3. c. 14.*

Q. 8. Cujus rei penuriam sanctus amor habet? R. cum S. Hieronymo epist: ad Nepotianum: *Crebra munuscula, & sudoriola, & fasciolas, & vestes ori applicitas, & degustatos cibos, blandasque ac dulces literulas sanctus amor non habet.*

Q. 9. Quo fiet, ut non facilè aliis succenseamus? R. Si nos ipsos in eorum loco collocaverimus. *Philothea, in actionibus tuis esto æqua, & justa. Colloca te semper in proximi loco, & illum in tuo; itaq; de illo bene senties. Venditricem te fac, dum emis, & empiricem, dum vendis: ita fiet, ut justè & vendas, & emas. S. Franciscus de Sales in Philothea p. 3. c. 36.*

Q. 10. Quid omnibus accidit ante te, & quid accidet omnibus post te? R. Mors. *Edò ibi, inquit Seneca epist. 78. quò omnia eunt, ad hanc legem natus es, hoc patri tuo accidit, hoc matri, hoc majoribus hoc omnibus ante te, hoc omnibus post te.*

DE-

## DECAS XXXIII.

**Q**uest. 1. Quæ sunt pecuniæ consequentia? **R.** Qui eam surripit, fur est: qui retinet, avarus est: qui expetit, pauper est: qui amissam deplorat, miser: qui amittit, opinione suâ infelix est. Nieremb: in Stoicis.

**Q.** 2. Quid faciendum, rerum suarum jacturam passo? **R.** Cogitandum, non tam quid amiserit, quàm quid servaverit: perdidisti omnia? habes, unde gaudeas, si te ipsum servasti.

**Q.** 3. Quod est multorum bonorum principium, etsi ipsum non videatur bonum? **R.** Calamitas: Ex superbia, dicebat ille, nata est iracundia; ex iracundia nata est rixa; ex rixa bellum: ex bello multiplex injustitia: ex injustitia, devastatio agrorum, ex devastatione agrorum, fames, ex fame pestilentia: ex pestilentia, timor Domini, & poenitentia. Ex hac omnia bona.

**Q.** 4. Aliquidne in fortuna æquitas est? **R.** Esse, nam *spem dat pauperibus, divitibusq; metum.*

Q. 5. Quis pacis usus? R. Mites illam possident, patientes conservant; pacifici efficiunt; boni eâ fruuntur.

Q. 6. Quis errat per circuitum? R. Is, qui eligit apta media ad malum finem. Nieremb: Thomas Morus, cùm vidisset nobilem puellam mirè se comentem; nisi, inquit, DEUS pro hoc tuo tanto labore tibi infernum reddat, magnam profectò tibi faciet injuriam. Ex Stapletono in vita Thomæ Mori.

Q. 7. Cui bono sunt in urbibus Histriones? R. Ut dignosci possit, quanta in loco sint otiosa ingenia: nam negotiis præpeditorum non facilè quis Histrionem accedet. Alexander M. tamen aliter sapuit: hic enim Leucadiam oppugnaturus, priùs Histrionem eò submisit, ut ex confluyente spectatorum numero intelligeret, quis populus in ea urbe esset.

Q. 8. Quis nescit timere? R. Plebs jejuna. Nam ut Aristoteles in Ethicis inquit: *nullâ ratione ducitur, nullâ equitate mitigatur, nec ullâ prece flectitur populus esuriens.* Et de Augusto Tacitus l. 1.

Annal.



*Annal: Ubi militem donis, populum anno-  
nâ, cunctos dulcedine otii pellexit, insur-  
gere paulatim; munia Senatûs, Magistra-  
tuum, legumq; in se trahere, nullo adver-  
sante. Quo in loco Author satis insinuat,  
populum, ut fame irritari, sic effrænem  
reddi annonæ abundantia.*

*Q. 9. Cui omnes facilè fidem ha-  
bent? R. Illi, qui, cum doctus, simul-  
que improbus sit, asserit, aliud esse scire,  
& aliud facere. De hoc Pòeta:  
Scire, aut, & facere, hæc duo sunt diversa:  
negabo?*

*At respondebit mox tua vita: probo.*

*Q. 10. Quis peccat duplici mali-  
tia? R. Is, qui peccare constituit. Ma-  
lum enim est, malum velle, pejus au-  
tem, ut malum facias constituere.*

#### DECAS XXXIV.

*Quæst. I. Quæ literæ Alphabeti di-  
scuntibus difficillimæ? R. C. D.  
feu Cede. Ludovicus XI. Rex Galliarum  
aliquando Benniensi Abbati insinuave-  
rat, Abbatia suâ cedere vellet. Signi-  
ficavit autem is Regi: se per 42. an-*

nos, quibus Abbatem egisset, discere conatum, A. B. Gallicè Abbè, nunc se totidem annis indigere pro discendis difficillimis literis C. D. seu Cede.

Q. 2. Quod est inter Grammaticos vocabulum miserrimum? R. Juxta Plautum: *Habuisse*. Juxta Senecam: *Fuisse*. Philippus III. Rex Hispaniarum moriens auditus est dicere: *Nihil confert Regem fuisse, nisi ut in morte, fuisse doceat*. Et Pœta:

*Dupliciter miser es, qui felix antè fuisti.  
Dupliciter felix, qui fuit antè miser.*

Q. 3. Quod verbum in Grammatica magis est æquivocum? R. Vocabulum Statim. Vieira, non est, inquit, verbum magis æquivocum, nec magis dubiæ significationis adverbium, quàm statim, in expeditionum materia. Vix datur remissio, quæ non descendat cum uno, statim; & non est consilium, quod non ascendat cum duobus statim, & aliquando cum tribus. Sed ista statim quàm longa sunt, quàm morosa, & quanto durant tempore. Dantur statim de duobus, de quatuor, de decem annis,

&

& aliquando de tota vita. Videtur unum statim, alteri statim additum, idem esse, quod unum non, additum, alteri non. Non, additum statim frequenter significat idem, ac nunquam, & quasi semper idem, ac tardè.

Q. 4. Quinam Clerici maximè peccant adversum leges Grammaticæ? R. Illi, qui beneficia in numero plurali conjungunt cum persona singulari. Illis tamen videtur ignoscendum, qui scribunt: *Nos DEI gratiâ*. quippe ejusmodi pluribus personis æquivalent.

Q. 5. Quod verbum suspectum apud Grammaticos? R. Deinde, vel cras faciam. Nam deinde est talis platea, quæ deducit ad portam, quæ dicitur nunquam. Ex Nierembergio.

Q. 6. Quale nomen Homo? R. Adjectivum. Nam sinè substantia subsistere non potest.

Q. 7. Cui sua supellex certissima, & tutissima? R. Malis Pòetis. quis enim illis quidpiam suffurari velit? *Nil securius est malo Pòetâ*. inquit bonus Pòeta.

Q. 8. Quid intentatum reliquerunt

Es. Pòetæ?

Poëtæ? R. Nihil. juxta illud Horatii de Arte: *Nihil intentatum liquere Poëta.* & illud: *Pictoribus, atq; Poëtis quilibet audendi semper fuit æqua potestas.*

Q. 9. Unde dicta est Calamitas? R. Si interrogaveris Grammaticos, inquit Vieira, respondebunt à calamo: hæc calamitatis derivatio certior est in Politica, quàm in Grammatica, omnes enim ferè calamitates à calamo; Regum præsertim, & virorum Principum, nisi calamô benè utantur.

Q. 10. Quod verbum in Mundo maximè in usu? R. Verbum rapio. Conjugatur enim per omnes personas, modos, & tempora, jam à mundi principio, & adhuc nullus rapiendi finis. Unde Propheta: *à minore usq; ad majorem, omnes avaritiæ student.*

### DECAS XXXV.

Quæst. 1. Quid est plus quàm præteritum? R. Libenter dedisse: hæc enim virtus dudum præteriit ex hominibus?

Q. 2. Unde dictæ sunt exequiæ? R.

Cum

Cum Julio Solimanno. Congruit funeri,  
nomen Exequiarum; quia rusticos exa-  
quat Regibus.

Q. 3. Quod Verbum maximè defe-  
ctivum? R. Apud Avaros, Verbum Da-  
re. nam & præsens, & præteritum, ac  
fortè etiam futurum illi hoc loco deest,  
quare Pòëta.

*Evelio credo tibi, Verbum Dare defecti-  
vum est,*

*Tempore præsentì, præteritoq; caret,*

Q. 4. Quandonam rectè latinè dici-  
tur: Miseria nostra magnus est? R. Cùm  
Rex, vel Princeps populo, multarum mi-  
seriarum causa est. Sic Mimus Diphilus  
in theatro Romano, intento in Pompei-  
um digito aliquando dixit: *Miseria no-  
stra, Magnus est.*

Q. 5. Quod est verbum mendacio pro-  
ximum? R. Medicorum Recipe. Unde  
in Ponticum lusit Pòëta:

*Pollicitus nonnulla mihi, nil Pontice præstas  
Ilt Medicus, quamvis nil det, ait, Recipe!*

Q. 6. Quid quilibet hominum ma-  
vult dicere, quàm facere? R. Cum Pòë-  
ta, Jus omnes malunt dicere, quàm fa-  
cere!

108 *Quæstiones, & Responsa*  
cere! *Libenter alios habemus perfectos,*  
*& tamen proprios non emendamus defe-*  
*ctus. Volumus quòd alii stricte corrigan-*  
*tur; & ipsi corrigi nolumus.* Thom: Kemp.  
lib. 1. c. 16.

Q. 7. Qui mortalium inter se facile  
conveniunt? R. Illi, qui aliquid idem  
sciunt. At verò, qui facile disconveniunt?  
R. Hi, qui itidem aliquid idem sciunt.  
*Qui enim velit ingenio cedere, nullus erit.*

Q. 8. Occasio bona quid est? R. M:  
dietas felicitatis; adijunge diligentiam, &  
habebis felicitatem integram. At quæres  
quid est occasio mala? R. Est lubricum,  
in quo pauci sibi constitère, nam ut Se-  
neca ep. 116. *In siccò quoque parùm fir-*  
*miter stamus, nisi à lubrico, quantum*  
*possumus, recedamus.* Pompeius captos  
Piratas à mari centum milliaribus rele-  
gavit, nè occasione redeunte, ad rapinas  
reverterentur. Florus l. 3. *Non satis ce-*  
*cidisse piget hominem, qui adhuc manet*  
*in lubrico.* S. Bernardus Sermone 1. in  
Pasch.

Q. 9. Amorculis inutilibus quid fa-  
ciendum? R. In primo flumine sunt mer-  
gendi.

gendi. De Trucis Cuspinianus: in primo  
flumine mergendi erant. *Quis in primo  
obstitit, repulitq; amorem, tutus, ac victor  
fuit.* Seneca tragædiâ 4. Cùm seri cœ-  
pit linum, dicebat hirundo ad socias aves:  
impedite. Cùm cresceret, dicebat: evel-  
lite. Cùm maturesceret, dicebat: depo-  
pulemini. Neglexêre. Indè adversùm il-  
las laquei. Ex Æsopo. hinc Pœta:

*Principiis obsta, serò medicina paratur,  
Cùm mala per longas, invaluere moras.*

Q. 10. Quis nec sibi, nec aliis bonus?

R. Canis jacens in fæno, ad quem apud  
Æsopum bos: nec fæno vesceris, nec ali-  
um vesci sinis. Egregium Avari Symbo-  
lum.

### DECAS XXXVI.

Quæst. 1. Quid est, quod nescimus,  
& docemus omnes? R. Medicina.  
Theodectes apud Hermippum.

Q. 2. Quæ res temporibus nostris ad-  
modum privilegiata? R. Podagra, ne-  
que enim, cùm plerumque lecto decum-  
bat, cuiquam accedenti occurrit, nulli  
assurgit, nulli vices visitandi rependit:  
non urgetur ad itinera subeunda, non



ad saltationes, & choreas, non ad importunos haustus, & conviviorum sumptus.

Q. 3. Contra pestilentiam, quod est præservativum? R. Citò, procul, serò. Id est, si citò de loco, ubi malum incipit, discedas; si, quàm potes, remotissimè habites; si serò, unde abiisti, redeas.

Q. 4. Quis est status Medicorum erga ægrotos? R. Apud pauperes; Medicus scit nihil: apud divites omnia: blandus apud liberales: apud avaros, severus. Si sæpe adsit, parit sui nauseam: si rarò, desiderium: veniens est ut Angelus; præsens ut homo, discedens habetur ut diabolus.

Q. 5. Quæ se in morbis juvant mutuò; R. Medicus, & infirmus, Medicus enim curat valetudinem infirmi, & æger curat paupertatem Medici. Ità de hoc Pòeta ad Medicum:

*Pharmaca das agroto: æger tibi porrigit aurum;*

*Tu morbum curas illius: ille tuum.*

Q. 6. Qui benigni Medici? R. Qui infirmos non sinunt ægrotare diu, Aliter:

ter: quem vespiliones laudant: de ejus-  
modi Pòeta: (bo,

*Non finit in longo miseros putrescere mor-  
Absolvitq; brevi morte: benignus homo est.  
Et iterum: Qui tuus est patiens, ô terq;  
quaterq; beatum;*

*Ægrotare illum non patiêre diu.*

Q. 7. Juristarum, Medicorumq; quæ  
lex? R. Cum Pòeta. (lex:

*Furtum non facies, Juristis scribitur hæc  
Hæc: non occides; peritiner ad Medicum.*

Q. 8. Quæ optima Medicina adver-  
sus ebrietatem? R. Cave. Daniel Me-  
usnerus in Emblematis tres statuit cra-  
teres; ac in primo serpentem, in secun-  
do leonem, in tertio lupum. Lemma:  
*Haustus erit primus, parcè, sapientia, sumptus;  
Ira secundus erit, tertius ebrietas.*

Q. 9. Quæ res se malè habent? R.  
Vinum, inter manus Germanorum; num-  
mi, inter manus Hebræorum: & sapiens  
in medio stultorum.

Q. 10. Quæ magna adversum mor-  
bos panacæa? R. Panacæa præservati-  
va, non nasci; morborum temperativa,  
dormire: omnium dolorum abolitiva,  
mori.

mori. Si moreris juvenis, moriuntur tecum vitia; si senex morbi, & dolores. Nieremberg: in Stoicis. Unde Idiota de Contempl: Mortis, c. 9. *Mors nihil aliud est, quàm carceris finis: & laboris consummatio; ad portum applicatio, peregrinationis adimpletio, oneris gravissimae depositio; de e quo furioso descensio; de domo ruinosa liberatio, omnium agritudinum terminatio, omnium periculorum evasio, omnium malorum consumptio, & diruptio.*

## DECAS XXXVII.

**Q**uest: 1. Quid homo homini eripere non potest? *R.* Mortem. Unde Seneca in Thebaide:

*Ubiq; mors est, optime cavit DEUS.*

*Eripere vitam nemo non homini potest,  
At nemo mortem.*

**Q.** 2. Quorsum nemo serò venit? *R.* Unde reverti non licet. Ita Seneca in Hercule: *Nemo ad id serò venit, unde nunquam, cum semel venit, potuit reverti.* Tale utique quid mors est; de qua idem Pòeta:

*Parce venturis, tibi mors paramur.*

*Sic*

*Sis licet segnis; properamus ipsi:*

*Prima quæ vitam dedit hora, carpsit.*

Q. 3. Quid homini ingenuo difficilius, quàm mori? R. Rogare. *Marcus Casso, (inquit Seneca Ivaforia 6.) maximum vivendi, moriendiq; exemplum, mori maluit, quàm rogare. Aliter Julius Cæsar; qui monitus ab Auguribus, sibi ab hostium insidiis caveret, respondit: Satiùs est semel mori, quàm semper timere, & cavere.*

Q. 4. Quæ mors optima? R. Ea, quæ sæpe vocata venit de quo Boetius l. de Consolat: Philosophiæ metro 1.

*Mors hominum felix, quæ se nec dulcib; an-  
Inferit, & mæstis sæpè vocata venit. (nis*

Q. 5. Quid faciunt stulti confecto ferè itinere? R. Augent viaticum. nonne meritò stultus appellatus ille, qui Lucæ 12. cùm sequenti nocte ei vita terminanda, dicebat: *Destruam horrea mea, & faciam majora. Monstro similis est avaritia senilis; inquit S. Martinus Bracharensis, quid enim stultius, quod dici solet, quàm viâ deficiente, viaticum augere?*

Q. 6. Quid inter negotia vitæ, & di-  
em

em mortis intercedere oporteret? *R.* Spatium, quo à negotiis quiescamus, & nos collecto animo, ad moriendum præparemus. Inter vitæ negotia, & diem mortis oportet spatium intercedere; dictum fuit Militis, manumissionem à Carolo V. petentis. Strada in Bello Belg.

*Q. 7.* Quot portas Mors habet; cùm scriptum sit Ps.9. qui exaltas me de portis mortis? *R.* Binas, alteram vitream, qua facilè ex fragili hac vita intratur ad æternitatem; alteram, adamantinam, qua nemo dum rediit. Vieira.

*Q. 8.* Quis distingvit inter mortuos? *R.* Sola Epitaphia. *Respice sepulchra*, ait Augustinus in Sententiis, & vide, quis Dominus, quis servus, quis pauper, quis dives? discerne, si potes Regem à vinelo, pulchrum à deformi. In paucis versibus est eorum memoria? & Bòetius l. 2. de Consolat. metro 7.

*Ubi nunc fidelis ossa Fabricii jacent?*

*Quid Brutus aut rigidus Cato?*

*Signat superstes fama tenuis, pauculis  
Inane nomen literis.*

*Q. 9.* Quæ hominis bona, ex Arabum

bum sententia? *R.* Bonus intellectus, copiosa pecunia, bona uxor, scire, tacere, & sepulchrum. Nieremb: in Eroth. dec. 4.

Q. 10. Quid mortales omnes pares facit? *R.* Cinis. Dictum fuit Alphonſi Regis Aragoniæ. Horatius l. 4. ode 7. *Nos ubi decidimus, quò pius Aeneas, quò Tullus dives, & Ancus, pulvis & umbra sumus.*

### DECAS XXXVIII.

Q. Uæst. 1. Quis quasi mortuus? *R.* Filius centum annorum. De hoc Rabbi Bagbay ita philosophatur, Filius quinque annorum ad Biblia, Filius decem annorum ad Mischna; seu ad textum Thalmudicum; Filius 13. annorum, ad Præcepta: Filius 15. annorum, ad Thalmud intelligendum: Filius 18. annorum, ad nuptias: Filius 20. annorum, ad sectandas divitias: Filius 30. annorum, ad robur: Filius 40. annorum ad prudentiam. Filius 50. annorum, ad consilium: Filius 60. annorum, ad senectutem: Filius 70. annorum, ad canitiem: Filius 80. annorum, ad summum: Filius 90. annorum, ad

ad foveam: Filius 100. annorum, quasi mortuus.

Q. 2. Quid est, quod ferè omnes expectant, & nulli certum habemus? R. Crastinum. Unde Pòeta: *Nemo tam divos habuit faventes, crastinum, ut possit sibi polliceri.* Et Religiosus quidam apud Petrarcham l. 3. memorabil. pro sequenti die ad convivium invitatus; ego, inquit, à multis annis crastinum non habeo.

Q. 3. Quid illud, quod nullius, quantumvis potentis hominis respectum habet? R. Mors. *Non est respectus morti eorum*, inquit Psalmista pl. 72. & Horat. l. 1. ode 4. *Pallida mors aequo pulsat pede pauperum tabernas, Regumq; turres.* Et cras eodem sunt Rosæ, & Spinæ loco.

Q. 4. Qui portâ, qua semel exierunt, non redeunt? R. Mortui, domô ad sepulchrum elati. Alioquin etiam de Lappis scribitur; per portam exire, per fenestras domum reverti.

Q. 5. Quandonam mortui resurgunt? R. Dum moritur Avarus, tunc enim pecuniæ, quæ velut mortuæ tenebantur  
inter



inter claustra, in publicum prodeunt.  
De Avaro Tonstiono Poëta:

*Dum moritur Tonstionus, opes de morte  
resurgunt,*

*In cumulo: in tumulo, quæ jacuere diu.*

Q. 6. Quæ sunt in hoc mundo irrequietissima in hominibus? R. Expectare, & non venire: servire, & non pervenire: decumbere in lecto, & non dormire: quantum autem, vir centum annorum, qui cum velit, mori non potest. Ælius Adrianus Imp. in quadam epistola: *Misera sors, velle, nec posse mori.*

Q. 7. Quorum humeros timemus? R. Bajulorum, qui nostrum sepulchro funus inferent.

Q. 8. Quid non amamus absque lacrymis? R. Allium, vitæ humanæ symbolum. P. Niefs in Alphabeto: *Defecit in dolore vita mea, & anni mei in gemitibus.* Pl. 30. 11.

Q. 9. Quantum vivi distamus à mortuis? R. Uno lapide, nempe sepulchrali. Periander dicebat: navigantes à morte distare tantum asserere bidigitali, eò quod inter eos, & mare, ubi  
mors

mors certa, intercederet nisi ejusmodi asser.

Q. 10. Quid vita hominis? R. Nolo, & Volo. ita Pòeta:

*Quod volo, non possum, possum, quod nolo, vicissim:*

*Tota hominis vita est nil nisi, Nolo, Volo.*  
Aliter: Vivere hominis, est idem, ac sæpe mori. Unde Pòeta: (ver.

*Cor nisi cura nihil, caro nil, nisi triste cada-*  
*Nasci egrotare est: vivere, sæpe mori.*

Aliter: vita hominis tanquam umbra in infantibus: tanquam nuncius percurrent in pueris: tanquam navis in adolescentibus: tanquam avis in juvenibus: tanquam sagitta in viris: tanquam flos tribuli in senibus: tanquam spuma maris in decrepitis: tanquam fumus in sili-cerniis: tanquam memoria hospitis unus diei, ejus, qui de utero transfertur ad tumulum.

### DECAS XXXIX.

Quæst. 1. Quid sperare potest Pauper post mortem, quod non poterat sperare vivus? R. Ut domo, & veste tegatur,

gatur, de Paupere sepulturā naſto Pòeta:  
*Nulla mihi vivo domus, at nunc certa, ſe-  
 pulcro eſt,*

*Vitaq; paupertas; mors mihi divitiæ.  
 Vita mihi exilium, requies at certa ſepul-  
 chrum:*

*Nudus eram vivus, mortuus ecce regor.*

Q. 2. Quid eſt, pro quo in mundo vi-  
 vitur? R. Pro Honore, Ore, & Re. Pro  
 his autem vivitur Amore, More, Ore, &  
 Re. Aliter: vivitur reſpectu, deſpectu, ſu-  
 ſpectu.

Q. 3. Quem furem metuam? R. Mor-  
 tem, cū enim diripiat plurima reſtitu-  
 it nihil. De quo Pòeta:

*Reſtituunt furtum fures, vivapte latrones;  
 Omnia mors aufert; reſtituitq; nihil.*

Quare etiam Mors quibuſdam ultimus  
 Ablativus dicta eſt.

Q. 4. Quorum vita eſt ſcire, & ne-  
 ſciri? R. Exploratorum; Sapientum verò  
 eſt ſcire, & ſciri. Unde ille:

*Scire tuum nihil eſt, niſi te ſcire, hoc ſciat  
 alter.*

Q. 5. Quid ad omnes pertinet, quod  
 tamen nemo ſcit? R. Quis primus eſt no-  
 bis

bis hinc migraturus sit, id enim verò nemo scit.

(isto:

*Quando placet Christo, de mundo tollimur  
Nemo potest scire, quis primus debet abire.*

Q. 6. Ubi sunt plures Grandes, quàm in Hispania: & plures Pares, quàm in Gallia? R. Sub terra. Nam in inferno sunt plures grandes, in sepulchris autem sunt omnes pares.

Q. 7. Quid ægrotantibus Avaris, deesse solet; quantumcunque habeant peculii? R. Qui in vicem eorum, velit ire ad infernum.

Q. 8. Quis non satis vitat infernum? R. Qui tantum vult vitare infernum. Sfortia Pallavic. l. 1. de arte perfecti: c. 9.

Q. 9. Vita, quomodo instituenda? R. Qualiter is instituere proposuit, qui calculo, vel podagrâ sævâ laborans, pro valetudine Deo supplicat. Est responsum Ditterici Archiepiscopi Colonienſis Sigismundo Imperatori datum. *Tales sani esse perseveremus, quales nos futuros profitemur infirmi.* Plin: l. 5. ep. c. 16.

Q. 10. Quod est territorium animæ, quod ipsam imprimis incolere oporteat?

R.

**R.** Nosse conditionem suam. Willegius Elector Moguntinus Rotarii Filius, quò memor esset conditionis suæ, Rotam pro symbolo assumpsit cum Lemmate: Willegis; Willegis, deiner Unkunfft nicht bergieß. Sic & Agathocles ex figulo in Regnum assumptus, vasa terrea, inter aurea, in mensa collocari faciebat, utne conditionis unquam oblivisceretur. de quo Pòëtar *Fercula gemmatis cùm poneret aurea vasis,*

*Et misceret opes, pauperiemq; simul;*  
*Querenti causã, respondit: Rex ego qui sum*  
*Sicania, figulo sũ genitore satus.* Auson:  
 in epigr,

### DECAS XXXX.

**Q**uæst. 1. Qui hæredes in hoc mundo felices? **R.** Quorum Majores ardent in inferno, scilicet; propter injustè corrasas, & hæredibus relictas divitias. Abundant enim; cùm interea Majores eorum ardeant, Beatus Pater, dicebat ille, qui propter nos, & nostram salutem descendit ad inferos.

**Q.** 2. Sub qua conditione nascitur homo? **R.** Ut moriatur, Cui nasci contingit, mori restat, Seneca. Eo fine vitam

ingredimur, ut inde denuo egrediamur.  
Nieremb: in Stoicis.

Q. 3. Quis stylus, & cursus vitæ humanæ? R. Mala cernere, & pati. unde ille ajebat Crucem esse omnis generis, quam Imperatores in pomo Imperii, Reges in diadematis, Pontifices in tiaris, Episcopi in pastoralì, Religiosi in rosario. Miles in gladio. Eremita super domiciliolo; Viri in uxoribus. Uxores in viris; pauperes in egestate, divites in suis divitiis habent.

Q. 4. Quis metuit imperitum Medicū? R. Qui nondum vult mori. Unde Poëta: *Cùm sis eger (ait Medicus) non ueris ullo Cur Medico? volo adhuc vivere: nolo mori.*

Q. 5. Qui dies non ponuntur in ullo Calendario? R. Quibus quisque nostrum de hoc mundo migraturus est. *Nescitis diem*, inquit Christus Dominus in Evangelio, *neq; horam.*

Q. 6. Quando Tyrannus putat se præstare beneficium? R. Cùm subditos vivere finit. Huc spectat fabula Æsopi, in qua lupus cui grus de collo mortiferum ossiculum exemerat; cùm idcirco mercedem

cedem posceret, respondit: non sat tibi, quòd vivis? Et Alaricus Romanis, quòd omnia diripuisset ejus miles, conquerentibus dixit: nihilne illis residuum, quibus animas reliquimus.

Q. 7. Quorum error est intolerabilis?

R. Eorum, qui cùm improbè vivant, sese laudabiliter morituros existimant. *O quàm miserè falluntur*, dicebat B. Stanislaus Kostka moriens: *qui cùm perditè vivunt, credunt se posse laudabiliter mori*. P. Nadasi in pretiosis occupationibus morientium c. 2.

Q. 8. Quid illud, quod nulli novum est? R. Mori. *Morieris*, inquit Seneca ad Gallionem; *putabam te novi aliquid dicere. Ad hoc veni: hæc ago; huc me singuli dies adducunt*.

Q. 9. Quot milliarium iter de cœlo ad infernum? R. Luciferum interroga; is illud cum sociis dimensus est. Cæterum Pòeta:


*Arcta via in celum: lata est, quæ ducit ad Orcum:*

*Illæ nimis longa est; est nimis ista brevis:*

Q. 10. Quæ sunt quæstiones in Sacra



Scriptura, quæ difficilem responsionem habent? R. Sequentes: 1. *Quid prodest homini, si universum mundum lucretur, anima verò suæ detrimentum patiatur?* Matth: 16. 2. *Stultè hâc nocte reperent à te animam tuam quæ autem parasti, cujus erunt?* Lucæ 12. 3. *Quis poterit cogitare adventum jñs? aut quis stabit ad videntum eum?* Malachiæ 3. 4. *Si justus quidem vix salvabitur, impius, & peccator? ubi parebunt?* 1. Pet. 4. 5. *Quomodo cecidisti Lucifer, qui manè oriebaris.* Isaïæ 14. 6. *Quid nobis profuit superbia? aut divitiarum jactantia, quid contulit nobis?* Sap: 5. 7. *Quis poterit habitare de vobis cum igne devorante? quis habitabit ex vobis in ardoribus sempiternis.* Isaïæ 33.



*Ben Sira Rabbi Gnoma, super quaestione: Quomodo se sapiens rectè habeat in agendis? Ex Cornelio à Lapide in proleg. ad Ecclesiast.*

1. **A** Ma, & honora Medicum, dum non indiges ejus. q. d. Cole, & precare DEum, qui est malorum omnium Archia-  
ter,

ter, antequam ejus auxilio tibi opus sit.

2. Filium, non filium sine, ut aquæ summo remiget, i. e. filium, qui se non gerit, ut filium, sine periculis exponi: nam sæpè remus emendat, quem frustra paterna manus castigat.

3. Os, quod cecidit in sorte tua, rode, q. d. Sorte, quæ tibi contigit, contentus vive.

4. Aurum tundi debet, & puer verberari, i. e. uti aurum, si illud tundas, magis fulget, sic puer si eum verberes, melior evadet.

5. Esto bonus, ( i. e. beneficus ) & manum tuam à bono ( benefaciendo ) nè prohibeas.

6. Væ malo, & væ illis, qui adhærent ei. Aut: væ improbo, & væ vicino ejus.

7. Sparge panem tuum in superficie aquarum, & in arida, & in fine dierum invenies eum, i. e. esto liberalis in omnes.

8. Vidisti asinum nigrum? neque nigrum, neque album. In quem locum Scholiastes: doce linguam tuam, ut dicat semper nescio; ne quando in responso capiaris.

9. Bene malo nè facias, & malum

126 *Quæstiones, & Responsa*  
non continget tibi.

10. Manum tuam à beneficentia nè abstrahas.

11. Sapientem nutu, stultum fuste.

12. Qui honorat contemnentes se, semilis est asino, qui inservit ei, à quo cæditur.

13. Ignis ardens comburit multos acervos frugum. q. d. ex parvo initio maxima oriuntur mala; uti ex scintilla una, grande incendium: ex uno verbo, multæ cædes.

14. Senex in domo, bonum signum in domo. Senium enim est signum bonæ vitæ, atq; prudentiæ.

15. Merces si communes habueris cum aliquo, à bono centies frustra repetes, à malo millies.

16. Mensam appara; contentio sublata est. Sic hodie videmus, per symposia, multas rixas, litesq; sopiri.

17. Si necesse est, ut contrahas accipiendo, & dando, esto fors tua cum viro bono. q. d. negotia tibi nulla cum improbis sunt.

18. Propinqua negotiatio comeditur  
à Do-

à Domino suo; longinqua comedit Dominum suum, q. d. qui in locis sibi vicinis negotiantur, ditantur: qui in remotis, depauperantur.

19. Amicum veterem nè abnegato.

20. Sexaginta Consiliarii si fuerint tibi, tamen consilium animæ tuæ nè deseras.

21. Tam liberalis sit tibi manus, quasi semper satur fueris: & non quasi modò demum satur factus, antea verò esurieris. i. e. esto in dando liberalis, & benignus, non tetricus.

22. Animum tuum nè des tristitiæ; multos enim occidit tristitia.

23. Bellæ mulieris specie multi presummati fuerunt; & robusti omnes interfecti sunt ab ea.

24. Secretum tuum revela uni è mille; licet multi fuerint, qui pacem tuam quærant.

25. Absconde oculos tuos à muliere gratiosa, nè capiaris reti ejus. vñ ei, qui vadit post oculos suos.

26. Nè esto ex iis, qui raram, aut densam barbam habent. nam nescis, quid sit decretum. Homo rarâ barbâ, callidus est,

inquit Rabbi Aquila: densâ barbâ stultus.

27. Averte faciem tuam à sociis malis; nè habeto cum eis iter: cohibe pedem tuum ab eis, nè capiaris reti ipsorum.

28. Nihilominus misereat te vicinorum tuorum, licèt mali sint; & da illis de cibo tuo; quia eo tempore, quo ad iudicium stabis, pro te testimonium dicent.

29. Nè te cruciet ærumna diei crastini; quia nescis, quid paritura sit dies.

30. Dies brevis, & opus multum. Simile habet Hippocrates: Vita brevis, ars longa, occasio præceps, iudicium incertum, experientia periculosa. Et Rabbi Simon: Dies brevis, & opus multum; & operarii pigri; & merces copiosa, & paterfamilias urget.

## Gnomæ aliquot

### *Aliorum Rabbinorum.*

1. **S**uper tres res mundus consistit: super legem, super cultum (DEI) & super retributionem beneficiorum. R. Simeon Iustus.

2. Sit domus tua domus conciliabuli pro sapientibus; & esto pulverizans te in pulve-

pulvere pedum eorum, & bibe cum sit  
verba eorum. R. Iose.

3. Esto domus tua aperta, versùs plateam sintq; pauperes, filii domus tuæ. *Idem*

4. Omni tempore, quo homo multiplicat colloquium cum muliere, accersit sibi malum, & impeditur à studio legis, tandemq; descendit in gehennam. *Idem.*

5. Si non ego mihi, quis mihi? & cum ego mihimetipsi, quid ego? & si non modò, quando? R. Hillel.

6. Loquere parùm, & multùm, & excipe quemvis hominem placido vultu. *Id.*

7. Neq; dicas: cum otiosus ero, discam: fortassis enim nunquam otiosus eris. *Idem*

8. Nullus nebulo timet peccatum: nec idiota est vir pius; nec qui erubescit, discit; neq; iracundus docet; neque qui crebriùs ultrò citròque aberrat, sapiens fit. *Idem.*

9. Tres, qui cibum capiunt in una mensa, & conferunt in ea verba legis, perinde est, ac si comedissent de mensa ipsius DEI. R. Jochanam.

10. Velox esto erga caput, tardus verò erga adolescentem, & excipe quemvis

hominem cum gaudio. R. Hanina:

11. Ubi non est farina, non est lex, ubi non est lex, ibi non est farina. R. Heliezer. i. e. ubi non est cibus, ibi non est observatio legis: & ubi lex contemnitur, ibi cibus non conceditur.

12. Mundus iste similis est vestibulo: ante sæculum venturum præpara teipsum in vestibulo, ut intrare possis in triclinium. R. Jacob.



## QUÆSTIONES,

Quas Rex Ptolomæus Septuaginta duobus Sacræ Scripturæ Interpretibus, sub tempus Convivii proposuit; & eorum Interpretum Responsa. Ex Aristeæ Regis Ptolomæi Ministro.

**Q**uæst. 1. Quonam modo Regnum incolume usque in finem Rex conservet? R. Hoc maximè modo regnum optimè dispones, si DEi mansuetudinem in rebus omnibus imitatus, patientia, & longanimitate uteris, dignosque extolles, elatos autem affabilitate, ex malo in pœni-



poenitudine traduces.

Q. 2. Quemadmodum justè singula Rex perficere possit? *R.* Si in rebus omnibus seipsum observet, omnia eum rectè acturum, & si consideret omnem sensum à DEO esse, proponatq; sibi ante omnia, timorem DEI; nulla in re aberrabit.

Q. 3. Quomodo Rex amicos sui similes habere possit? *R.* Si amici tui intelligent te multa meditari in subditorum populorum commodum; & tu id facias, considerans, quemadmodum & DEUS genus humanum bonis afficiat; valetudinem illis, & alimenta atq; alia cuncta opportunis temporibus præbens.

Q. 4. Quonammodo in negotiis, ac judiciis peragendis, delictisque puniendis Rex bonam famam assequatur? *R.* Si omnibus te æquum ratione præbueris, & nihil superbè, nihilq; pro potentiae tuæ viribus contra delinquentes ages. Id autem assequeris, si DEI dispositionem inspicias, qui dignis sua vota perficit, peccantibus verò vel per insomnia, vel opere demonstrat, quid

illis nocuum sit: neque secundum illorum peccata, neq; pro magnitudine virium suarum homines cædit, sed mansuetudine usus corrigit.

Q. 5. Quid agat Rex, ut in rebus bellicis invictus existat? R. Si non armis, si non potentia suæ fidat, sed DEUM semper imploret, ut justè agenti sibi consilia dirigat.

Q. 6. Quomodo Rex inimicis suis formidolosus evadere possit? R. Si armis, & exercitu, multoque ad bellum apparatu instructus fuerit. Ea tamen omnia diutius, ceu vana, priusquam his utatur, detineat. Nam DEUS ipse, antequam Majestatis suæ trepidationē incutiat, inducias quasdam præbet; exin omni apparatu mentem deterret.

Q. 7. Quid optimum in vita Regi? R. Si cognoscat, quoniam DEUS mortalibus dominatur: atque ut ad optimas quasque operationes, non per nos ipsos consilia dirigamus. DEUS enim, qui cunctis dominatur, omnium opera perficit, & deducit.

Q. 8. Quomodo omnia rectè servans,

&

& illæsa, eundem filiis statum Rex tradat? *R.* Si DEum assidue imploraveris, ut rectos tibi sensus, ad ea, quæ imposterum peragenda sunt, tribuat: & filiis imperaveris, nè gloriâ, divitiisq; superbiant; sed arbitrentur DEum benignitate sua cuncta elargiri; neque per se alicujus rei substantiam possidere.

*Q. 9.* Quid agat Rex, ut bonam, & malam famam æquo animo ferat? *R.* Si tibi proposueris, cunctos mortales sic à DEo creatos, ut maximis malis jactati, bonis rursus afficiantur: neque quisquam omnium sit, qui hujusmodi alternationem effugere valeat. Est autem DEUS implorandus, qui tranquillitatem tribuat.

*Q. 10.* Quis fortitudinis finis? *R.* Si, quando periculosa imminet in rebus aggrediendis rectè quis consulerit, & propositum assequetur. Ideoque Tibi ô Rex, rectè, utiliterque consulenti DEUS cuncta perficiet.

*Q. 11.* Quibusnam modis Rex divitias conservet? *R.* Si nihil indignum regno tuo, neque flagitiosè ages, neque

in vanis rebus, & incommodis, sumptus facies: & erga populum tuum te beneficum, benignumq; præbueris. Etenim DEUS bonorum omnium, quem sequi oportet, elargitor est.

Q. 12. Quomodo Rex veritatem colat? R. Si cognoveris, quàm magnum dedecus mendacia mortalibus omnibus afferant, & multò majorem notam Regibus inurant. Nam, quando eâ potentiâ sunt, ut, quæ volunt, facilè perficiant, cujus rei gratiâ mentientur? oportet etiam te considerare, Rex, ut DEUS veritatis amator existat.

Q. 13. Quæ est disciplina Sapientiæ? R. Quemadmodum te ô Rex malis expertem optas, & omnibus bonis abundare, si hoc ipsum in subjectos tibi populos; & delinquentes serves. Si optimates, præstantesq; viros humaniùs commoneas. Etenim DEUS mansuetudine cunctos fovet.

Q. 14. Quonammodo Rex clemens, benignusq; sit? R. Si consideres, quam longo tempore, quantisque, & quàm magnis calamitatibus oriatur genus humanum,

num, alatur, nutriaturque, unde neque in eos temerè animadvertendum, nec accusandi sunt. Si revolvens insuper, ut omnis hominum vita doloribus semper, & suppliciis exagitetur, singula intelliges, in misericordiam profectò verteris. Nam & DEUS misericors est.

Q. 15. In regno quid potissimùm observandum? R. Conservare se à muneribus incorruptum; atque magnam vitæ partem invigilare, justitiàmq; ante omnia colere, & hujusmodi amicos sibi comparare. Justos enim, & DEUS amat.

Q. 16. Quid pietatis robur? R. Cognoscere, quia DEUS omnia semper operatur, & videt, neque eum lateat quicquam injusta faciens, neque perperam agens. Ut enim universum orbem DEUS bono afficit, ita & tu, si eum imitaberis, nusquam aberrabis.

Q. 17. Quis sit regnandi modus? R. Rectè seipsum regere, neque copiâ, neque gloriâ elatus superbum indecensve concupieris, si rectè ratiocinatus fueris. Sic cuncta tibi aderunt, quasi nihil sint. DEUS mansuetus est, & nullius egens,  
quod

quod tu pro humanis viribus considera;  
neque multa ad regnum appetas.

Q. 18. Quemadmodum quis optima  
eligat? R. Si iusta tibi semper propo-  
fueris, arbitrerisq; iniquam vitæ priva-  
tionem. DEUS namque iustis elegan-  
tissima semper bona præparat.

Q. 19. Rex in somnis quomodo sit  
quietus? R. In iis, quæ mentem per in-  
somnia agitant, haudquaquam obistere  
possumus. Sed sensu quodammodo ir-  
rationabiliter ducimur ex huiusmodi re-  
bus, quæ accidere solent, & vidimus.  
Videmur enim quandoque pelago ferri,  
navibus trajicere, nunc negotiari, nunc  
pennis sublati volare, loca mutare, &  
cætera huiusmodi, quæ minimè fiant.  
Similiter & quæ maximè expetimus, ea  
mentem in somnis turbare solent. Qua-  
re Rex omni negotio, quidquid dixeris,  
quidquid feceris, ad pietatem intenden-  
dum censeo, ut te ipsum servans, virtu-  
te circumvallaveris, neque voluptate pel-  
lectus, neque potentia fîsus, inviolabili-  
ter, quod iustum est tollas. Etenim in  
quibus quisque plurimum versatur vigi-

lans & per quietem earundem rerum cura hominem recurſat. Sed quando omnes rationes, & operationes tuas ad pulcherrima quæq; inſtituis, & vigilans, & dormiens, ob eam cauſam optima in te ſemper eſt tranquillitas.

Q. 20. Quemadmodum nihil indignum agamus? R. Si quid te deceat, quidve poſſis, omni in re proſpexeris; nè tua dignitate, quidquam indecorum, dicendo, agendo tibi excidat; intelligens omnes, quibus imperas de te ſemper & cogitare, & loqui: neque enim minimum adulatoribus pates, qui ex vultûs varietate mente coniectant: ex cujus conſideratione indecenter cuncta peragunt. Tu verò nulla hypocrifi deturpatus à parte imperas; præſtante tibi DEO multam cum dignitate morum elegantiam.

Q. 21. Quid ſit in regno difficillimum? R. Sibi ipſi dominari, neque appetitibus efferri. Ineſt enim natura mortaliſus, ut mente ad aliquid ſemper declinet. Et plerique ad menſas, pocula, voluptateſque trahuntur, in quibus multitudo maximè effunditur. At Reges ſubigen-



bigendorum poculorum cura sollicitat, ob gloriæ magnitudinem. Sed pulchrum est, se in omni re metiri & quæ DEUS dederit, studio continere. Inconcessa verò, atq; inexpectabilia nec concupiscas.

Q. 22. Quonam modo Rex nemini inuideat? *R.* Si animadvertas primum, Deum Regibus omnibus impertiri gloriam, divitias, & magnitudinem. Nam etsi hujusmodi gloriæ participem se quisque cupiat, haud tamen potest. DEI enim donum est.

Q. 23. Quid agat Rex, ut inimicos spernat? *R.* Si placidus erga omnes homines benignitatem exercueris, nullius amicitiae ratione habita. Gratum verò se omnibus præbere, id pulchro DEI munere, quod optimum est, conceditur.

Q. 24. Quemadmodum Rex gloriosus perduret? *R.* Si benignitate, & gratia excellens erga alios magnificus extiteris, gloria te nunquam deseret. Quæ, ut tibi adsit, DEUS semper implorandus est.

Q. 25. Erga quos habendus sit honor? *R.* His potissimum omnes tribuendum putant, quos amicè diligamus.

Ego

Ego verò opinor, erga æmulos habendam esse honoris munificentiam, quam maximè gratam, quò illos, hoc præsertim modò, ad ea, quæ honesta sibi sunt, & utilia, inducamus: oportet autem DEUM, qui mentibus dominatur, precari, ut hæc perficiat.

Q. 25. Quibus gratificandum sit? R. Parentibus ante omnes. Etenim DEUS in honorandis parentibus præceptum maximum posuit, censens amicos secundo loco habendos, quos animo pares nominavit. Tu verò rectè facis, qui cunctos homines ad te amandum allicis.

Q. 27. Quid sit pulchritudine dignius? R. Pietas. Nam & ipsa, pulchritudo quædam est præcellens, ejus autem potentia charitas: quæ quidem DEI munus est, quam & tu possides, cuncta in ipsa bona complectens.

Q. 28. Quemadmodum amissa gloria instauretur? R. Quandoquidem clemens omnibus gratusq; existis, quæ res benevolentiam comparat, fieri non potest, ut excidas. Et magni præterea armorum apparatus maximam securitatem præ-

præstant. Si qui verò cadunt, ab iis abstineant, oportet, quorum gratiâ exciderunt. Amicitiarumque inde cultores iusta agant; DEI namque donum, bonorum operatio.

Q. 29. Quomodo Rex vivat sinè tristitia? *R.* Si neminem læseris, omnesque iuves iustitiâ prosequens. Ab ea huiusmodi fructus, jucunditas scilicet colligitur. Sed implorandus est DEUS, nè ea nos lædant, quæ præter opinionem nostram accidunt; ut sunt mortes, morbi, ægritudines, & cætera huiusmodi. Te autem, quando pius es, horum nihil insequetur.

Q. 30. Quid sit in gloria potissimum? *R.* DEUM venerari, non sacris, neque muneribus, verùm animi puritate, ac fide candida ejus voluntatem sequi. Quod quidem & tu perficis, id firmum animo gerens, ut & quidquid feceris, & quæ factururus sis, omnibus pateant.

Q. 31. An prudentia doceri possit? *R.* Animi decus quoddam est à divina potentia fluens, ad suscipienda bona, rennuendaque contraria.

Q. 32. Quid valetudini potissimum conferat? R. Prudentia, quæ contingit nemini, nisi DEUS mentem ad eam præparaverit.

Q. 33. Quibusnam modis Genitoribus dignas gratias homo referat? R. Si nulla in re eos tristitia afficiat. Sed hoc potuit nemo, nisi DEUS, cognitionis Dux, mentem ad pulcherrima quæque disponat.

Q. 34. Quomodo quis fiat audiendi cupidus? R. Si existimaverit singularum rerum cognitionem sibi utilem fore, ut aliquid ex iis, quæ audierit, ad præsens tempus comparans, ea eligat, quæ convenientiora videbuntur. Sed implorandum, ut divinum adsit Numen. Ab eo namque operationum omnium perfectio est.

Q. 35. Quid faciat Rex, ut nihil contra leges agat? R. Si cognoveris, quoniam DEUS legislatorum mentes, intellectusq; dederit ad hominum vitam benè regendam, leges sequeris.

Q. 36. Quod sit cognitionis commodum? R. Si accidentia reputare volumus,

lumus, in adversis eorum rebus, & nos una graviter afficimur, & premimur pro cognatorum mœstitiæ magnitudine, Fortunantibus autem illis inde & decor, extollimur. Si verò negotium benignè inter se susceperint, & cuncta indissolubili glutino se habent, nihilq; ad secundas illorum res desideratur. Verùm ordinandum est, ut cuncta secudent.

Q. 37. Quemadmodum Rex intrepidus existat? R. Si mens nullius sibi conscia mali, DEum sequatur, qui consilia omnia in bonum dirigit.

Q. 38. Quomodo recta ratio Regi in promptu esse possit? R. Si hominum infortunia semper consideraveris, revolvens, quales rerum vicissitudines DEUS asserat, aliosq; gloriâ sublato honoribus provehat, alios calamitatibus opertos ignominiâ dejiciat.

Q. 39. Quibusnam modis, neque sordiciâ, neque voluptatibus Rex distrahatur? R. Hoc tibi in promptu est, cùm & magno regno imperes; & varia negotiorum multitudine detinearis, ut non ad aliud quidpiam traducendi mentem  
quies

quies detur. Horum igitur cura verseris oportet; Deumque roga, nè quod te decet, prætermittas.

Q. 40. Quemadmodum Rex agnoscat; qui in eum dolo agant? R. Si observaveris, qua quisque in te libertate utatur; an semper eosdem mores haberit in salutando, consultandoque, ac reliqua vitæ conservatione, nec quidquam eorum, quæ amicitia postulat, prætermiserit in affectibus, & aliis vitæ rationibus. DEUS verò tibi Rex ad optima quæque intellectum instruet.

Q. 41. Quæ sit maxima negligentia? R. Si quis filiorum negligens fuerit, eosque nulla in re erudiat. Deo enim vota semper, non pro nobis tantum concipimus, quantum precamur, ut & liberis nostris bona cuncta adsint; eruditionem, & prudentiam impertiatur. Namque id Dei virtute evenit.

Q. 42. Quomodo Rex Patriæ cultor existat? R. Si tibi persvaseris domi vivere, & mori optimum esse. Peregrinationem verò egentibus stultitiam, divitibus dedecus asferre, ceu patriâ, suis  
malis

malis ejecti sint. Igitur tu bonis, quemadmodum & facis, cunctos afficiens id assequeris; DEUS enim in omnibus gratiam præstabit.

Q. 43. Quatenus Rex se uxori accommodet? R. Quandoquidem fæminarum genus sui confidens est, asperum, & suorum affectuum sequax, atque in lapsū proclive propter imprudentiam, & ejus naturam imbecillem; verūm ad valetudinem, & commoda nostra utendæ; illis contrariâ sententiâ adversandum non est. Est enim dirigenda vita ad certum aliquem finem, debemusque veluti navium gubernatores, signum aliquod intendere: quæ profectò omnia, & cætera cuncta DEI institutione reguntur.

Q. 44. Quomodo Rex non decipiat? R. Si singula, ratione prosecutus detractoribus intusque perstiteris. Sed tu ipse ut excellis, dicta quæque discernens, & facta, operationes tuas certo judicio directas perfeceris indeceptus Rex, ut dicis, eris. Hæc verò intelligere, atque in his versari est divinæ potentiæ operatio.



Q. 45. Quemadmodum Rex non sit iracundus? R. Si consideraveris, quoniam is, in quo omnium vita pender, si quid per iram agat, mortem pluribus affert, quod quidem triste & perniciosum est, multorum vitam regni causâ dele-  
re. Verum, cum omnes obsecudent, & pareant, nec quidem unus adversetur, qua de causa irascendum est? Sed nosse oportet, ut DEUS omni indignatione vacuus universum gubernet, quem te imitari necesse est.

Q. 46. Quid sit bene consulere? R. Rectè cuncta ex rationis discursu agere ad propositum aliquem finem, rejicereq; inutilia, & rationi contraria, ut mente per singula discursante, bene consulendo propositum adipiscamur. Sed omne consilium est DEI vîrtute firmissimum, tibi præferim, pietatem exercenti.

Q. 47. Quid sit philosophari? R. Bene, & commodè ratiocinari circa unumquodque eorum, quæ emergunt; neque appetitibus efferrî; negligereque vana cuncta, & stulta, quæ ex cupiditatibus oriri solent, & ad peragenda, op-

portunâ mensurâ quadam deduci: quem statum, ut adipiscamur, DEum implorare oportet.

Q. 48. Quæ sit hospitalitatis remuneratio? **R.** Si omnibus æquus existens, quæ acceperis, etiam majori fânore cumulata reddideris, ita ut in hospitalitate excellere videaris. Nam & DEus plurimùm humiles erigit, & subjectos homines diligit.

Q. 49. Quæ sint diuturna opera? **R.** Si magna quis, & veneranda absolvat, adeò ut spectantes propter operum pulchritudinem, & excellentiam illis abstineant: neque quenquam prætermittat eorum, qui talia expoliunt, neque indonatos aliquos ad ea perficienda impellat, quæ usus poscit. Etenim DEUS cuncta cernens, genus hominum donis accumulât, præbens illis bonam valetudinem, & sensus, & alia hujusmodi, quare & Tu simile quid imitatus laborantibus, calamitosissimisque malorum vicissitudinem, quietemque tribue. Ea namque perpetua sunt, quæ ex justitia perficiuntur.

Q. 50.

Q. 50. Quis est sapientiæ fructus?

R. Non conscium esse sibi mali, & vitam in veritate transigere; ex iis enim maximum gaudium, & animi voluptas gignitur præstantissime Rex, & spes in DEO optimè tibi piè regnanti aderunt.

Q. 51. Quomodo quis in superbiam non extollatur? R. Si æqualitatem servet, & singulis in rebus sui ipsius meminerit, revolvens animo, ut homo hominibus præsit, utq; DEUS deleat superbos; mansuetos, & humiles extollat.

Q. 52. Quibus consultoribus utendum? R. His, qui multis in rebus versati, summam erga te beneyolentiam servant, atque moribus sint tui similes: sed DEI claritas ostendit, qui sint hujusmodi digni.

Q. 53. Quid Regibus maximè sit necessarium? R. Subditorum amor, & dilectio, per hæc namque insolubile beneyolentiæ vinculum texitur: DEUS enim ea perficit, quæ rectè eliguntur.

Q. 54. Quis sit orationis finis? R. Proposito, de quo dicendum est, adversario persuadere, diluendo contraria, &

inepta ostendendo. Sic enim inoffenso currens pede, finem multa laude assequetur. Sed DEI opere dirigitur persvasio.

Q. 55. Quomodo multis in regno populis Rex se accommodet? R. Si decenter cuique distribuieris, iustitiamque quemadmodum facis, ducem sequaris, præbente DEO, tibi recta discernere.

Q. 56. In quibus tristandum? R. In amicorum adversis; quandoquidem diuturna ea, & inevitabilia cernimus, quæve calamitatibus opertos interimant. Nam in his mœsticiam nulla ratio levat. De iis enim, in quibus desperamus, neque quidquam in illis utile invenimus, mortales omnes contristantur. Malum verò omnino effugere, divinæ potentiæ est.

Q. 57. Quare quis inglorius fiat? R. Si quando superbiâ quis ductus exasperetur; tunc vituperationes subeunt, & gloriæ privatio. Nam DEUS totius gloriæ dominator, eam, quò vult, declinat.

Q. 58. Quibus seipsum credere oportet-

porteat? *R.* Iis, qui tibi benevolentiam ita afficiuntur, ut neque timore, neque cupiditate ulla, lucre tangantur. Amoris verò signum difficulter apparet, & temporis observatione indiget. Nam qui divitiis intendit, naturam proditor existit. At tibi omnes, tui amatores adfunt: DEO tibi recta consilia præbente.

*Q. 59.* Regnum quid conservet? *R.* Cura, & meditatio, nè quid à rerum Præpositis male agatur, committaturque in plebem. Quemadmodum facis, cum tibi DEUS præstantem intellectum præbeat.

*Q. 60.* Quam re gratia, honorque servetur? *R.* Virtute. Ea enim pulcherrimorum operum perfectrix, malum conculcat. Quemadmodum & Tu quidem, excellenti erga omnes bonitate observas, quod divino tibi munere præstatur.

*Q. 61.* Quomodo etiam in bellis se quis pacifico animo habeat? *R.* Si proposueris animo, nihil perperam à tuis ducibus committi: verum omnes de virtute inter se certare; quoniam eam spem

animo fixam habeant, Te suarum rerum curam gesturum; si illos vita cedere contingat. Non enim tristitia afficeris, quandoquidem cuncta divino munere rectè disponas, præbente DEO tibi bona sapere.

Q. 62. Quemadmodum Rex rectè ratiocinetur? R. Si tecum reputaveris & dicta ipsa, & à quo dicantur, & qua quisque de re loquatur, eandemque multo post tempore variis modis perquisieris. Nam ingenii acumen ad discernenda quæque quemadmodum & Tu possides Rex, DEI pulcherrimum donum est.

Q. 63. Unde est, quod plerique virtutem non assequantur? R. Quoniam natura omnes mortales incontinentes, & ad voluptates pronos finxit; ex quibus injustitia gignitur, & avaritiæ cumulus. (NB. Subintellige: natura, per peccatum nostrorum primorum parentum depravata: ) Virtutis verò status alto loco fixæ, eos maximè prohibet, ac rejicit, qui voluptatibus devincuntur. Fortitudinem namque, & justitiam potissimum colendas jubet, quorum ductor, & largitor DEUS est.

Q. 64.

Q. 64. Quid Reges potissimum sequi oporteat? R. Leges, ut justis operationibus mortalium vitam regant; quemadmodum & Tu peragens, perennem tui memoriam fecisti, divina praecepta secutus.

Q. 65. Qui Magistratibus praeficiendi? R. Quicunque iniquum odio habent, ac tuos imitantur affectus: laudumq; dulcedine tracti iusta semper ad adipiscendam gloriam operantur: Quod & Tu profecto Rex, quandoquidem DEUS iustitiae coronam tribuit, assequeris.

Q. 66. Qui sint in Duces eligendi. R. Illi, qui fortitudine, & iustitiam excellant; quique hominum salutem crucientae victoriae anteponant. Nam & DEUS bona ad omnes operatur: quem secutus bonos afficis subditos tuos.

Q. 67. Qui vir admiratione dignus sit? R. Quicunque gloria, divitiis, & potentiam exuberans, æquam tamen erga omnes mentem habeat. Quemadmodum & Tu, talem te gerens omnibus admirandus existis. DEUS enim in hanc curam te ducit,



Q. 68. In quibus rebus diutius Reges versari debeant? R. In rerum gestarum cognitione; in legendisque incumbentium operum libellis, temporis plurimum assumere oportet, & quæcunque ad servanda regna, emendandosque hominum mores scripta sunt, perquirere. Quod Tu cum studio peragis. DEUSq; tua consilia secundet, excellentem super alios gloriam obtines.

Q. 69. Quid per otium agendum sit, ne inertiâ torpeas? R. Considerandum esse cum multa diligentia, quæcunque in mentem veniunt, & ante oculos vitæ formam, & imaginem quandam proponendam, tum quâ quæque vi perfecta sint, considerandum. Est enim & in his decus suum, & eruditio quædam. Nam sæpè & in minimis egregium quiddam elucet, quod eligas. Tu verò, quando bonitatem tibi DEUS sufficit, elegantiam omnem propter philosophandi studium, amplecteris.

Q. 70. In conviviis quomodo transigendum sit? R. Discendi cupidi assumendi, & qui regni negotia meminisse

pos-

possint, & principum vitas narrare. His namque inavus nihil, nihil jucundius invenies. Quoniam ii ad eruditionis pulcherrima quæque instructi DEUM venerantur. Quod tu profectò facis, cum præsertim tibi cuncta DEUS fortunet.

Q. 71. Quid potius sit populis: an privatum quempiam Regem sibi constituent, an verò ex Rege genitum Regem sequantur? R. Id, quod naturæ decentius est. Etenim cum Reges ex Regibus orti insuaves, & asperi erga populos habeantur; longè magis & quàm à privato loco ad hanc magnitudinem evchuntur: quando & pauperiem, & dueros labores experti sunt, truculentiores impiis tyrannis evadent, vi quadam subjectis imperantes. Verùm, mos & institutio communis, valentissima ad regnandum est; quemadmodum Tu Rex magne imperas. Nam non tantum gloria, & imperio, & divitiis excellis, quantum mansuetudine, & benignitate universos DEi munere allicis.

Q. 72. Quid sit in regno optimum? R. In pace semper populos continere,

atque in causis peragendis quantocyus rectè dijudicare. Hæc per principem fiunt, quando malos exosus, bonos diligit, plurimique æstimat, si hominis, animam salvam reddat. Sicuti & Tu, qui hominis necem summum ducis scelus, cunctaque justitiâ moderaris perennem gestorum tuorum gloriam exornas. Cùm DEUS Tibi liberam malis mentem, omnique labe exemptam illustraverit.



## RESPONSA ÆSOPI ENNO ADOPTIVO SUO DATA,

Super Quæstione:

*Qui vita instituenda?*

1. **F**ili, ante omnia cole DEUM: Regem autem honora.
2. Inimicis tuis terribilem teipsum præbe, nè te contemnant.
3. Amicis facilem, & communicabilem, quò tibi benevolentiores sint.
4. Semper uxori tuæ bene adhære, nè alterius viri periculum facere velit, leve enim est mulierum genus, & adulatum

latum minùs malum cogitat,

5. Velocem auditum ad sermonem nè posside.

6. Lingvæ continens esto.

7. Bene agentibus nè invidere sed congratulare: invidens enim, teipsum magis offendes.

8. Domesticorum tuorum satage, ut te non solùm ut dominum timeant, sed etiam ut benefactorem venerentur.

9. Nè pudeat discere semper meliora.

10. Mulieri ne unquam secreta credas, nam semper armatur, quomodo tibi dominetur.

11. Quotidie in crastinum reconde, melius enim est mortuum, inimicis relinquere, quàm viventem, amicorum indigere.


12. Salutato facilè, qui tibi occurrunt; sciens & eatulo caudam, panem comparare.

13. Bonum esse nè pœniteat.

14. Susurronem vivum ejice domo tua, nam quæ à te dicuntur, & fiunt, aliis communicabit.

15. Fac quæ te non moestum facient.

Contingentibus nè tristere; neque prava unquam consulas, neque mores maiorum imitare.



# QUÆSTIONES, Et Responsa Philosophorum Magno Alexandro data. *Ex Plu- tarchi Convivio.*

**C**um decem diversi Philosophi accessissent ad Alexandrum sequentes eis fecit propositiones: ad quas illi, ut sequitur, responsum dederunt.

1. Vivine plures an mortui? *R.* Vivī, cūm mortui ne amplius quidem sint.

2. Terra, an mare, maiores belluas gignat? *R.* Terra, cujus portio solum, mare.

3. Quod animal callidissimum? *R.* Quod homo nondum cognovit.

4. Cur Sabbam Principem, contra se, per rebellionem concitassent? *R.* Ut honestè viveremus, aut malè periremus.

5. Dies, an nox prior? *R.* Dies, uno  
dic

die prior fuit die fequenti, adeoque & prior nocte.

6. Quomodo quis fibi poffit conciliare hominum affectum? *R.* Si potens fit, & non timeatur.

7. Vita an mors valentior? *R.* Vita quæ tam multa mala ferre poteft.

8. Quomodo ex homine quis DEUS fieri poffit? *R.* Si Deo digna faciat.

9. Quoufque Hominem vivere deceat? *R.* Ufque mortem præ vita iudicet meliorem.

Demum ad decimum converfûs Alexander, velut ad Iudicem cæterorum, quærit, rectene refponfum fit ab omnibus? Cui ille: unum præ altero femper effe fomnolentior. Ergo, inquit Alexander, tibi moriendum eft. Convenerat enim inter eos, ut ænigma non folventi certa effet mors. Nequaquam, refpondit Philofophus: nam initio dictum eum periturum, qui primus malè refponderet. Quo audito, finguli à Rege muneribus donati, & liberi dimiffi funt.

## RESPONSIONES

SAPIENTUM GRÆCÆ,

Ad quæstionem:

Quæ Respublica, aut quæ Civitas optimè constituta sit?

*Ex Plutarchi convivio.*

**S**olonis: Mihi, inquit, videtur Civitas maximè fore beata, & conservatura popularem statum, in qua injuriæ alicujus auctorem non minùs illæsi, quàm qui læsus est, in jus rapiant, puniantque.

Bias dixit; eum popularem Reipublicæ statum esse optimum, in quo legem universi, tanquam tyrannum metuant.

Thales dixit: ibi esse fortunatum statum Reipublicæ, ubi neque divites nimis, neque nimis pauperes Cives sint.

Anacharsis verò eam prætulit, in qua, cum reliqua omnia æqualia habeantur, virtuti tamen potior, vitio autem deterior conditio deferatur.

Cleobulus pronunciavit populum futurum officium suum, si Cives reprehensionem



sionem magis, quàm legem metuant.

Pittacus autem ibi felicitatem fore dixit maximam, ubi magistratum gerere non licet malis, licet bonis.

Tandem Chilo optimam Rempublicā existimavit, in qua maximè Leges, minimè Oratores audiuntur.

Postremus Periander censuit, his omnibus pronunciatis, eam sibi videri cōmendandam Reipublicæ formam, quæ simillima sit Optimatū in Civitate gubernationi.

His addi potest, ex Antonio Gvevara, Horologii Principum p. 3. asserente ex M. Aurelio, scriptum quoddam in Capitolio repertum fuisse, quod hujusmodi sententiam continebat.

Væ Regno, ubi inter probos, ac improbos nulla discretio.

Ubi stultitia fovetur, & sapientia contemnitur.

Ubi pietas timida, audax impietas.

Ubi pacifici derisi, rebellia capita, accepti.

Ubi raptoribus præmia, defensoribus boni publici, poenæ:

Ubi

Ubi paupertati superbire, & divitibus tyrannis esse licet:

Ubi omnes corruunt in malum, & nemo procurat, quod æquum.

Ubi ea fiunt palàm, quæ alibi nec occultè fieri fas est.

- In quo quisque quærit, quod appetit, & quod appetit, obtinet.

Et quæ mala sunt, cogitat & omnia, quæ turbida capita promittunt, possunt, & quæ possunt efficere, student.

Aristoteles verò 2. Polit: cap. 9. inquit: Signum Reipublicæ bene institutæ est, quod populus in suo permaneat loco.

Guilielmus Palardus autem in summa virtut. lib. 1. p. 1. c. 3. Regnum, inquit, bene institutum est, si rectè in eo consulatur, & rectè imperetur, & rectè obediatur.

RESPONSA  
ÆSOPI, & THALETIS.  
Ad nonnulla Quæsitæ.  
*Ex Plutarchi Convivio.*

Re-

## Responſa Aëſopi.

I. Quid eſt antiquiſſimum?

R. Tempus.

II. Quid maximum?

R. Mundus.

III. Quid ſapientiſſimum?

R. Veritas.

IV. Quid pulcherrimum?

R. Lux.

V. Quid comuniſſimum?

R. Mors.

VI. Quid utiliſſimum?

R. DEUS.

VII. Quid damnoſiſſimum?

R. Genius.

VIII. Quid robuſtiſſimum?

R. Fortuna.

IX. Quid faciliſimum?

R. Svave.

## Reſponſa Thaletis.

x. Quid eſt antiquiſſimum? R. DEUS.  
ortu enim caret.

2. Quid maximum? R. Locus. Reliqua enim cuncta continet.

3. Quid pulcherrimum? R. Mundus.  
Omnes

Omnes enim ejus partes ex ordine aptæ sunt.

4. Quid sapientissimum? *R.* Tempus. Id enim alia invenit, alia inveniet.

5. Quid communissimum? *R.* Spes. quibus enim omnia desunt, spe divites sunt.

6. Quid utilissimum? *R.* Virtus. Hæc enim reliqua quoque, rectè iis utendo, utilia facit.

7. Quid damnosissimum? *R.* Animæ vitium. Hujus enim præsentia plurima bona corrumpuntur.

8. Quid validissimum? *R.* Necessitas. Hæc enim sola insuperabilis.

9. Quid facillimum? *R.* Quod est naturæ consentaneum.

## QUÆSTIONES,

Et Responsa ex vita Secundi  
Philosophi.

*Ex LONNICERO.*

**I**Ndixerat sibi Secundus, Adriani Imperatoris temporibus Philosophus æternum silentium, ad quod violandum, neque

neque ferro, neque aliter intentata morte induci potuit. Itaq; ab Adriano, quaestionibus laceffit, ad eas in hunc modum, scripto respondit.

1. Quid est DEUS? *R.* Est mens aeterna, altitudo immensurabilis, contemplatio non excogitata, modus quidam mille modorum, spiritus omnibus bonis abundans, oculus nunquam connivens, natura omnia continens, lux hominum.

2. Quid est coelum? *R.* Est globus rotundus, semper mobilis, tectum, & fornix totius mundi.

3. Quid est Sol? *R.* Est oculus diurnus, noctis persecutor, naturæ, & cæli decus, cælestis peregrinus, caloris ambitus, & periphæria, splendor sine occasu, ignis inextingvibilis, horarum mensurator, & divisor.

4. Quid est Luna? *R.* Est purpura cæli, Solis affecla, malè agentium hostis, peregrinorum solatium, regimen navigantium, signum festivitatum, mensium repetitio, oculus noctis, roris author, prognosticum tempestatis.

5. Quid est homo? *R.* Est mens incorpo-

corporata, anima laboriosa, domus brevissimi temporis, custodia spiritûs, vitæ vigil, & miles, vitæ prodigalitas, lucis desertio, motus æternus, transiens nuncius, hospes mundi, mortis mancipium.

6. Quid est mulier? *R.* Est hominis eloaca, pecus insatiabile, perpetua cura, semper instans bellum, quotidianum damnum, solitudinis impedimentum, incontinentis viri demersio, adulterii vas, prælium internecinum, animal pessimum, onus gravissimum, fatalis infectio serpentis, vivorum captivitas.

7. Quid est fides? *R.* Est ignotæ rei mira certitudo.

8. Quid est vita? *R.* Est beatorum solatium, tristitia miserorum, mortis expectatio.

9. Quid est mors? *R.* Est somnus æternus, hominis divisio, metus divitum, desiderium pauperum, eventus inevitabilis, latro hominis, incerta, peregrina somni mater, abitus vitæ, vivorum separatio, & omnibus rebus vale.

10. Quid cura? *R.* Est ultro accersitum

tum malum, hominum occupatio, experta libido, mortis meta, perpetuum, & optatum deliquium.


11. Quid est spes? *R.* Dubius eventus, laboris recreatio.

12. Quid est navis? *R.* Est labor marinus, domus sine fundamento, avis lignea, salus incerta.

13. Quid litera? *R.* Satelles historiae, conservatrix memoriae.

14. Quid sunt divitiae? *R.* Onus avarorum, famulitium curarum, voluptas repudianda, incurabilis invidia, insatiabilis cupiditas, os altum, & invisibile desiderium.

15. Quid est paupertas? *R.* Bonum, cui non invidetur, sanitatis mater, curarum abjectio, sapientiae restauratio, sine damno labor, divitiae sine calumnia, patrimonium sine detractione, fortuna incerta, & sine cura felicitas.





Ex Tractatu  
D. MAXIMI EPISCOPI  
Bracharenfis, de Virtute.

Super Quæstione:

*Quæ sit vera prudentia?*

**Q**uifquis prudentiam fequi defideras, tunc per rationem rectè vives, fi omnia priùs exiftimes, & perpenses; & dignitatem rebus non ex opinione multorum, fed ex earum natura conftituas. Nam fcire debes, quia funt, quæ videantur efle bona, & non funt, & funt, quæ videantur non bona efle, & funt.

2. Quæcunque autem ex rebus tranſitoriiis poffides, non mireris, nec magnum exiftimes, quod caducum eft, nec apud te, quæ habes, tanquam aliena ſervabis, fed pro te, tanquam tua diſpenſes, & utaris.

3. Si prudentiam amplecteris, ubique idem eris; & prout rerum, ac temporum varietas exigit, ita te accommodes temporì, nec te in aliquibus mutes, fed po-

tiùs

tiùs aptes: sicut manus, quæ eadem est, & cùm in palmam extenditur, & cùm in pugnum adstringitur.

4. Prudentis proprium est, examinare consilia, & non citò facili credulitate ad falsa prolabi.

5. De dubiis non definias. sed suspensam teneas sententiam. Nihil inexper-  
tum affirmes; quia non omne verisimi-  
le statim verum est; sicut & sæpius quod  
primùm incredibile videtur, non conti-  
nuò falsum est.

6. Crebrò siquidem faciem mendaciï  
veritas retinet: crebrò mendacium veri-  
tatis specie occultitur. Nam sicut aliquan-  
do tristem frontem amicus, & blandam  
adulator ostendit; sic verisimilitudine  
coloratur veritas, & ut fallat, vel surre-  
pat, coloratur.

7. Si prudens esse cupis, in futurum,  
prospectum intende & quæ possunt con-  
tingere animo tuo, cuncta propone.

8. Nihil tibi subitum sit; sed per o-  
tium antè conspicias. Nam qui prudens  
est, non dicit: non putavi quidem hoc  
fieri,

fieri, quia non dubitat, sed expectat; nec suspicatur, sed cavet.

9. Cujuscunque facti causam require. Cum initia inveneris, exitus cogitabis.

10. Seto te in quibusdam debere perseverare, quia capisti: quædam verò nec incipere, in quibus perseverare sit noxiū.

11. Prudens fallere non vult, falli non potest. Boni est viri etiam in morte neminem fallere.

12. Opiniones tuæ judicia sint. Cogitationes vagas, & inutiles, & velut somnio similes, non recipies, quibus si animus tuus se oblectaverit, cum omnia disposueris, tristis remanebis.

13. Sed cogitatio tua stabilis, & certa sit; & sive deliberet, sive quærat, sive contempletur, non recedet à vero.

14. Sermo quoque tuus non sit inanis; sed aut svadeat, aut moneat, aut consoletur, aut præcipiat.

15. Lauda parcè, vitupera parciùs. Nam similiter reprehensibilis est nimia laudatio, & nimia vituperatio. Illa siquidem adulationis, ista malignitatis suspecta est.

16. Testimonium veritati, non amicitiae reddes.

17. Cum consideratione promitte; plenius, quae promiseris praesta.

18. Si prudens est animus tuus, tribus temporibus dispensetur: praesentia ordinata, futura praevide, praeterita recordare. Nam qui nihil de praeterito cogitat, perdit vitam, qui nihil de futuro praemeditatur, in omnia incautus incidit.

19. Proponas in animo tuo futura, mala, bona, ut illa sustinere possis; ista moderari.


20. Non semper in actu sis: sed interdum animo tuo requiem dato, & ipsa requies sit plena sapientiae studiis, & cogitationibus bonis, nam prudens nunquam otio marcet. Habet autem aliquando remissum animum, nunquam solutum. Accelerat tarda, perplexa expedit, dura mollit, exaequat ardua. Scit enim, quid qua via aggredi debeat, & distincte cuncta videt.

21. Consilium peritorum ex apertis obscura aestimat, ex parvulis magna, ex proximis remota: ex partibus tota.

22. Non te moveat dicentis authoritas; nec quis, sed quid dicat, intendito. Nec, quàm multis, sed qualibus placeas, cogita.

23. Id quære, quod invenire possis. Id discere, quod potes scire. Id opta, quod optari coram bonis potest. Nec altiori rei te imponas, in qua tibi stanti tremendum, ascendenti cadendum sit.

24. Consilia tibi salutifera advoca, Cùm tibi alludit vitæ prosperitas, tunc te velut in lubrico retinebis, ac sistes. Nec tibi dabis impetas liberos, sed circumspicies, quò eundum sit, vel quousque,



## GNOMÆ

Ex Libro Sententiarum Divi  
BERNARDI.

1. **Q**uatuor sunt, quibus servitur in hoc mundo: Caro, Mundus, Dæmon, DEUS. Caro reddit voluptatem, Mundus sublimitatem, Dæmon captivitatem, DEUS felicitatem.

2. Tri-

2. Triplex est status hominum: Primus non delinquentium; quod est servorum. Secundus, delinquere nolentium, quod est filiorum: tertius delinquere non potentium, quod est Beatorum.

3. Quatuor sunt, quæ devotionem adaugent: Memoria peccatorum; recordatio poenarum, consideratio vitæ peregrinantis, & desiderium vitæ futuræ.

4. Tres DEUS habet sagittas, quibus ferire solet. Amissionem pecuniæ; amissionem sanitatis, & amissionem vitæ æternæ. His utitur contra inimicos. In Amicos similiter tres sunt illi sagittæ: Timor castus, Amor devotus, & virtus desiderii.

5. Tria terrent Ægyptum (Mundum) deserturos: stimulus cupiditatum, cumulus tentationum, & aculeus molestiarum.

6. Triplex est hominibus via ad mortem. Prima ærumnosa, in pauperibus; secunda laboriosa, in avaris; tertia deliciosa, in divitibus.

7. Triplex est via ad cælum. Sanguinea in Martyribus, purpurea in Confessoribus, lactea in Virginibus.

8. Pretiosam mortem aliquando facit vita, ut in Confessoribus; aliquando causa, ut in Martyribus, aliquando utrumque.

9. Triâ poenitenti sunt necessaria: abstinencia, lectio, oratio.

10. Ex tribus, oritur bonis dolor: quia exclusi sumus è paradiso; quia exules in hoc mundo, & quia nondum in Regno.

11. Tres Principes sunt extinguendi: Prudentia sæcularium, copia temporalium, & eloquentia spiritualium.

12. Quadruplex est genus hominum circa cælum occupatorum. Nam alii regnum cælorum rapiunt, ut pauperes spiritu: alii mercantur, ut eleemosynarii; alii furantur, ut mulier tangens simbriam Christi: alii compelluntur intrare, ut pauperes hujus sæculi.

13. Quatuor sunt, quæ ad humilitatem conferunt: vilitas operis, assiduitas subjectionis, comparatio melioris, & judi-



judicium Conditoris.

14. Quatuor sunt fures, & latrones, qui optima quæque nobis auferunt: concordia, lascivia, jactantia, & vitæ appetentia.

15. Tria nos tenent in obsequio: memoria mortis, zona pellicea, & amata justitia!

## EX LIBELLO S. THOMÆ,

### *De Quatuor.*

1. **Q**uatuor sunt Virtutum species: Prudentia, Justitia, Fortitudo, Temperantia.

2. Quatuor docet Prudentia: præterita recordari, disponere præsentia, futura providere, & dubia suspendere.

3. Quatuor sunt, quæ ad prudentiam inducunt; in scientiis studium, in rebus experimentum, nocturna discussio, & prudentium imitatio.

4. Quatuor docet justitia: honestè vivere, alterum non lædere, sobriè judicare, & jus suum cuique tribuere.

5. Quatuor nos fortitudo instruit: in

prosperitate non erigi, in adversis non deprimi, in injuriis vindictam non sumere, & jucundam fugere vitam.

6. Quatuor ad constantiam inducunt: timor pudicus, timor supplicii, spes laudis, & spes compendii.

7. Quatuor præstat Temperantia: circumcidit superflua, restringit desideria, abstinet ab illicitis, & rejicit blandimenta.

8. Quatuor inducunt temperantiæ: ægritudinis formido, acquirendi cupiditas, DEi obsequium, & hypocrysis vitium.

9. Quatuor proveniunt ex superbia: ingratitude, oppressio, detractio, & rixa.

10. Quatuor ex avaritia; rapina, penuria, fraudes, & homicidia.

11. Quatuor ex gula: corporis ægritudo, opum consumptio, delectatio nimia, & mors præmatura.

12. Quatuor ex ira: mentis turbatio, sui ignoratio, indecens factio, & iniqua sententia.

13. Quatuor ex luxuria: corporis, &  
animæ

animæ sordes, sensuum debilitas, patrimonii diminutio, & senii acceleratio.

14. Quatuor ex invidia: dolor, exitium, distensio populi, & urbium everasio.

15. Quatuor ex acedia: tristis vita, calamitas, contemptus, & egestas.

16. Quatuor evehunt ad superbiam: census, potentia, dignitas, & copiosa parentela.

17. Quatuor retrahunt à superbiâ: paupertas, oppressio, senium, ægritudo.

18. Quatuor inducunt ad avaritiâ: penuriæ formido, senectutis oppressio, alieni invidia, & filiorum copia.

19. Quatuor avaritiâ minuunt: divitiarum copia, salubris juvenus, cum largis conversatio, & prolis defectus.

20. Quatuor inducunt ad gulam: assuetudo tabernæ, gulosorum commercium, reddituum copia, & quies continua.

21. Quatuor gulam minuunt: lueri anxietas, famis invasio, fatigatio corporis, & penuriæ afflictio.

22. Quatuor pariunt iram: derisio, contumelia, ingratitude, injustitia.

23. Quatuor iram debilitant: dulce colloquium, vindicta, satisfactio, & penuria.

24. Quatuor alliciunt ad luxuriam: grandia vitia, delicata cibaria, mulierum familiaritas, & svave otium.

25. Quatuor luxuriam diminuunt: aquæ usus, & ciborum frugalitas, mulierum sævitia, sanguinis minutio, & laboris assiduitas.

26. Quatuor invidiam pariunt: honoris cupido, lucri desiderium, alterius felicitas, & cum vitio odium.

27. Quatuor invidiam evellunt: potentie privatio, penuriæ eventus, sensum elisio, & virtutum defectus in altero.

28. Quatuor producant acediam: loca obscura, quies solitaria, rumor displicibilis, & cogitatio debilis.

29. Quatuor acediam minuunt: conversari cum dilectis, assvelcere gauden-  
tibus, convivii insistere, & interesse  
dulcibus melodiis.

30. Quatuor Domicello conveniunt:  
in serviendo curiositas, in agendo ve-  
loci-

locitas, in dativis affabilitas, in gestis hilaritas.

31. Quatuor Domicellæ conveniunt: in vultu formositas, in corpore castitas, in gestibus honestas, in domo curiositas.

32. Quatuor facilè beneficiorum sunt immemores: puer, cùm adoleverit; humilis, cùm exaltatus fuerit; superbus, cùm premetur; & incarceratus, dum liber evaserit.

33. Quatuor sunt genera hominum, plus metentium, quàm ferentium. Reges, Agricollæ, Mercatores, & Sacerdotes.

34. Quatuor egent prudentiâ: Sacerdos in imponenda peccatori poenitentia; Judex in ferenda sententia; Medicus circa ægrotum occupatus, & Dives volens custodire thesaurum suum.

35. Quatuor sunt hominis amici: propter fortunas, propter mensam, propter servitium, & propter fidem.

36. Quatuor sunt mutabilia: Voluntas mulieris, ventus in vere, fors in prosperis, turbatio in adversis. Aliter: lar-

gitas non durat; sensus non semper securat; curialitas nonnunquam fallit; & mensura nonnunquam omittit.

37. Quatuor sunt, quibus frustrâ bene feceris: Debitor, cui ultro debitum remittitur; puer, cum propter correptionem castigatur; lethargicus, dum à somno excitatur, & phreneticus, cum illi sanitatis causâ membrum secatur.

38. Quatuor dantem non deserunt: scientia communicata, lux de lucerna alteri procurata, assurrectio corporalis; & curialitas verbalis.

39. Quatuor non ferunt parem: Rex, maritus, quæstor, & occupatus in paropside.

40. Quatuor quærunt habere socium: versans in discrimine; afflictus, & mœstus; itinerans, & in dignitate collocatus, quippe spectari avidus.

41. Quatuor res faciunt, qui senes sunt: sæpe consulunt, tepidè tribuunt; laudant præterita; vituperant præsentia.

42. Quatuor sunt difficilia: aliena possidere, & restituere, contumeliam audire,

dire, & tacere; injuriam pati, & sustinere; chara tractare, & non frui.

43. Quatuor sunt mirabilia: quòd sol quotidie cælum decurrit, quòd terra aquam fundit; quòd tanta dissimilitudo inter homines, & quòd tot è vita discedentes, eundem tamen finem petant.

44. Quatuor sunt repentina gaudia: carceribus egredi, sponsam accipere, miles fieri; & dignitatem adipisci.

45. Quatuor malum pro bono reddunt: Ovum, cùm in peram includitur, ignis, cùm in sinum mittitur: serpens in gremium receptus; & homo nequam beneficiò elevatus.

46. Quatuor res, inimicos faciunt: mutuò dare, & repetere; fide jubere, & velle solvi, annuè largiri, & desistere, servire, & non posse servitium recipere.


47. Quatuor sunt majore numero, quàm fortè putemus: adversarii, peccata, anni ætatis, & debita.

48. Quatuor sunt facilè acquisibilia, contemptus sui, fatuitas, penuria, & infirmitas.



49. Quatuor hominem domo pellunt: fumus, fillicidium, fator, & mala femina.

50. Quatuor hominem domum redeunt: Amor suorum, loci amoenitas, defectus fodalium, & adversitas.



## EFFATA

### DIVINARUM SCRIPTURARUM isthuc facientia.

1. **D**uo genera abundant in peccatis, & tertium adducit iram, & perditionem. Anima calida, quasi ignis ardens, non extingvetur, donec aliquid glutiat, & homo nequam in ore carnis suæ non desinet, donec incendat ignem. Homini fornicario omnis panis dulcis, non fatigabitur transgrediens usque in finem. Ecclesiæ 23.

2. In duobus contristatum est cor meum, & in tertio mihi iracundia advenit. Vir bellator deficiens per inopiam; & vir sensatus contemptus; & qui transgreditur à justitia ad peccatum;

DEUS

DEUS paravit eum ad romphæam.  
Eccli. 26.

3. Duæ species difficiles, & periculosa mihi apparuerunt. Difficile exiit negotians à negligentia, & non iustificabitur caupo à peccatis labiorum.  
Eccli. 26.

4. Duas gentes odit anima mea, tertia autem non est gens, quam oderim. Qui sedent in monte Seir, & Philistinim, & stultus populus, qui habitat in Sichimis. Eccli. 50.

5. Tria sunt difficilia, & quartum penitus ignoro: Viam aquilæ in cælo; viam colubri super petram; viam navis in medio mari; & viam viri in adolescentia. Prov. 30.

6. Per tria movetur terra, & quartum non est sustinere: per servum, cum regnaverit; per stultum, cum satiatus fuerit cibo; per odiosam mulierem, cum in matrimonio fuerit heres Domine suæ. Prov. 30.

7. Tria sunt, quæ bene gradiuntur, & quartum, quod incedit feliciter. Leo fortissimus bestiarum, ad nullius pave-

bit occursum: gallus succinctus lumbos;  
& aries. Nec est Rex, qui resistat ei.  
Prov. 30.

8. In tribus placitum est spiritui meo,  
quæ sunt probata coram DEO, & ho-  
minibus. Concordia fratrum, & amor  
proximorum, & vir, & mulier bene si-  
bi consentientes. Eccli. 25.

9. Tres species odivit anima mea, &  
aggravor valde animæ illorum. Pau-  
perem superbum: divitem mendacem,  
senem fatuum, & insensatum. Ec-  
cli. 25.

10. A tribus timuit cor meum, & in  
quarto facies mea metuit. Delaturam  
civitatis; & collectionem populi: calu-  
mniam mendacem; super mortem omnia  
gravia. Dolor cordis, & luctus mulier  
zelotypa. Eccli. 26.

11. Quatuor sunt minima terræ, & i-  
psa sunt sapientiora sapientibus. For-  
micæ, populus infirmus, qui præparat  
in messe cibum sibi, Lepusculus plebs  
invalida, qui collocat in petra cubile su-  
um. Regem locusta non habet, & egre-  
diatur universa per turmas suas. Stel-  
lio

lio manibus nititur, & moratur in ædibus Regis. Prov. 30.

12. Sex sunt, quæ odit Dominus, & septimum detestatur anima ejus. Oculos sublimes: linguam mendacem: manus effundentes innoxium sanguinem: tor machinans cogitationes pessimas: pedes veloces ad currendum in malum: proferentem mendacia, testem fallacem, & eum, qui seminat inter fratres discordias. Prov. 6.



## CONSECTARIUM.

Omnis res appetit beatitudinem:

Homo etiam quærit.

Est autem hominis in hac vita

BEATITUDO,

(*Secundum Aristotelem 1. Rhet. c. 5.*)

Prosperitas cum virtute:

In vita altera, secundum Theologos,

Æterna SUMMI BONI possessio.

Per primam itur ad secundam:

Quemadmodum olim apud Romanos,

per ædem Virtutis;

Iba-

Ibatur ad templum Honoris.

Ut habeas aliquando utramque,

Respice ad DEUM:

Respice te ad te,

Respice te ad proximum.

Inprimis stude DEUM cognoscere,

quæ ejus Potentia, Sapientia,

Bonitas, Justitia, Misericordia,

Et ubique diffusa Immenfitas;

Omnia isthic infinita.

Ex cognitione Entis tam nobilis

Nasci necessum erit

Æstimationem, eamque summam,

Cùm in illo Ente nihil parvum sit.

Nascetur & Amor: quis enim non amet id,

quod summè bonum, summeque

Pulchrum sit?

Creator, Dominus, Pater, Legislatores,

Justus, misericors est:

Reverere, ut Creatorem,

Time, ut Dominum,

Dilige, ut Patrem,

Observe, ut Legislatorem,

Crede, ut in Justum,

Spera,

Spera, ut in Misericordem.

Nè despexeris præcipientem:

Infernus est, quod minatur;

Cælum, quod promittit.

Omnia tua illius sunt;

Quia ipse factor omnium:

Fac, ut etiam

Voluntate tuâ, & dono tuo,

Ipsius sint.

Nil ita timescendum tibi, quàm ab eo  
recedere.

Nil ita curandum, quàm illi adhærere,  
& obsequi.

Nil ita æstimandum, quàm eundem co-  
luisse,

Prece, votis, affectibus.

Neque id intrâ parietes solùm:

Supra tecta enarrabis, si possis ejus ma-  
gnalia.

Totq; in ejus amorem, quot poteris,

Trahes animas, dicens:

Hunc amemus, hunc.

Id si minus valebis, valebis tamen,

Ut tibi sit optima mens, optimus ani-  
mus,

Qui

Qui secundum Romanum Sapientem,  
Pulcherrimus DEI cultus est.

Qui ut tibi non desit, respice te, ad te.  
Esto bonus tibi, tum enim eris, & aliis,  
Esto, quod videri voles.

Pulcherrimum illud domicilium,  
Quod virtutes concinnant, vel incolunt.

Tale est, in quo columnarum sustinent  
vicem,

Prudentia, Iustitia, Fortitudo, Tempe-  
rantia.

Prudentia docet.

Meminisse præterita, discutere præsentia,  
Prævidere futura.

Prudentis est de dubiis non definire,  
Inexperta non affirmare,

Examinare consilia,

Neque facili credulitate ad falsa prolabi.  
Nihil illi subitum;

Totum antè conspicit,

Et cum initia invenit, exitus cogitat.  
Nec fallere vult, nec falli potest.

Prudentissimè quidam ex Prudentissimis:  
Noli facere omnia, quæ potes,

Quia



Quia superbia est:  
Noli inquirere omnia, quæ nescis,  
Quia curiositas est:  
Noli dicere omnia, quæ scis,  
Quia stultitia est:  
Noli credere omnia, quæ audis,  
Quia levitas est:  
Noli dare omnia, quæ habes,  
Quia prodigalitas est:  
Noli judicare omnia, quæ vides,  
Quia temeritas est.

Justitiam coles,  
Si unicuique dabis suum;  
Si contentus tuis, non inhiabis alienis,  
Si Creditoribus rem suam præstabis,  
Mercenarios non tardâris,  
Non fraudâris,  
Cadentem levâris, ruentem sustinueris;  
Si probos tuearis, detesteris improbos;  
Et semper illius vivas memor:  
Alii dividunt propria, & ditiores fiunt:  
Alii rapiunt non sua, & semper in ege-  
state sunt.

De Philippo Macedone supplementum  
Curtii c. 1.

Vixit

Vixit Philippus annos 47.

Regnavit 25. Macedonum Rex:

Cui maximæ opes instrumenta bellorum:  
Divitiarum quæstu, quàm custodiâ so-  
lertior:

Itaque inter quotidianas rapinas sem-  
per inops.

Fortitudinem animi exercebis,

Si in rectè agendo,

Nec vincaris pudore, neque necessitate:

Illud persvasum habe,

Semper magnarum mentium fuisse,

Aut fortia agere, aut pati.

Dicere: hoc, atque hoc faciam,

( modò justum sit )

Animi est virilis;

Dicere: hoc, atque hoc non feram,

Animi effeminati.

Mentis generosæ ardor,

Adversitatibus irritatus accenditur,

Non minùs ac per antiperistasis,

Ignis urgeri solet,

Animus fortis inter naufragia, sibi cau-  
tes est;

De

De illo loquor,

Qui uni cælo innixus, nec timendos,  
Habet siderum ruentes cardines!

Militandum est nobis,

Inquit apud Romanum Sapientem Ho-  
mo fortis,

Et quidem genere militiæ,

Quo nunquam quies, nunquam otium  
datur.

Persequere vitia finè fine, finè modo:  
Nam illis quoq; nec finis, nec modus est.

Projice, quæcunque cor tuum laniant,

Quæ si aliter extrahi nequeunt,

Cor ipsum cum illis evellendum erat.

Durum, & laboriosum negotium  
nobis datum est:

Imus per obstantia:

Itaque pugnemus: non vincendi, nisi  
velimus!

Temperantiam coles,

Si corpus tuum habeas,

Non tanquam cui vivas,

Sed tanquam id, finè quo non vivitur.

Sapienti mensura cupiditatum,

Non commoditas, sed necessitas est.

Volu-

Voluptates illi; ut insidiæ,  
Posita in animi ruinam.

Oculos, aures, linguam, mentem,  
In obsequio habet:

Nihilq; horum amat, si his perire possit;  
Frænum illi semper ad manum,  
Et omnis in fræno affectus est.

Curam nostri natura mandavit,  
Sed huic, ubi nimium indulseris, viti-  
tium est.

Voluptatem natura necessariis rebus ad-  
miscuit.

Non ut illam peteremus,  
Sed ut ea, sinè quibus vivere non pos-  
sumus,

Gratiora nobis illius faceret accessio,  
Si suo jure veniat, luxuria est.

Ergo intransibilibus resistamus; quia faciliùs  
Non recipiuntur, quàm exeunt.

Hactenus de ædificii columnis;  
Nunc aliquid de Isocratis sapientia,  
accipe.

Exercitationes corporis eas amplectere,  
Quæ ad valetudinem tuendam,

Non

Non quæ ad robur valeant:

Quod utique consequeris.

Si adhuc laborare sufficiens, desinas.

Neque cachinno infræni delecteris;

Neque sermonis audacior petulantia,

Et illud quidem stultum est,

Hoc autem furiosum, atque inane.

Quod facere turpe est, hoc tu quoque  
dicere,

Indecorum puta.

Ita te consuefacias,

Ut non difficilis, non tristis, sed cogita-  
bundus,

Sed severus esse videaris:

Illud te fastidiosum, & contumacem in-  
dicaret,

Hoc prudentem esse demonstrat

Si fortè quid turpe facias,

Nè confidas id diutiùs obscurum fore;

Quod si alios lateas,

Certè tibi ipse eris conscius.

Tunc probaberis maximè,

Si illa caveas, quæ si alii facerent,

Reprehenderes.

Multum disciplinarum,

Mul-

Multis existima præstare pecuniis:

Hæ quidem celeriter decidunt;

Illæ verò perpetuò, ac semper durant.

Diligentiùs verborum, sermonumque,

Quàm pecuniarum tuere deposita.

Amictus compara, qui ornatum afferant,

Non qui modum excedant.

Computationum conventus evita;

Si tempus ad illos te detruserit,

Ante ebrietatem surge;

Nam intellectus vino corruptus; ejus,

Qui aurigam perdiderit,

Currûs similis est.

Quodcumque dicturus es, priùs mente  
voluta;

In plerisque enim menti lingua præ-  
currit.

Duplex eligendum est in loquendo tem-  
pus,

Aut quibus de rebus perspicuè noveris,

Aut quæ diu necessitas ipsa coegerit;

Solis enim in his sermo taciturnitati  
præstat;

In reliquis verò satius est silere, quàm  
loqui.

In

In consultando fac tibi præteritas res  
Exempla futurarum.

Et tardè quidem consultabis,  
Quæ autem probata videbuntur,  
Perficies celeriter.

Hæc ex Philosopho Gentili.  
Nunc ex Christiano \* aliquid accipe.  
*\* Ex D. Martino Episcopo Bracharensi.*

Si vis esse beatus,  
Cogita hoc primum,  
Æternorum intuitu, contemnere, &  
contemni.

Multos vitam differentes,  
Mors juncta prævenit.  
Itaque omnis dies velut ultimus judi-  
cetur :

Verba rebus; non personis æstiman-  
da sunt.

Oratorem te puta, si tibi ante omnes,  
Quod oportet, persuaseris.

Quid sis, interest; non quid habeas.  
Priusquam promittas, deliberes:

Et cum promiseris, facias.  
Maximum in eo vitium est,

I                      Qui



Qui non melioribus vult placere,  
Sed pluribus.

Quæ sunt maximæ divitiæ?

Non desiderare divitias.

Plurimum habet, qui minimum cupit.

Eleemosyna non tam accipientibus,  
Quàm dantibus prodest.

Mala conscientia sæpè tuta est,  
Secura nunquam.

Libidinis initia continebit,  
Qui exitum cogitabit.

Vitium est omnia credere;  
Vitium nihil credere,  
Stultum est somno delectari,  
Et quasi mortem moliri.

Quoties scribens aliquid dicturus es,  
Scito, morum tuorum

Te hominibus chirographum dare.

Quietissimam vitam agerent homines  
in terris,

Si duo hæc verba à natura omnium re-  
rum tollerent:

MEUM, & TUUM.

Atque hæc hæc hactenus.

Nunc

Nunc te quoque ad proximum respice.

Homo es:

Animal Politicum, animal Sociale,

Neque tibi uni natus.

Secundum Deum,

Homo Homini plurimum prodesse,

Plurimum obesse potest. 2. off. Cic.

Non potest tibi alter auferre virtutem,

Potest dubiam facere,

Potest auferre prosperitatem;

Quemadmodum & illam firmare,

Et hanc augere.

Ergo respice ad Alium.

Ille alius

Vel intra pueritiam, vel juventutem,

Vel inter annos viriles, vel in senibus est;

Absens, præsens,

Vir, Mulier, Amicus, Adversarius,

Servus, Dominus,

Superior, æqualis, inferior;

In omnibus his alia ducenda linea.

Alios tenebis, alios trahes,

Alios fugies, alios repelles.

Puerum domi tuæ habebis, ut servum,  
Frænum equo, & virga puero.  
Contemnit hæc hominum fors,  
Quod non timet.

Nescit amare; nescit amari.

Nihil illi secretum,

Nè quidem amorem tuum ei patefeceris.  
Quantò tu severior, tantò ille observan-  
tior.

Nihil illi ultra conductum promiseris:

Ante peractum opus,  
Mercedem non extradideris.

Promittenti permolestus.

Mercedem prævertenti refractarius

Est omnis servus, & puer.

Aliter cum infantia non tua.

Quidquid puero dederis, quidquid di-  
xeris,

Bonum, malum,

Parentibus, Amicis, datum, narratum  
existima.

Sæpe profuit ad magnam  
comparandam gratiam

In aliorum proles liberalem fuisse:

Quod

Quod fit & faciliùs; & acceptatur libe-  
riùs.

Ipse infans doni memoriam  
Ad senectutem usque feret:  
Et talis seni videberis, qualis puero eras.

Alia res tibi erit cum juvenibus.  
His vestium nitor,  
Amis libri, aliis arma præplacent.  
Honorum appetentiores sunt, quàm  
munerum.

Lati, amœni,  
Et plùs sodalium gaudent consuetudine,  
Quàm super longa comestione.

Hoc ferri genus magis trahes,  
Si laudabis, si miraberis;  
Si amœniora referes,  
Quàm si donis obrueris.

Donum Juveni datum amorem causare  
potest,

Sed qui diem duret.  
Ille perseverat in annos,  
Quem morum amœnitas,

Et communis utrique *genus*,  
Procuravit.

In Juventute fallit illud *Ethicorum*;  
*Praemium* communiter datum vilescit.

Aliter viros, & senectutem habebis, si  
sapis.

Difficillioris frontis sunt.  
Audiri, non audire volunt.

Illum tibi *Patronum* promitte,  
Quem pro *Consule*,  
Pro *Dictatore* elegeris,  
Cujus monita recipies,  
Cujus *sensa* adorabis.

Cum his, si *consilia*, si *dubia*,  
Si *negotia* communicabis,  
Ad omnia *auxiliares Deos* invenisti:  
*Hostes*, si *praterieris*.

Amant esse soli,  
Sed & adesse omnibus, *authoritate*, &  
*notitia*.

Placent illis *historici*, & qui  
*Acta*, & *infesta* ad eos deferunt.  
Senibus procurabis *necessaria*,

*Viris*

Viris etiam superflua  
Sic nassam impleveris utrisque.

Ut diu sic stare possis,  
Cave, videaris pluribus deferre thimiamata:

Uni mobili volunt adscribi omnia.

Mulier Echo est, imò & hirundo;

Tacere impotens,  
Quidquid illi in aurem dixeris.

De hoc Pythagoras:  
Hirundines familiares nè alito.

Amanti dominatur, dominantem amat  
Muller.

De hoc malo satis, si parùm.  
Vel oculos in mulierem conjecisse periculofum;  
Nè vel invitus ames.

Amicum conservabis, non Amicum  
trahes,  
Si beneficam voluntatem exhibueris:  
Si res illi tuas communes feceris:  
Si prudenti familiaritate usus fueris:  
Si mores amici similes indueris;

Si de iis, quæ amat, oditve sæpius lo-  
quaris:

Si ejusdem studia æmulaberis:

Si facta comprobabis:

Si sinceris obsequiis adjuvabis:

Si bona eidem apud alios procurâris:

Si justitiam administrabis:

Si dicta, indicta ejus tueberis:

Si reverentiam eidem in agendo ha-  
bebis:

Si de tui amoris constantia certum fe-  
ceris.

Brevius ille:

Amicum faciunt, & conservant:

Laus in absentia;

Honor in præsentia,

Et latum obsequium in indigentia.

Eadem ex inimico amicum facere na-  
ta sunt;

Sed in primis munus, quod datur in ab-  
sccondito,

extinguit iras:

Et donum in sinu indignationem ma-  
ximam

Cum



Cum amico tamen reconciliato sic ages,  
ut ille mus,

Qui ad reconciliatam felem dicebat:  
Amemus nos à longè.

Imò subtrahe quoque quandoq; pedem  
à domo proximi tui:

Ne quando satiatus oderit te.

Magnates sic habe;

Ut nec sis ab iis longè, nec iis nimum  
propè:

Si propè constiteris, flagras:

Si longius, alges;

Inscripsit ardenti foco Princeps Ma-  
gdolonus.

Qualem habere velles si te major esset,  
Nè formica quidem contemnenda;

Quando hoc genus bestiolarum  
Legitur aliquando integram insulam,  
Depastum esse.

Erga æquales omnes benevolentia,

Et honoris modos exhibe:

Sementis est, quidquid in his agris je-  
ceris,

Decu-

Decuplo in tuum horreum reditura.

Neque tibi amicos fore speres, quos pro  
amicis

Non habueris.

Præterquam quòd ab aliis injuriâ exi-  
gitur,

Quod vicinis præstare noluimus.

Si justus, si beneficus,

Si in largienda pecunia pro necessitate,

Si in conferenda opera promptus fueris,

Si non contractus in dando,

Non acerbus in exigendo;

Diligent te

Æstimabunt;

Si tibi rerum fuerit copia,

Fama integra,

Jurium, aut rei bellicæ peritia.

Reverebuntur:

Si quæ arcanum requirunt, testia ha-  
bebis,

Si læpe cum Sapientibus cōmunicaveris.

Si amicorum delectum habueris:

Si bene meritis gratiam refuderis.

Fidem habebunt;

Si

Si doctum, si prudentem deprehende-  
rint.

Hæc tamen omnia  
Sic accipienda sunt,  
Ut semper præ oculis habeatur finis,  
Et secundum finem  
Dirigatur cursus ;  
Qui quidem  
In hac vita est  
Cum Virtute Prosperitas,  
In vitâ altera,  
Æterna SUMMI BONI possessio.





